

**DE ECCLESIASTICIS  
MAGISTRATIBUS  
EORUMQUE  
ANTIQUITATE,  
DIGNITATE, ...**

---

Vittorino Manso, Cornelio  
Francescucci, Andrea Biscioni, ...





M

13-21-f-59









*Henry Præfatus Rom. Sac. Pal. & Libr. Ap. Secretarij*

*XXXIIII*

D E

**ECCLESIASTICIS  
MAGISTRATIBVS  
EORVMQ. ANTIQVITATE,**

*Dignitate, Auctoritate, Officijs, ceterisque  
ad eos pertinentibus.*

**EX HARMONIA THEOLOGICA.**

**D. VICTORINI MANSI AVERSANI**

*Monachi Cauensis è Congregatione Casinensi,  
& Episcopi Arianensis.*

**Libri Septem.**

**Cum Indice rerum, & verborum locupletissimo.**



**ROMAE, Apud Carolum Vallietum. M. DC. VIII.**

**SVPERIORVM PERMISSV.**

EDUCATIONAL INQUIRY  
MADE IN THE  
STATISTICAL BUREAU

IN THE BUREAU OF THE  
STATISTICAL BUREAU

For the purpose of the  
Bureau of the

Statistical Bureau

For the purpose of the

Statistical Bureau

For the purpose of the

Statistical Bureau

For the purpose of the

Statistical Bureau


For the purpose of the

Statistical Bureau

For the purpose of the

Statistical Bureau

BEATISSIMO  
PAVLO QVINTO  
PONT. MAX.

VM decennium; P. Beatissime, à  
suscepta Episcopi dignitate, Vrbe  
absuissem, quo curâdis Christi mi-  
hi creditis ouibus, & diutius, & ac-  
curatius studerem. Subijt hoc anno religiosa  
animum cogitatio. Ecquid antequam ex hac  
vita abeas; non sunt tibi Episcopo Principum  
Ecclesie sanctæ, sacræ reliquiæ inuisendæ, se-  
pulchra adoranda, cetera pia Urbis loca, san-  
ctorum & ossa, & cineres venerandi? Nō sunt  
tibi Pōtificis Maximi, Christi q; Vicarij Pauli  
V. pedes exosculâdi, qui tam strenue Aposto-  
licam, christianamq; disciplinā non re minus,  
quā auctoritate tuetur? Accepi quasi diui-  
nitus datum consilium; Potestas à sanctitate  
vestra facta est, veniendi, admissusq; ad beatif-  
simorum oscula pedum, ac benignissime ex-  
ceptus, ecclesie meæ statum breui exposui;  
meiq; aduētus causam; perhumaniter utrūq;  
probasti. Itaque mansi in Vrbe hucusque,

summa cū animi voluptate, nō modo quod  
mentis meæ religioni satisfeci, sed quod solē-  
nibus Pontificijs cærimonijs, quod celeberrimis  
sacris fere omnibus interfui. Nunc quod  
reliquum est æstiuī temporis, putauī optime  
collocari in ijs euulgādis, quæ de Ecclesiasti-  
cis Magistratibus meū tātum ad vsum olim  
collegi. Siquidem pleriq; & pij, & eruditi viri  
ad publicam quoque vtilitatem conferenda  
à me esse omnino contenderunt: quoniā tra-  
ctatio est de eisdem fere integra, sacrarum lit-  
terarum in primis, sanctorum deinde aucto-  
ritatibus contexta, ordineque ad institutionē  
aptissimo distributa. Hāc tamē, qualiscūque  
ea sit, Pater Beatiss. in alio quā in tuo nomi-  
ne apparere nolui, qui in apice Ecclesiasticæ  
Hierarchiæ merito sedes. Accipe igitur libē-  
ter pro tua benignissima humanitate hoc le-  
uidense munusculū, vt meæ in te singularis-  
simæ obseruantia argumentum certū, quod-  
que ego submisisse admodum sapientissimo  
tuo examini dijudicādū trado. Bene fausteq;  
per multos annos Christianæ religionis præ-  
cipuum columen Vale.

*Sanctitatis Vestrae*

*Seruus humillimus*

*D. Victorinus Episcopus Arian.*



# PIO AC BENEVOLO LECTORI.

## Præfatio.



*VM* omnis de rebus diuinis tractatio dignissima per se sit, quoniam ad veram et honestatem, et pietatem pertinet; tum vel maxime ea, qua de Ecclesiasticis Magistratibus instituitur: quia non partem sed uniuersam quodammodo Christiana religionis rationem attingit. Ut enim foliorum gratus visor, florum suavis odor, fructuum iucundus sapor, ex valida radicis vi proficiscitur; ita sane ex eorum, qui præsunt, virtutis cultu, pietatis Zelo, prudentia luce, subiectorum sensus pietas, religionis sanctitas, morum honestas, oritur. Omnes enim, qui alterius parent imperio, promptius exemplo mouentur, quam præcepto. (Contumax ait Seneca) est humanus animus, et in contrarium, atque arduum nitens, sequiturque facilius, quam ducatur. Atque idcirco Charissimum  
filium

*filium Titum Episcopum instituens D. Paulus praescribit: In omnibus teipsum praebe exemplum bonorum operum: in doctrina, in integritate, in gravitate. Quod si ea quoque est eorum qui praesunt, ad ceteros, qui subiiciuntur, ratio, ut capitis ad membra reliqua (in summo enim à natura collocatum est, quod in eo regimen est salutis totius animantis residet) qua sensuum integritas, quae motus efficacia, qua membrorum agilitas, eodem languente, esse potest: ita magistratus officijs aut perturbatis, aut depravatis, aut neglectis, priuatos non torpor solummodo et desidia, sed vitiorum coltuuius occupat, et prostermit, ut fere nihil Christiano homine dignum, spectent et curent. Docent sacra litterae:*

*Ecclesia-  
stici 10.*

*Qualis Rector est ciuitatis, ita et inhabitantes in ea. Itemque Rex insipiens perdet populum*

*Ecclesia-  
stica 10.*

*suum. Eandem calamitatem deplorat sapiens: Veb terra, cuius Rex puer est: et cuius principes manè comedunt. At contra: Beata ciuitas, cuius Rex nobilis: et cuius principes vescuntur in tempore suo ad reficiendum, non ad luxuriam. Certè, quòd si hi, qui magistratus gerunt, ceterosque regunt, pietatis ac iustitiae officijs student, quibus vera nobilitas continetur; luxumque omnem administri eius suo exemplo aspernantur,*

nantur, frugalitate contenti, ciues quoque omni  
virtutum genere, iustis imperijs, rectis exemplis,  
ornant & augent, atque ad felicitatis adeptio-  
nem eisdem viam muniunt. Cum itaque tanti  
referat, eos qui summam rerum tenent, & ad-  
ministrant, vera virtutis, rectique officij esse cul-  
tores: omnis est pro ijs instituendis suscipiendus  
labor, omnes ingenij nerui intendendi, ut quae ab  
ipsis praestanda est sui muneris ratio, & noscant  
& exequantur. Quam ob rem, cum ego pro mei  
instituzione, nonnulla, cum ex recentioribus, tum  
ex patribus, ac potissimum ex sacris literis ad  
hanc rationem collegissem, praestantissimorum vi-  
rorum quibus legenda dedi, consilium atque adeo  
imperium sequens edere decreui. Nam & si  
multa ad hoc genus pertinētia, à grauissimis au-  
ctoribus & tractata, & euulgata sunt; ut pleris-  
que forsitan rem actam agere videar; tamen si  
aquis animis hac legerint; quandam profectò  
breuem & elegantem tractandi rationem in his  
libris elucere inuenient, non aspernandam. Se-  
quor autem institutum meum; in prima huius  
harmonia parte, iampridem typis mandata: ut  
quaestiones ita tractem, ut conciliem de ijs aucto-  
res: concentusque suauitatem pro exiguo meo in-  
genio ijs controuersis reddam. Ordior primum  
ab,

1. Phi. 1.  
1. Post.

ab uniuersis; ut tractandarum reum postulat  
ordo. Deinde ad singula aggredior, cuiusque ma-  
gislratus, & principia, & genera, & propieta-  
tes persequor. Tum diuisiones, definitiones, ac  
cetera, quæ ad eiusdem institutionem & discipli-  
nam spectant, serme omnia trado. Duces & au-  
ctores mihi potissimum Doctor Angelicus,  
D. Bernardus, Sanctissimus Pater Benedictus,  
sed ex multis quoque alijs & Sanctissimis &  
eruditissimis uiris cõcentus nostri theologi iu-  
cunditas componitur. Tu, amantissime lector,  
nostro hoc fructu exiguu munere, & precibus  
Deum Optimum Max. redde propitium ijs om-  
nibus, qui publicam ad utilitatem conferunt  
suos labores. Vale.





# DE ECCLESIASTICIS MAGISTRATIBVS.

Liber Primus.

EX HARMONIA THEOLOGICA.

*Auctore*

**D. VICTORINO MANSO AVERSAÑO**

*Monacho Cauense, Congregationis Casinensis,*

*& Episcopo Arianensi.*

## C A P. I.



**INGREDIENTI** mihi ad ea tractanda, quæ de Ecclesiasticis Magistratibus Sacri Theologi disserunt; explicandum in primis videtur; An quolibet in tempore in Ecclesia Magistratus sint constituti, & quo illi quidem iure sint constituti? Sunt enim qui sentiant, post primi Paren-

tis lapsum, non antea, in Ecclesia Magistratus esse constitutos; ac iure humano, non diuino, vel naturali, eiusmodi potestatem inductam. Aiunt enim, cuiusq; Magistratus Ecclesiastici officium in eo situm esse, ut homines à vitijs, ac sceleribus abducantur; ad virtutis, honestatisq; studium deducantur. Etenim & D. Paulus id spectans docuit, iusto *Timot. 1.*

**A** legem

Iegem non esse positam; siquidem cum legis cuiusq; hæc sit vis, vt praua vetet, iubeat recta; iustus per se innocentia studens, constantiq; animo probitatem sequens, non indiget legis vinculis contineri: itaque lege coactiua(vt loquuntur) solutus est. Quia vero, vt lex mutus est magistratus, ita magistratus lex est loquens; idcirco, vt iustus, non potest eiusmodi lege teneri, ita nec sub alicuius magistratus potestate subijci. Constitutus ergo homo in florentissimo innocentia statu, originalisq; iustitiae ornamento munitus, quo appetitus regerentur, imperioq; rationis nunquam non parerent, nulla necesse erat cuiusquã magistratus facultate, ac vi dirigi. Adde his omnium vetustorum Theologorum sententiam; subiectionem, ac seruitutem hominibus peccato esse importatam. ita D. Basilii. ita D. Ioannes Chrysostomus, ceteriq; posteriores sensere, eo vsi sacrarum litterarum testimonio: Maledictus puer Chanaan, seruus seruorum erit. Quare D. Gregorius, nostrae familiae splendor 26. moral. cap. 19. ait: Cunctos natura & quales genuit: vt autem alij ad regendum committantur, non eos natura, sed culpa postposuit. Postremo, cum Deus Optimus Maximus singulis quibusq; hominibus, atque adeo generi hominum omni sui imaginem impressit, iustitiaeq; munus excellens contulit, pariq; dignitatis gradu ad suã similitudinem extulit; cæli, terræ quæ, & quæ eorum complexu continetur, dominatum tribuit, vicissim eos & subijci, & præfici, valde inconsiderate asseretur. Constituunt ergo, innocentia tempore nullam fuisse legitimi præsidens potestatem, sed pari omnes iure, ac facultate præditos. Hinc Symbolici Theologi Euam non ex capite, non ex pedibus Adami, sed ex latere conflatam asserunt; propterea quod neque mulieres virorũ dominae, neque seruae esse debent, sed sociæ, ac pares: maris vero, ac feminae prima est humani generis societas. Itaque serui, ac domini, omninoq; magistratus nomen ac ius tollendum esse videtur. Hic contra disputant plerique, naturaq; seruum, ac dominum constitutos esse asseuerant, nedum magistratus

ab

2. Ratio.

Super Gen.  
nes.  
Gen. 9.

3. Ratio.

4. Ratio.

ab eadem profectos; principemq; huius sententiæ Aristotelem faciunt, qui 1. de Rep. libro constantissime eam tuetur, dicens: Apparet alios esse natura seruos, alios liberos, & quibus ex rebus statuti sunt ij, quorum alteri seruitus vtilitati est, alteri imperium; quorumq; alterum ius est, & decet parere, præesse alterum eo imperij genere, quod à natura datum sit. Quoniam autem natura tempore innocentie maximè viguit, maxime quoque serui, ac domini discrimen eo tempore extitit. Theologi præterea virili ratione vti, eandem sententiam complexi sunt, siquidem aiunt; superiores sunt hominibus cælitres: sunt autem in eorū genere, qui alijs natura præfunt, & imperant; sunt qui parent, & subsunt: erit quoque multo magis in hominibus, inde ab initio suæ creationis, imperij, & obedientie naturale discrimen. Etenim, si in florenti illo innocentie statu humanum genus mansisset, Ecclesiæ quoque fuisset multoque & perfectior, & præstantior. Ecclesiæ autem notio, ac vis aliquorum congregatione inter se disparium definitur, quorum alius imperandi, parendi alius officio fungatur. Itaque ex his concluditur, obtemperandi, præcipiendiq; inter homines rationem in statu quoque innocentie viguisse. Nā si triumphans Ecclesiæ, id est, cœtus clarissimus, & felicissimus cælestium, & beatorum animorum, cuius hic militans, cœtus scilicet hominum, qui cum immanissimis hostibus, Dæmone, Carne, ac Mundo bellum gerunt, figura est, has dissimilitudines, & distinctiones continet: hæc ipsa, ut Ecclesiæ nomen, ac vim teneat, ijs carere non potest. Quia verò quale cuique à primo ortu est (ait Philosophus) alem cuiusq; naturam esse dicimus; nec dubitare quidem eas est, imperandi, parendiq; in hominum genere, & naturæ lege, & inde ab initio rationes constituisse. Quibus ex omnibus conficitur, non eadem esse de origine, ac ratione dominationis, & magistratus sententiam. Sed ut eos ad consensionem adducamus: constituendum in primis est, variam fuisse à nonnullis consensionis rationem explicatam. Nam alij ita putant rem perfecte componi posse, ut dicamus, magistratus, & do-

1. Polit.

1. Ratio ex  
auctoritate  
philosophi.2. Ratio ex  
Theolog.  
D. Thom.  
Scol. &  
alijs.

3. Ratio.

Confirmatio  
prima.Confirmatio  
secunda  
1. Polit.

Conciliatio

1. Opinio.

phos cum Theologis consentire necesse sit, seruitutem, ac dominatum in homines ex peccato inuenta. Vt enim ignorarint Philosophi naturæ nostræ lapsum, eius tamen imbecillitatem, atque ad deteriora propensionem optimè indagarunt. Quare Platonius Orator, simulac (ait) in lucem editi, ac suscepti sumus, continuò in omni inanitate, ac prauitate versamur, vt penè cum lacte nutricis errorem fuisse videamur. Cum ergo æquo iure homines viuere minimè ferrent, ius seruile sibi vsurpauerunt, & ad se, ac suum ad vsum hominum, quoque operam reuocauerunt; vt homo (veteri prouerbio) homini esset deus. Ad imperium igitur, sed ciuile, quidam nati sunt, quidam ad subiectionem profectò ciuile. Ac præterea, ad seruiendum nonnulli peccati poena subiecti sunt, nonnulli ad imperandum Diuino permissu constituti. Quibus ita expositis, longius est consensionis ratio ducenda; definitiones exponendæ. Dominium (vt propriè dicamus) potestas est, quidpiam ad se, suumq; vsum referendi. Vt seruitus est conditio, qua aliquid ad aliud, eiusq; vsum refertur. Vtraque bipartita est. Nam est dominium naturæ iure constitutum: & est dominium, quod lege hominum inuectum est. Magistratus, officium est eorum, qui eiusmodi potestate muniti, iureq; suo vtentes, præscriptis à ratione, siue lege præceptionibus, finem subiectis constitutum, pro eorum vtilitate attingere curant. Subiectio, officium est eorum, qui ex magistratus legitimi præscriptione, ad suam vtilitatem, suum finem attingere student. Quod autem vfu, & vtilitate hæc definitiones metiendæ sint, ex Arist. discitur: docet enim alios esse naturæ seruos, alios liberos, quorum alteri seruitus vtilitati est, alteri imperium; quorumq; alterum ius est, & decet parere, præesse alterum, eo imperij genere, quod à natura datū sit, ob eamq; causam imperare. Quamobrem si diligenter, non ex decore modò, sed ex natura vniuersi inspiciamus, primo quidem imperij genere Deus Opt. Max. omnium est Dominus, & solus Dominus, quod ad ipsum vt postremum finem, primumq; efficiens omnia referenda sunt, & ab eo pendent; ipse verò nusquam.

1. Polit.

*Psal.* 218.  
*Ad Rom.*  
11.

nusquam. Hinc Psalmus: Omnia seruiunt tibi. & D. Paulus: Ex ipso, & per ipsum, & in ipso sunt omnia. Materia autem prima, quoniam omni specie, & qualitate vacat, ad omnia refertur, & ex omnibus pendet, itaque semper, & omnino serua est. Quidquid autem est inter hæc extrema interiectum, & præest, & subest, variaq; comparatione & refertur, & refert, seruit, & imperat. Summus igitur ille Dominus, quoniam immensa eius potestate omnia cōtinētur, omni lege solutus est. Materia prima, quod nulla, nisi omnia patiendi, ac accipiendo facultate instructa est, omnibus subiecta est. Cetera & parent, & imperant, & alia sustinent, & aliorum ope sustinentur. Siquidem admirabili quodam vinculo alia ex alijs ita, nexa, & continuata sunt, vt summi cælites saltem Deo subijciantur, & pareāt; infimi imperent, ac præsideant orbis; ac singulæ quæque eius partes dimensis inter se, ac distributis imperijs & præstint, & obediant. Itaque omnia supra, media, infima, naturæ iure, sempiterno imperio summi Regentis subiecta sunt. Cetera vt maximè virtute, naturæq; excellentia munita sunt, ita vim habere dominandi maximā possunt: quoniam quidquid superius est, id semper in alicuius boni præstantia cernitur. Sic Angelorum ordines inter se constituti sunt; sic cælorum astra distincta; sic singulæ inferioris orbis partes dispositæ, vt summa nascatur vtilitas parendo in his, quæ parent, imperando in ijs quæ imperant; nihilq; sit cōfusum, nihil turbidum, & inquietum, sed summus disparium rerum, natura, vi, efficiētia, præstantia, ordo, & admirabilis consensus eluceat. Præterea quæ perfectio constare in vniuerso poterit, nisi disparibus rerum momentis coagmentatum cōtineatur, omnibusq; suis ac dissimilibus partibus sit expletum? Nam si Mundus animantis est instar (vt Platoni placet) diuersis coalitum ex membris necesse est esse, quorum sit vis, ac functio dispar, & varia: caput eminet, sensumque, ac motū ceteris subministrat; reliqua seruiunt, mouentur, & exequuntur. Eodem modo hominum genus affectum esse oportet, vt vnus in alterius sit potestate, alter sui sit iuris: hic iubeat, pa-

*Confirmatio.*

*In Timæo.*

creat

reat ille. Ita enim erit hominū genus omnibus suis partibus, & numeris perfectum, & absolutum. Etenim ut in iis, quæ ex multis constant partibus, ut quoddam commune, (sive partes continuatæ sint, ut in vocum, & corporum concretionem; sive secretæ, & diuisæ, ut in exercitu) perspicitur, pars, quæ imperat, & pars quæ pareat, vox profectò excellens, elementumq; præstans voces, quæ ad concentum temperantur, & elementa, quæ in concretionem separantur; ita Dux, ac miles. Nam quod in animali sit animus, qui natura imperet, & corpus quod pareat; masculus qui præsit, femina, quæ obediat, iam pridem eruditè Aristoteles docuit, constareq; hominum perfectionem absq; ijs dissimilitudinibus nullo pacto posse. Postremò, quoniam officio, munere, vique efficiendi definita in natura sunt omnia, nihilq; debet in eadem esse confusum, ac perturbatum; necesse est singulas quasq; vniuersitatis partes proprio suo munere, & officio fungi, dispari quidem, & vario. Itaque ut aliud capitis, aliud manus, aliud pedis est munus; ita in hoc vniuerso oportet has differentias inesse, certè ut terra, quæ patiatur, & pareat cælo; cælum ut agat, & imperet. Apes Rege ducuntur, & ei parent; ita grues; idemq; de ceteris; sic & homo, qui præsideat, ac iubeat, qui audiat, & obediat. Ut igitur & rerum vis, ac natura, & aptum decus, venustaq; perfectio, & certa munera in vniuersitate rerum eluceant; opus est, præsertim in hominum genere, esse eum, qui præsit, & qui pareat. Quare D. Basil. Politicæ proprium est, quod ad vnum commune finem singulorum actiones sunt destinatæ, velut in apibus videre est. Quamobrem ex ijs & nihil esse inter eruditos hac de re dissensionis, lucè clarius perspicitur, & quodnam seruitutis genus natura respiciat, declaratur.

1. Polit.

In Hexam.

potest. Nam Quintus Curtius de Alexandro, & Hephæstione narrat, hūc ætate parē fuisse Regi, corporis habitu præstitisse. Non igitur imperandi ratio ad corporis habitum, vt ad causam referenda esse videtur. Quare & Seneca post illa verba adiungit, inter homines pro summo optimus est. Animo itaque olim rector eligebatur: ideoq; summa erat felicitas gētium, in quibus non poterat potentior esse, nisi melior. Ad animorum ergo distinctionem controuersia reuocanda est. Ac primum, nōnulli Platōnem sequuti, pares illos in potestate esse debere astruunt, in quorum animis aurum Deus effector admiscuisset, vt eos, in quibus plumbum, vel ferrum, vel argētum admixtum esset, sub potestare subiectos. Quæ sanè verba, nisi recondito sensu auri nōmine sapientia intelligatur, vt plumbi, voluptas, argenti, honor, ferri, militia; vt idem sit, ac viros tantummodò sapientia, & animi splendore præditos ad imperium natos, non autem voluptuarios, ambitiosos, crudeles, nihil significāt. Quo enim modo animus ijs metallorum naturis coalescere, & cōstare potest? Quare Arist. eos egregiè refellit de Rep. lib. 2. cap. 3. Non defuerunt, qui genius singulis quibusq; hominibus attributos, harum putant dissimilitudinum auctores. Enim verò quidam sunt genij potestate præcellentes, quidam obedientes: igitur & hi sunt homines ad imperandum natura idonei, quibus genius ille quidem imperiosus præsidet; ij verò ad parēdum apti, quibus præest is, qui obtemperat. Hanc sententiam Plato in Teage explicauisse videri potest. Sed verius sensisse eos arbitror, qui astruunt, quod vt ij, quibus supremæ Hierarchiæ angelicæ. Angeli præsident, Seraphin, Cherubin, Throni, apti sunt ad cōtemplandum: sic quibus mediæ, Dominationes, Principatus, & Potestates, idonei sunt ad imperandum: quibus infimæ virtutes, Archangeli, Angeli nati sunt ad parendum. Cum enim, vt superius explicatum est, Angeli Dei beneficentia, non singulorū tantum hominum salutem curent, sed vniuerso orbi, singulisq; eius præcipuis partibus præsideant, auxilioq; sint, vt finem suū consequantur, id negotij potissimum suscipiunt, vt iustē præcipiant alij, alij rectē pareant; quoniam in hoc Reip. cuiusq; ra-

Lib. 1. Po-  
lit.

uo integra, & incolumis continetur. Et quoniam tam præceptio, quam subiectio veri, rectiq; cognitione dirigitur, merito & contemplandi, & præcipiendi tripartitum munus celestibus animis prorata parte attributum fuit, qui ad eadem obeunda munera homines suæ fidei creditos dirigant, & moderentur. Affines hæc duæ sententiæ esse videtur: quoniam si recta (vt par est) interpretatio adhibeatur, eosdem genios, & Angelos ad hominum custodiam deputatos esse, asserendum est. Eorum modò sententiam audiamus, qui ad cælorum orbis, eorumq; situs, & signa pleraq; referunt. Astrologi appellantur, qui dominium, ac seruitutem ex imperantibus, & obedientibus signis, siue locis duci astruunt, causasq; inclinantes eadem signa arbitrantur. Sentiant autem obedientia inter se, & imperantia signa esse, quæ æquali spatio distant, seu ab vno, seu ab vtroq; puncto, æquinoctialium, eo quod æquali spatio temporis exoriantur, eosdemque describant parallelas. Ceterum, quæ in æstiuæ sphaeræ parte sunt, imperantia, quæ in hiberna, obedientia nominantur, quia Sol cum in illis moratur, dies longiores, cum vero in istis, noctes efficit longiores, quod vt clarius pateat, sic describuntur.

*Imperantia siue Dominantia.*

Aries.	Taurus.	Gemini.	Cancer.	Leo.	Virgo.
♈	♉	♊	♋	♌	♍
10.20.30.	10.20.30.	10.20.30.	10.20.30.	10.20.30.	10.20.30.
♎	♏	♐	♑	♒	♓
30.20.10.	30.20.10.	30.20.10.	30.20.10.	30.20.10.	30.20.10.
Piscis.	Aquarius.	Capricor.	Sagittar.	Scorpio.	Libra.

*Obedientia, siue Seruientia.*

Sed hæc ipsi viderint. Non desunt autem, qui huiusce rei causam in singulorum animorum differentiam rejiciant. quibus inter se illi quidem distinguuntur. Nam & si quod ad naturam

ram



ram attinet, consentiant omnes, animorum vim parem esse  
 aliquod tamen subesse singulorum animorum inter se discrimen affirmant, utcumque quale sit vix declarant. Etenim Aristoteli quoque idem præclarissime astruit, dicens: Quod si in corporibus tantæ sunt dissimilitudines, maiori quadam ratione in animis existunt hæ ipsæ varietates: sed non est æquè facile animi, ac corporis pulchritudinem cernere. Animos igitur eorum qui imperant, tales esse dicendum est, ut digni sint imperio; eorum verò, qui parent, eiusmodi esse, ut debeant obtemperare. Atque hæc ratio propius ad veritatem accedere videtur. Nihil enim ociosum, nihil vfu, ac suo fine vacans Deus naturæ auctor efficit: neque cuiusquæ est actio, nisi cuius est vis ad eandem; igitur quem ad imperium erigi videmus, putandum est eum ad imperandum innatam suo in animo vim habere, ut contra, eum, qui parent, inositam suam, ac propriam in animo vim ad parendum continere, asserendum est: eoque spectare id, quod Aristoteles concludendo docet: At illud quidem perspicuum est, esse quosdam à natura liberos generatos, quosdam seruos, quibus & utilis est, & iusta seruitus. Sed enim, ut singulæ quæque hæc sententiæ aliquid veritatis attingant, ut nullo penè negotio reuocari ad consensionem queant, sic causam harum differentiarum per se minimè continent. Nam cum altissimis fixa radicibus illa quidem ratio constet, id esse ceterorum causam, quod in eo genere excellit, ut ignis se habet ad cetera calida; ita asserendum est in hac, de qua, agimus imperandi, ac parendi controuersia. Quia verò Deus summum omnium obineat principatum, eum cuiusque imperij auctorem, & causam esse statuendum est. Quare per sacras litteras testatur: Per me Reges regnant, Per me Principes imperant. Ac D. Paul. Omnis potestas à Deo est. & Sapientiæ 6. A Domino potestas nobis, & ab Altissimo virtus. & Ecclesiastes 17. In vnamquamque gentem præposuit rectorem. Ut enim nihil in rerum natura, nisi eius iussu, vel permisso fieri necesse est; ita maximè eius vigere imperium arbitrandum est in eorum, qui imperare, vel parere debeant, delectu. Si enim hominis est rectè à natura informati,

Lib. 1. 2. pro-  
lit.

1. Polit.

2. Metaph.

Prou. 8.  
Rom. 13.  
Sapient. 6.  
Ecclef. 17.

persuasum habere, nihil in humanis rebus, nisi summi moderatoris Dei numine disponi, hic sensus magnopere vigeat, opus est, in constituendis magistratibus. Vt enim quidque maxime in natura excellit, ita maxime Dei prouidentia disponitur; nihil est autem, quod maius habeat in rerum natura momentum, quam magistratus: igitur summæ est Deo curæ ius imperandi, ac parendi. Quamobrè & Cicero ait: Nihil est illi principi Deo, qui hunc mūdum regit omnem, quod quidem in terris fiat, acceptius, quam concilia, cœtusq; hominum iure consociati, quæ ciuitates appellantur, harum rectores, & conseruatores. Dei igitur summi imperio ac iussu singulis quibusque, vel imperandi, vel parendi præscriptio constituta est. Quare

De somn.  
Scipionis.

Cap. 2.  
Ecclef. 10.

Daniel Nabuchodonosori ait: Tu Rex Regum es, & Deus Cæli Regnum, & fortitudinem, & imperium, & gloriam dedit tibi. & alibi: Sedere facit pauperes pro eis. Sit igitur homo corporis quâtauis valetudine firmus, quacumque oris dignitate venustus, animo qualibet sapientiæ eruditione prædito, genij præclara ope munito, præcellentium Angelorum virtute firmato, certe regēdi munus à Deo, præterea nullo eidem obuenire credendum est, qui summa imperia delet, obscuraq; sortis homines ad supremum dignitatis gradum extollit; Reges de solio detrudit, & quos vult in regia dignitate constituit. Aiunt enim sacræ litteræ: de carcere, catenisq; interdum quis egreditur ad regnū, & alius natus in regno inopia consumitur. Sed vt hæc vera sit, ac prima dominatus, seruitutisq; causa; proximæ, atque singulæ nihil obstat, quo minus illæ quidem sint. Corporis quidem egregia constitutio, orisq; dignitas, præclaram regnādi, imperandiq; indolem præferet: vt firmitas, ac robur hispidum, & horridum seruiendi, parendiq; indicium præbet. Cum enim imperium mente, & consilio administratur, viribus verò, ac robore seruitus exerceatur, sitq; in corporibus, quod mentem acuat, quod obtūdat (nam docet Arist. eos tardi esse ingenij, quorum prædura est caro, quorum autem mollis est, ingeniosi) hæc corporis constitutio certè indicium erit, non autē causa. Sapientiæ quoque munus alicui concessum, argumentū est

2. de Ani-  
ma.

est imperandi vim eidem elargitam esse, ut stoliditas obtemperandi: genij verò, siue Angeli attributi quorum sit vis, ad imperium dirigens, vel ad seruitium, causa proxima esse videatur. Etenim Deus singulis hominum præposuit Angelos, quorum ope, & diligentia sua quæque officia exequantur; præcipua autem hominum officia esse videntur rectè præcipere, parere fideliter. Quamobrem nulla inter disputantes controuersia reliqua est, sed ad veritatem omnes prorata portione accedunt. Nam Astrologi aut vanam afferunt causam, aut longè remotam. modò diuisionem tractemus,

## C A P. III.

*Quotuplex est potestas.*



**V**ONIAM, etsi de Ecclesiæ tantùm magistratious ratio nobis est ineunda, tamen hoc præstare commodè minime possumus, nisi apparatus quidam ante constituentur, ut quo decet ordine, quæ tractanda proposuimus, tractemus: idè potestatis definitio, & diuisio tradenda prius est, deinde ad ea explicanda aggrediendum est, quæ nostro sunt instituto aptiora. Potestas, quæ Græce *δύναμις* dicitur, vis est, siue facultas ad aliquid, vel agendum, vel patiendum; ita enim apud viros eruditos vsurpatur, ut tam vis agens, quàm patiens eo vocabulo significetur. Hæc & remota, & proxima esse potest. Proxima, dicitur, quæ vnica, vel modica vi, in exitum, siue ad actum deducitur. Remota, quæ pluribus, vel valètoribus indiget, ut exitum accipiat. Sed ut rem nostram agamus, potestas pro auctoritate sumitur, quæ Græcè *δύναμις* vocatur, atque ut Iurecons. Paulus in l. potestatis. ff. de verb. sign. in persona magistratuum significat imperium, liberorum quidem patriam potestatem, seruorum dominum. hæc autè duplex est, aut Ecclesiastica, aut laica; idq̃, ex omni causæ genere comprobari potest. Nam potestas laica spectat Reip. statum probitate morali, & pace tranquilla

quilla florentem. Ecclesiastica verò eundem gratia diuina, & gloria sempiterna nirentem: illa veratur in humanis agentibus, hæc in diuinis colendis; illa præscripto rationis, hæc diuino numine dirigitur. Conueniunt, utraque quod à Deo instituta, ac lata sunt, nec (ut plerique asserunt) eo differunt; quod hæc à Deo iam factò homine, illa ab eodem, nondum homine factò constituta sit; cum nullum fuerit tempus, in quo Ecclesia non fuerit, atque adeò spiritualis, & Ecclesiastica potestas. Itaque discrimen illud quidem non constat, nisi Ecclesiasticæ nomine Euangelium intelligere velint: ita enim nihil à nobis illi quidem dissentirent. At quoniã de Ecclesiastica præsertim rationem habendam esse duximus, huius tantum definitio est asserenda. Est autem (ut breui rem complectar) potestas à Deo proximè, & diuinè instituta, ad homines diuinis legibus à prauitate auocandos, & ad vitam diuinam ducendam dirigendos, & quatenus opus est, ad ciuilem. Hæc suis esse numeris absoluta definitio censetur, quod ea omnia contineat, quibus definitionis leges coarctantur. Nam generis est loco illud nomen, Potestas, cetera, differentię sunt. Adiunctum est (à Deo proximè, & diuinè) ut secludatur illa, quæ hominum tantum instituto nritur, vel si à Deo, non per se, sed per alios, & naturali instinctu, non diuino constituta est; ac præterea eò referri debet, ut homines Dei vitam imitentur, ad eo exerceatur modo, ac forma, qua diuinæ leges præscribunt. Postremò, ut ciuilis quoque vitæ moderatio eidem commissæ esse videatur, non quidem per se, aut suo quodam iure, sed ut diuinam vel impedit, vel imminuit, vel euertit. Etenim operæpretium est, humana diuinis deservire, & ad finem vltimum, cetera referri modo iam exposito. Hæc verò potestas declaratur apud Apostolum his verbis: Arma militiæ nostræ, id est, potestas, ac facultas, non carnalia sunt, hoc est ad temporalia tantum consequenda, sed potentia Deo, scilicet, quod valida est diuina constitutione, non humana, ad destructionem munitiorum, consilia destruentes, & omnem altitudinem extollentem se aduersus scientiam Dei, & in captiuitatem redigentes omnes in-

2. ad Cor.  
10.

intellectum in obsequium Christi, & in promptu habentes vlcisci omnem inobedientiam, &c. Quodque de potestate loqueretur adiungit, dicēs: Potestas, quam dedit nobis Deus in ædificationem, nō in destructionem. ædificatio autem ista quæ sit, explicuit aliās ea sententia: Ipse dedit quosdam Apostolos, *Eph. 4.* quosdam Prophetas, alios verò Euangelistas, alios autem Doctores, ac Pastores ad consummationē sanctorum, in opus ministerij, in ædificationem corporis Christi, donec occurramus omnes in vnitatem fidei, & agnitionis filij Dei, in virum perfectum, in mensuram ætatis plenitudinis Christi. Quamobrem satis liquido constat, eo potestatem hominibus alios regendi concessam esse à Deo, vt perfectam gratiam, & æternam gloriā consequantur; hoc autem est, vitam imitari diuinam. Quare D. Basilii: Quæ quidem, cum inde ab initio fuerint hominum generi vniuerso proposita, omnes eius conatus, studia, actiones eo referri vt in postremum, & communem finem debeant, certē, vt vitam imitentur diuinam: patet eandem fuisse potestatem, quæ homines in eū dirigat, & moderetur. Itaque eiusmodi Ecclesiasticæ potestatis definitio omnino probanda est. Diuisio autem in alio capite explicanda.

## C A P. I V.

*Quotuplex sit potestas Ecclesiastica.*



**V**ARI fieri potest potestatis Ecclesiæ diuisio, quoniam varia eiusdem haberi ratio potest; nam si tempus, quo illa constituta fuit, consideretur, triplex est, vna naturalis legis tempore, alia legis scriptæ, tertia Euangelicæ. Et sine quidem hæ ipsæ inter se minimè differunt, quoniam omnes ad honestatis, ac pacis studium, pietatisq; & religionis erga Deū rectum cultum dirigunt, & instituunt. Administrandi autem ratione, & personis inter se longe differunt. Siquidem quo tempore naturæ tantum lege ducebantur homines, potestatem

im-

- imperij, primogeniti exercebant, ijque, & moribus hominum instituendis, & diuinis cultibus administrandis præerant. Etenim & domo primum, ac deinde vicinia, & postremò ciuitate coalita, apud omnes ferè, ne dum apud electam à Deo gentem, ius imperandi ei, qui ætate anteibat, demandabatur. Iraque ijdem erant & Reges, & sacerdotes. Quare Arist. Omnis familia vni, qui ætate anteit, paret. Ac præclarior lib. de Rep. 3. cap. 11. Imperator erat Rex, & Iudex, rerumq; diuinarum ei commissa cura erat. Ius igitur erat ratum eo tempore, vt primogeniti imperium obtinerent; idq; non modo ex vetustioribus, ac recentioribus Doctoribus, sed ex sacris habetur litteris. Nam Esau primogenita sua Jacobo vendidisse in eis narratur; & Melchisedech Regem, & sacerdotem fuisse, dicitur. Hinc D. Doctor 1. 2. q. 103. & 2. 2. q. 87. Omnes primogeniti erant sacerdotes in veteri Testamento, & habebant duplicem portionem in hereditate paterna. Idq; moris, siue iuris vsq; ad Moyse tempora, viguisse certum est. At deinceps sacerdotij dignitatem, admissionemque, Leuiticæ tantum Tribui demandatam fuisse, legitur. Hanc apud Gallos Druidæ, apud Indos Brachamanes, Gymnosophistæque, apud Persas Magi, apud Græcos Philosophi, apud Romanos flamines, dignitatem exercebant. Quo circa alij tēporis ratione habita, rerū sacrarum præfecti naturæ lege facti sunt; alij lege scripta; alij Euangelij iure. Primi, omnes fuere primogeniti; alij, qui erant Leuitici generis; tertij, qui diuina, & canonica institutione ad id sūt muneris adsciti. Ratio quoque varia est, nam proculdubio ex terræ fructibus primum diuini cultus facta protestatio est, & ex animantium genere; quod ex Caini, & Abelis sacrificio satis perspectum est, ipso summo Deo faciendi sacra rationem, ac ritum interius hominibus præscribente. Deinde leges de sacris variæ, & quasi multiformes, Deo auctore conscriptæ à Moyse fuere. Postremò sanctissimus, & religiosissimus cultus, ac ritus à Christo Domino institutus est, omnibus & naturæ institutis, & legis scriptæ monumentis longè augustissimus. Quoniam autem de ijs agitur magistratibus, qui & Ecclesiastici sunt, & Euangelici:
- eorum

1. Polit.

3. Polit. 11

Gen. 25.

Ier. 1.

2.

Gen. 4.

Ier. 3.

Lucæ 12.

eorum est modo, ceteris prætermis, paritio affenda; ab ipso  
 forum varia potestate initiū faciendo. Potestas Ecclesiæ Euan-  
 gelica alia auctoritatis est, qua Deus tantum præditus est; alia  
 excellentiæ, quæ Christi Domini propria est; alia administra-  
 quæ legitimis ministris tribuitur; & hæc quidem vna est or-  
 dinis, altera iurisdictionis, utraque metaphoræ, siue translatio-  
 nis iure clavis aptè appellatur: siquidem nō cuiuslibet fas est al-  
 terutro sibi vsum vendicare, & auctoritatem, sed ei tantū, qui  
 diuina ad id institutione addicitur, & cōsecratur: Clavis enim  
 vis, & vsus est, aditum & inhibere, & dare. Nūc diuisiones per-  
 sequamur. Potestas ordinis vnica est, neque diuisionem naturæ  
 suæ patitur, sed multis fundatur gradibus, qui magnitudine in-  
 ter se, non essentia differunt. Iurisdictionis verò, alia potestatis  
 est, alia scientiæ; & alia in foro animi, & interiori, alia in foro  
 fori, & exteriori; vel, quod idem est, alia voluntaria est, alia qui-  
 dem contentiosa. Sunt, qui ijs annuerant primum potestatem  
 ministros constituendi, beneficia distribuendi, dignitates con-  
 ferendi; deinde potestatem, doctrinæ Evangelicæ diuulgandi,  
 tertio potestatem, victum, ac cultum à subditis accipiendi: sed  
 enim vt distinctè, ac dilucide ista doceantur, ita ineptè, vt di-  
 uersa ab ijs numerata esse videantur. Nam hæc ipsa tria aucto-  
 ritatem iurisdictionis, & scientiæ per se attingunt, aut conten-  
 tiosi fori, aut voluntarij. Itaque non video cur dissentire inter  
 se Auctores possint, modo singula quæque membra definitio-  
 ne explicemus.

Conciliatio.

## CAP. V.

## Definitio Potestatum.



**V**IVSQUE potestatis definitio, eo est mo-  
 do tradenda, vt communis illa quidem suis, ac  
 proprijs differentijs ad vnāquamq; aptetur.  
 Nam etsi non sit omnibus commune genus,  
 quod pari de ipsis ratione dicatur, tamen ni-  
 hil

C hil

hil obstat; quominus proportionem quadam vna eademque singulis accommodetur. Etenim potestas, quæ auctoritatis appellata est, quæque Deus tantum præditus est, facultas est, etiam à Deo, & proxime, & diuine instituta. Quid enim tam à Deo est, & proxime, & diuine, quam quod proprium est Dei? Et quis adeo potest homines à malis abducere, ducere ad bona, quam is, qui dicit per vatem: Ego sum qui deleo iniquitates tuas? & in Evangelio: Quis potest dimittere peccata, nisi solus Deus? Ac Apostolus. Qui spiritu Dei aguntur, hi sunt filij Dei, filij autem, ut parentem Deum imitantur. Quare Apostolus: Imitatores Dei estote, sicut filij charissimi: Deus autem est (Ioanne teste) qui dedit potestatem filios Dei fieri his, qui credunt in nomine eius, quod quidem, quia per sese præstat; nullis alicuius opibus, aut meritis adductus, nullis sacramentis, aut officiis incitatus, nullis signis, aut precibus inductus, idcirco auctoritate sua id, & posse, & facere dicitur. Christus autem Dominus, si ut homo consideretur, administer est utique huius facultatis; quoniam (ait Apostolus) Deus erat in Christo mundum reconcilians sibi, & ipsum proposuit Deus propitiatorem per sanguinem suum. Excellentissimus tamen, quippe, qui quatuor gradibus ceteros omnes singulariter antecellit. Nam primum ipse meruit, ut hæc potestas hominibus impertiatur. Deinde ipse quoque eam eisdem sua institutione contulit, præterea nullus. Tertio quod ex eius institutione potestas eiusmodi vim habet, & rata est. Postremo quoniam eiusdem potestatis effectum nullo adhibito sacramento cõferre potuit. Ita enim ut à postremo ordiamur, in Evangelio legitur: Fili dimitte tibi peccata tua. Itemque: vade, noli amplius peccare, sexcentaque alia in eadem reperies sententiam. De proximo habes apud Paulum: Quæ proposuit Deus propitiatorem per sanguinem ipsius. Itemque sanguis Christi emundabit conscientiam nostram ab operibus mortuis ad seruendum Deo viuenti. Ac demum ex latere eius exiuit sanguis, & aqua; nimirum quod sacramentorum vis ex merito passionis eius dimanat; neque est aliud nomen sub cælo, in quo oportet saluos

*Matth. 2.  
Rom. 8.*

*Ephes. 3.  
Ioann. 1.*

*1. Ad Cor.  
rins 5.  
ad Rom. 3.*

*Matth. 7.  
Luc. 17.  
ad Rom. 3.  
ad Hebr. 3.*



salvus fieri. Quod autem ipse eam contulerit potestatem, quin  
 & instituerit, ita in sacris litteris perspectum est, ut perspectissi-  
 mum. Accipite (ait Apostolus) spiritum &c. quorum remiseri-  
 tis peccata, remittuntur eis, & quorum retinueritis, retenta  
 sunt. Et Petro: Ego dico tibi, quia tu es Petrus, & super hanc  
 petram ædificabo ecclesiam meam, & quodcumque ligaueris  
 &c. Ac potissimum cum in coena edixerit: Hoc facite in meam  
 commemorationem &c. Itaque Diuus Paulus ait: Ipse dedit  
 quosdam Apostolos &c. Denique vnguentum non descendit  
 in barbam, & in oram vestimenti eius, nisi à capite Christo;  
 ipsū enim Deus dedit caput super omnē ecclesiā, quæ est cor-  
 pus ipsius, & plenitudo eius. D. quoque Bernardus præclare  
 ait: Dedit Christus, accepit Petrus, non tamen solus, nam & si  
 voluerit introducere, aliumque excludet quem fortè voluerit;  
 in scientia, & potestate sibi data desuper: & hæc claves, quæ est  
 potestas aperiendi, & claudendi, atque inter claudendos, & ad-  
 mittendos discretio. Potestas ergo excellentiæ est facultas à  
 Deo proximè, ac diuine Christo, ut homini data; qui iure sue  
 prærogatiuæ, nullis adhibitis sacramentis, homines sceleribus  
 soluere, ad vitamque diuinam dirigere, & ad civilem modera-  
 ri potest. Potestas demū ministerij facultas est à Deo, & Chri-  
 sto Domino, proximè, ac diuine legitimis institutis ministris  
 ecclesiæ collata, ut præscripta vñ forma, ac ritibus, sacramenta  
 cōficere, ac ordinare, hominesque peccatorum nexu liberare,  
 eisdē gratiā conferre, ad vitam ducendā diuinā, vindicandūque  
 quidquid eidem obstat, possunt. Ac tandem, quoniam al-  
 tera ordinis est, & altera iurisdictionis, utriusque definitio accō-  
 modanda est ea differentia adiuncta, quæ et si omnibus pro-  
 betur Theologis, altius tamē ad eius declarationem nos aggre-  
 diamur, oportet. Corpus Christi duplex esse dignoscitur, alter-  
 um verum, alterum mysticum; sed verum dicitur, non quod al-  
 terum ac mysticum falsum sit, at quoniam naturæ proprietate  
 primum constat, alterum recondita ratione, instar primi coale-  
 scit. Etenim sanctissima illa Christi moles, membris humanis,  
 ac varijs constans, verum Christi appellatur corpus; eo perti-

Matth. 16

Luc 12

Eph 4

Psal. 112

1 Pbh 4

De consi-  
deratione

*Esa.* 50. nec id vatis: Corpus meum dedi percurientibus, & sexcenta,  
 alia in eandem sententiam habes. Mysticum vero dicitur fide-  
 1. *Cor.* 12. lium congregatio, cuius est Christus caput. Quare Apostolus;  
*Eph.* 3. Singuli sumus alter alterius membra in Christo. Itemque: Ip-  
 sum dedit caput super omnem Ecclesiam, quæ est corpus ip-  
 sius, & plenitudo. Putant igitur nonnulli eo inter se ordinis  
 potestatem, & iurisdictionis differre, quod ea, quæ ordinis est,  
 in vero Christi versetur corpore; quæ autem iurisdictionis, my-  
 stico: sed ut hæc non inepte asserunt, ita non perfecte: ordinis  
 namque potestas in condonandi peccata facultate cernitur, &  
 tamen ea mysticum, non verum corpus attingit. Quamobrem  
 aliam asseramus rationem: necesse est, parum ab ista diffiden-  
 tem. Ordinis potestas & ad verum, & ad mysticū corpus refer-  
 tur; sacerdotibus enim dūtaxat dictū est: Hoc facite in meā cō-  
 1. *Matth.* 16. memoracionem; quoad verum, Accipite spiritum sanctum. &  
 2. *Marc.* 14. quæcumque ligaveritis &c. quoad mysticum. Iurisdictionis  
 3. *Luc.* 22. autem potestas non in vero corpore, sed in mystico versatur, ac  
 pro rata parte, etiam non sacerdotibus committi potest. Si et-  
 go sentiant illi. quidem ordinis potestatem in utroque corpo-  
 re, sed in vero potissimum versari; iurisdictionis autem mysticū  
 dumtaxat curare, non verum, recte quidem id astruunt, & no-  
 biscum, & inter se cōsentiant. Itaque nihil in hoc dissensionis  
 relinquitur. Ordinis ergo potestas, facultas est, &c. verū Chri-  
 sti corpus cōsecrandi, fidelesque à peccatis soluendi, ac cetera  
 sacramenta eisdem administrandi. Iurisdictionis autem est  
 facultas &c. corpus Christi mysticum ordinandi, regendi  
 & c. regendique ac dijudicandi. Sed accuratius de ijs alijs  
 discutiatur. Nunc ista omnia sint posita, & ad singula quæque  
 descendamus.

## Lib. Secundus.

### C A P. I.

*An Sacerdos distinctus sit ab Episcopo.*



VO esse, in quibus Euangelicam potestatem versari oporteat, diximus: verum, ac mysticum Christi corpus, & illa quidem, quæ ordinis est, magna ex parte in eo versatur, ut verum corpus conficiat, & cetera sacramenta administret; altera, ut mysticum curet, & regat. Itaque duo quoque esse ecclesiasticorum ministeriorum munera, ac functiones, consecratione, & administratione cernitur; alterum quod in Christiani populi gubernatione versatur, ut eundem ad susceptionem potissimum tanti sacramenti idoneum reddat, & ad æternam cælestemque beatitudinem dirigat. Cum eo debeat omnis Christianæ potestatis vis referri, ut similes Deo efficiantur homines, vitamque diuinam imitentur, teste Apostolo: Nostra cõuersatio in cælis est: ac D. B. filio: Christianissimum est, similitudinem Dei induere, quo ad eius fieri potest: nulla autem superest hominibus ratio eiusdem similitudinis induendæ (de lege loquor) præterquam si sacramentorum perceptione diuinæ gratia potiantur; idcirco ijs, quibus diuinarum rerum tractatio credita est, hæc duo potissimum spectare necesse est; sacramentorum scilicet ac præcipue sanctissimæ Eucharistiæ consecrationem, ac ritus; fidelium ad eam dignè accipiendam, idoneam instructionem, & apparatus, de quibus loquutum esse Petrum asseri potest. Magna, & pretiosa dona nobis donauit, ut diuinæ naturæ consortes efficiamur. Et quidem licet duæ hæc sint sanctissimæ functiones, tamē complures sunt, ac diuersi ministeriorum ordines, qui ad eas præparandas ex officio distributi sunt; sacerdos tantum explet, cuius.

*Ad Philip.*

*I. G. I.*



cuius proprium est munus, sanctissimæ Eucharistiæ Sacramentum conficiendo, se interpretem, ac mediatorem Dei, & hominum præstare; populumq; suæ fidei commissum ad eam accipiendam proximè disponere, & moderari. Quiq; idcirco sacerdotis nomine primum insignitur, tum quia Deo consecratus est, tum quod ad eum pertinet sacramenta administrare, sacrasq; res, ac diuinas tractare, & administrare. Vnde D. Isidor. Sacerdos dicitur quasi sacra dans. Deinde Presbyteri, quod Græcè seniozem significat; idq; in eos cadit, non solum, propter ætatis maturitatem, quæ eidem maximè necessaria est; sed multo magis propter motum grauitatem, doctrinam, & prudentiam. Etenim, & in sacris litteris dicitur: Senectus venerabilis est, non diuturna; neque annorum numero computata: canes enim sunt sensus, &c. & in Philosopho, Puer sit ætate, an ne moribus puero par, & similis, nihil interest; non enim est vitium in tempore, sed in moribus. Eisdem ergo sacerdotis, & presbyteri nomine Apostoli appellarunt. Quid autem sit sacerdos, ex ijs colligi potest. Vir est fidelis legitima manuum impositione, sollemnibusq; sanctæ Ecclesiæ ceremonijs, & ritibus institutus, & consecratus, cultuiq; veri Dei firmiter deputatus. An verò hic ordo vnus sit, nec ne, disputant inter se Doctores, dissentireq; videntur. Nam astruere pleriq; præseferunt, sacerdotali dignitate nullam in Ecclesia esse maiorem; eisdemq; Episcopum, & sacerdotem esse; tum quia D. Apostolus passim, & sacerdotes, & Episcopos presbyteros appellat, tum quod nō nominis tantum societate continentur, sed officio, & actione. Vnica enim, ac singularis functio in Ecclesia est, ad quam & ceteræ referuntur omnes, consecratio, & administratio sacrosanctæ Eucharistiæ, qua diuinitatis potissimum communio fruimur: officio autem, ac munere, viq; efficiendi omnia deficiunt: ita cū in eodē genere manēant, iam possumus diuersa, sed eadem dicenda. Eo pertinet, quod sacerdos cum tam excellens sacramentū tractat, sacrificiūq; offert, Christi figurā gerit: quis autē Christo maior esse potest? Figura verò, ac figurarū mutua inter se ratione respondet; idem igitur sacerdos, &

Epi.

Sap.

1. Esb.

Ad Tit.

Ad Timot.



Episcopus. Quid quod neque veteri in lege ullū fuit sacerdotis atque Pontificis discrimen? Aaron enim sacerdos ceteris omnibus eminebat. Postremò D. Hieronymus huius disputationis tenebris lucem attulisse maximam visus est, qui grauitèr quidem astruit idē fuisse olim sacerdotē, & Episcopū, quique presbyteri nomine nuncupabatur; diffidij verò tollēdi gratia à Patribus constitutum esse, vt vnus sacerdotū multitudini præficeretur; ad quem summa rerū deferretur, Episcopusq; appellaretur, ceterorū moderator; & Iudex: hic sunt tres errores vitādi, vna dissensio tollēda. Primus Arrij, ac Lutheranorū, nō modò idem esse Episcopum, ac Sacerdotem asserentium, sed omnes fideles nullo delectū, nec etiā sexus, esse sacerdotes; quos copiosè sanē, & eruditè sacri, & catholici Theologi refutarūt, nos ad consensionē (si sapiūt) vocamus. Quoniā duplex sacerdotiū in sacris litteris describitur, alterum internū, alterum externū; Quod igitur ad internū sacerdotiū attinet; omnes fideles, sacerdotes appellantur, præcipuè verò iusti, quī Dei spiritu præditi, & diuinæ gratiæ munere Iesu Christi summi sacerdotis viuā membra effecti sunt. Hi enim fide, charitatis igne succensa, in altari mentis suæ spirituales Deo hostias immolāt; eiulmodi sunt probæ omnes, & honestæ actiones, quas ad Dei gloriā referunt. Quare in Apocalyp. legitur: Fecisti nos Deo nostro regnum, & sacerdotes; ad eamq; sententiam Apostolorū princeps ait: Ipsi tamquam lapides viuī superædificamini domus spiritualis; sacerdotiū sanctam, offerentes spirituales hostias acceptabiles Deo per Iesum Christum. Hinc D. Apostolus nos hortatur, vt exhibeamus corpora nostra hostiā viuēte sanctā, Deo placētē, rationabile obsequiū nostrum. Propheta autē regius multò ante dixit: Sacrificium Deo spiritus contribulatus, cor contritū, &c. Externū verò sacerdotiū minimè in vniuersam fidelium multitudinē, sed in homines certos conuenit, qui legitima manuum impositione; sollempnibus sanctæ Ecclesiæ ceremonijs, & ritibus instituti, & Deo consecrati, ad aliquod propriū, sacrumq; ministerium describuntur. Hoc igitur posito, aut error elius, aut si annuunt, consensio facta est.

Alius

Apoc. 1.

1. Pet. 2.

Psal. 5.

Alius verò error est eorum, qui nihil inter Episcopum, & sacerdotem simplicem interesse putant, qualis Arius, ac post eum Lutherus, & ceteri, qui ab illo fuere humani generis pelles. Qui cum assequi Episcopi dignitatem nequirent, ambitus vitio deprauati, sacerdotem Episcopo æquarunt, ac perfidis maledictis rem exagitarunt, appellantes Episcopos, larvas papales. Tercius est Armacani, astruentis, quemlibet sacerdotem, cum abest Episcopus, ipsius obire munera posse. De secundo copiosa à Theologis recentioribus disputatio, ac firma habita est; nos breuibus agere oportet, vt consensionis ratio postulat. Ac primum verustorum Patrum testimonia eorum, qui propius Apostolorum tempora floruerunt, afferenda sunt, ex quibus colligitur, genere, non gradu Episcopum à sacerdote differre. Ait D. Dionysius, Pontificum ordinem sacrationem esse ceteris omnibus ordinibus, neque quemquam sacerdotem sine Episcopi beneficio esse, genere ergo differre, non tantum gradu astruit. Idem Leo Pontifex epistola 66. & D. Chrysost. in expositione Epistolæ ad Titum cap. 2. Quod vt illustrius doceatur, pono necessarium esse, in sacerdotum numero ordinem quandam esse præstantiorem; tum quod idem & in præstantioribus, ac celestibus cernitur, & in abiectionibus, ac terrestribus. Celestes enim animi hoc inter se (vt diximus) ordine continentur, vt vnus ceteris præsit. Corpora inferiora vnus celestis corporis tactu, & lumine commutantur, atque administrantur, Humanæ quoque, ac ciuiles societates sese tueri nullo pacto possunt, nisi eorum, & qui imperent, & qui pareant, ordo constitutus sit. Ac demum quinque ferè numero sunt ea, quibus esse præditos Ecclesiasticos magistratus ad fidelium societatem gubernandam constitutos necesse est. Auctoritas. Probitas. Sigillum. Prudentia. Eruditio. Hæc autem tantæ multitudini sacerdotes suppetere haud possunt; igitur & clericis, & populo præesse Episcopum oportet, qui ijs & lumen afferat vt sol, & dirigat, vt norma. sed hæc vberius suo loco. Postremus error superioribus est affinis, cum enim promiscuas facit Episcopi, & simplicis Sacerdotis functiones, easq; sola Episcopi absentia disiu-

disiungit; nihil interesse. quod ad essentiam pertineat, inter  
 eos purat: itaque eodem refellitur modo. Dissensio bipartita  
 est, una eorum, qui sentiunt Episcopum ita à sacerdotio dis-  
 ferre, ut alterius sit generis proprioque charactere insignitus;  
 Altera illorum, qui asserunt, non modo gradu, sed genere dis-  
 ferre, nec tamen toto, unico autem charactere insigniri am-  
 bos. Tuentur se primi, quod vario ritu consecrantur Episcopi,  
 & sacerdotes, diuersaque est utriusque functio; multa enim potest  
 Episcopus, quæ attingere sacerdos simplex non potest, ut sa-  
 cerdotum collatio est ordinum, & quæ sunt eiusdem generis.  
 Adiungunt, quod nisi distinctus esset ordo, posset funditus to-  
 ta eius ratio eueri; nam sola tunc remaneret iurisdictio, quæ  
 ipsi propria est, nec in simplicem sacerdotem cadit. Hæc au-  
 tem iurisdictio simpliciter, autem iudicis sententia, aut crimi-  
 ne aliquo, aut hæresi plerumque tollitur. Episcopi autem  
 ratio non idcirco evertitur: priuatus enim Episcopus, si resti-  
 tuatur, non alia indiget consecratione, ut suo munere fungi  
 queat. Itaque eo conuincitur, alium esse Episcopi, & aliud sacer-  
 dotis ordinem, eosque non sola iurisdictione distingui. Secundi  
 concedunt quidem ut isti, diuersum esse Episcopi, & sacer-  
 dotis ordinem, iisdemque nixi rationibus, quod varia est  
 utriusque consecratio, diuersa functio, quod eius vis nullo  
 unquam tempore, aut ratione labefactari queat: eodem au-  
 tem, non alio insigniri charactere statuunt, siquidem par est  
 consecrandæ Eucharistiæ utriusque potestas. Itaque per-  
 spicuum est (aiunt) eodem, sed non toto genere  
 differre. Hæc sane sunt, quæ in eiusmodi con-  
 trouersia afferri solent. De conciliatio-  
 ne modo agamus.

## CAP. II.

## Conciliatio opinionum.

**D**UPLEX esse Christi Corpus, communis est omnis Theologorum assertio; verum scilicet, & mysticum, ut antea disseruimus, eoq; factum esse censent, duplicem quoque Ecclesie, eiusq; ministris potestatem diuinitus fuisse tributam, ordinis, & jurisdictionis. Ordinis etiam verbo duplex est subiecta significatio; nam & status (ut loquuntur vulgo) qualitas cuiusq; personae ordo dicitur. Ciceronis enim familiaria sunt illa. Equestris ordo, Senatorius, Plebeius, dignitatem, gradumq; eo nomine explicans, qui vel senatori, vel equiti, vel plebeio conuenit: & receptissimò inter Theologos vltu, vnum ex septem Sacramentis, quo ministri Ecclesie consecrantur, declarat, quoniam à pra quadam dispositione iij & ritu initiatur: vario, & dispari gradu, & potestate finguntur. Quibus ita constitutis facile est, cum errantes respicere, cum dissentientes quiescere. Ac primum, si Episcopis sacerdotes pares in ea facultate, quae in Christi vero corpore versatur assererent, nihil illi quidem à veritate alienum statuerent: nulla enim in eo sacerdotis est dignitate maior: sin eos omninò pares mystici quoque corporis administratione cesserint, iam nos illos confutauimus, asserentes naturali quoque ratione, nedum auctoritate diuina, praestare Episcopos sacerdotibus Christiani populi gubernatione. conuenire quoque hoc modo Auctores catholicos arbitror. Quoniam & Episcopatus ordo est prima, & latissima vocabuli significatione, & non est ordo, ut Ecclesiasticum Sacramentum: cum enim amplissimus sit in Ecclesia sancta Episcopatus gradus, functionesq; suas, ac proprias habeat instituendi ministros ad sanctissimam Eucharistiam proximè cōsecrandā, Christumq; sacrum conficiendum, & quae sunt eiusdē generis; & ritu proprio, ac praestantissimo consecratur; ne dubitare quidem fas est, cum ordinis nomine, & vi esse dignissimum. Quia

veto



verò nihil ad veri corporis consecrandi facultatem adiungit, qua dūtaxat ratione Sacramenti vim ordo suscipit, Sacramentū appellari non potest. Ac præterea quoniā character ita in animis ordinis sacramēto imprimitur, ut in eo nihil magis Episcopus excellat quā simplex sacerdos, characterē nouo nō insignitur. Vis tamē alia proculdubio eius ordinatione inducitur, ministros instituendi, Chrismatisq; Sacramentum conficiendi, ac præterea proprio ritu cōsecratur, ceteraq; eius generis, quæ labefactari nō possunt, in eum cadūt, idcirco nō iurisdictione tantum à sacerdotio distinguitur, sed gradu, dignitate, ac prope modum genere. Ac D. Hieron. nominis societate, utrosq; coniunctos esse astruit, non genere, quoniam functionum varia eis momenta attribuit; siquidem instituendi, ordinandiq; ministros simplicibus sacerdotibus facultatem ademit, Episcopis tantum ut propriam detulit. Atque in hanc sententiam accipiendā sūt sacrarum litterarum, aut sacerorum testimonia Doctorum. Petipicuum est ergo, nihil controuersie, aut dissensionis relictum esse: & Episcopum non iurisdictione tantum, sed genere, licet non toto, & sanctionis spiritualis ratione à sacerdote differre; quoniam iurdictio Episcopalis tamen non consecratis acquiritur, cap. ex l. de excess. Prælat. spiritualis tamen functio, nisi consecratio, nisi vnctio, nisi vestes, & certū ritus accedant, nullo modo exerceri ab eo potest. Ut ergo manus sacerdoti inunguntur ad vim sanctissimæ Eucharistiæ consecrandæ significandam; ita Episcopo inungitur caput, ut instar Christi Domini, qui omnium, & cælitum, & hominum est caput, ipse Ecclesiæ suæ caput efficiatur. Nec verò ab hac dimoueri sententia quisquam debet, quod ministros consecrandæ Eucharistiæ Episcopus instituens, veri dominici Corporis habere rationem videatur, ideoq; verus censei ordo debeat, proprioq; characterē insigniri: non enim omnis, quæ ad Christi corpus refertur, facultas ordinis rationem statuit, characteremq; imprimit, sed ea dumtaxat, quæ ad illud quidem proximè accedit, ut Missæ est celebratio, & eius administratio, qualis Episcopi non est, qui ministros tantum instituit, disponit, & apparat.

rat. Itaque nō ex numero sacramentorū Episcopatus habēdus. Ex his perspicuū est, talē esse definitionē ipsius. Episcopus est sacerdos solēni & proprio ritu, ac cerimonijs, à tribus Episcopis ad procreādos Ecclesiasticos ministros, oleaq; sancta cōficienda consecratus, suæ Ecclesiæ, ac diocēsi plenum ius præsidēdi, administrādīq; habens. Ita quoque Episcopatus est ordo, quo triū Episcoporū manus impositione, rituq; Ecclesiæ sanctæ solēni spiritualis potestas firma sacerdoti tribuitur ecclesiasticos ordines conferendi, oleaq; sacra cōsecrādi, diocēsi præsidendi pleno iure, eamq; administrandi. Duo modo supersunt explicanda ad sacerdotis, & Episcopi perfectam rationem cōstituendam. Primum, quod inter se functionibus distinguātur. Alterum, quo potissimum signo potestas Episcopi, quæ ab oīi nō potest, conferatur: utrūq; breuiter, ac facili colligitur. Sacerdotis, & Episcopi discrimina varia non ex functionibus duntaxat, sed ex ornamentis quoque aptissimè ducuntur. Nouem autem esse Episcopi propria ornamenta, vetustissimo sanctæ Ecclesiæ ritu receptum est. Sandalia. Caligæ. Succinctorium. Tunica. Dalmatica. Mitra. Chirothecæ. Baculus. Annulus; ijsq; uti Episcopus, aut qui priuilegio insignitus est, potest; præterea nemo. Nouem quoque sunt Episcopi propriæ, quæ in aliū per se cadere nō possūt, functiones. Clericorum ordinatio, eorum depositio. Virginum consecratio. Basilicarum dedicatio. Synodi celebratio. Chrismatis confectio. eiusdem collariorum. Episcoporum consecratio. Vestium, & vasorum benedictio. Atque hæc, ut ex diu Thoma habetur, numero ornamentis respondent. Fuerunt autem hæc magna ex parte ex veteri lege desumpta; nam crucem gestat pro lamina. Sandalia pro Feminalibus. Albam pro linea. Cingulum pro balteo. Tunicā pro podere. Amictum pro rationali. Mitrā pro cidari. pro Superhumerali stolā. Sed quorsū singula hæc spectēt, quoniam ex alijs petere licebit, declarare prætermittimus. De altero nunc disputemus. Triplex sententia fuit. Vna eorum, qui in annuli inmissione, potestatem Episcopalem attribui putāt. Alia illorum est, qui capitis vnctione eandem conferri sentiunt. tertiā impositione manus ab ordinatore Episcopo dari decernit,

ac singulæ quoque suos habent auctores, & rationes. Prima D. Bernardum patronum habet in sermone de coena Domini, dicentem. Sicut inuestitur Canonicus per librum, Abbas per baculum, Episcopus per anulum &c. Ac ut rationem adiungamus, eo Episcopis potestas, quæ aboleri non potest, censenda est deferri, quo Episcopus à ceteris distinguitur: Sed communi Theologorum sententia, Episcopus propriè nomen, ac ius sponsi Ecclesiæ habet; sponsum autè annuli subarrhatione & constituitur, & indissolubili nexu sponsæ cōnectitur. In hoc igitur signo eiusmodi potestas tribuitur. Alia quorundam iurisperitorum, eoque nituntur, quod in pontificali dicitur: Ungatur, & consecretur caput suum in ordine pontificali: cum vero ea vnctione Prælatus Ecclesiæ, & Pontifex nominetur, & consecratur: (nam in ceteris, quæ circa ipsum hucusque adhibentur cerimonijs, nulla sit pontificalis nominis mentio) meritò vnctione tribui, asserendum est. Tertia est, quæ à Siluestro asseritur. Quod impositione manuum Episcoporum super caput, eiusmodi potestas confertur. Assert Argument. c. Episcopus. cum glos. dist. 23. Ac ratio esse potest, quoniam eodem modo & Christum Dominum, & Apostolos, Apostolicosque viros vsos fuisse legimus. Verùm enimvero hæc omnia ferè eodem spectant. Sed ut clarius causam decernamus, animaduertendum est; aliud esse querere, quo potissimum indelebilis potestas Episcopo conferatur: aliud, quid magis consecrationis essentiam attingat. Etenim ad vnum omnes farentur, ad consecrationis vim explendam, ut efficacia signa hæc tria pertinere, sed manuum dumtaxat impositione potestas proculdubio cōfertur, itaque nulla superesse dissensio videtur. Nam attributa prius per manuum impositionem potestate, declarata deinde adhibeantur signa, vnctionis capitis, & manuum, traditionis baculi, annuli, & Euangelij. Quocirca huc spectat D. Bernardi auctoritas, quod annuli subarrhatione indissolubilis potestatis nexus significetur; idemque de vnctione astruendum est: Quæ quidè, ut firmitus teneatur, sacrarum litterarum sunt auctoritate communicanda. Noli negligere (ait Apostolus) gratiam, *ad Timoth.*

quæ

quæ data est tibi per impositionem manuum presbyterij. expli-  
cant Græci sacri Doctores, Presbyterium, Episcoporum coetum.  
Itemque manum citò ne imposueris; ac cap. primo Epistolæ  
secundæ: Vt resuscites gratiam, quæ data est tibi per imposi-  
tionem manuum mearum. Gratia autem hæc potestas merito vo-  
catur, quoniam & gratuito à Deo tribuitur, & gratiam confert,  
& nullo pretio ab ordinatore confertur sed gratis, & nō naturæ  
vi, aut ingenij, sed gratiæ munere promeretur. Hæc satis.

### C A P. III.

#### De Episcoporum varia ratione.



**EPISCOPVM** à sacerdote non modo genere  
differre, sed eundem potestatis ratione longè præsta-  
re cum ex dictis cuique perspectum esse videatur: se-  
quitur nunc ut explicetur, simplex ne sit Episcoporum  
auctoritas, an multiplex: eaque si multi-  
plex, genere ne, an magnitudine, & gradu differat. Ac primum  
quidem conveniunt omnes ad unum, multiplicem eandem  
esse: quippe cum inde ab initio nascentis Ecclesiæ D. Petrum  
ceterorum à Christo præsidem constitutum, atque adeo prin-  
cipem, illis quidem verbis: Tu es Petrus, & super hanc petram  
ædificabo Ecclesiam meam. Itemque: Pasce oves meas, &c.  
perspectum sit. Quocirca vetustissima, ac perpetua Ecclesiæ  
constitutione; ac more, quatuor gradibus Episcopi auctoritas  
fundatur, Episcoporum, Archiepiscoporum, Patriarcharum,  
Summique Pontificis. Sed ne aduersariis non accitis, iudicium  
factum esse conqueri possint, suam agentes, prius audiamus.  
Vt vnus est Deus, vnaque Ecclesia, atque adeo vnus mediator  
Dei, & hominum Christus Iesus; ita vnus satis est in vniuersa  
Ecclesia Episcopus; quoniam & multitudo principum ex Ari-  
stotele prauæ administrationis est causa, & ut congruentissime  
vnius corporis vnum est caput, ita sanctæ Ecclesiæ vnus Epi-  
scopus. His adde, nusquam in sacris litteris aliud quam Epi-  
scopi

Matth. 16.

Ioan. 20.

Eph. 3.

ad Thim.

12. Metaph.

Episcopi nomen reperiri, itaque ficta, aut noua Archiepiscoporum,  
 & Patriarcharum nomina esse videantur. Ac postremo, si ad  
 corporis Christi rationem sacerdotum quoque ratio referen-  
 da est, cum illud quidem aliud verum sit, aliud mysticum, ra-  
 eorum aliud genus est simplicium, quod per se versatur in ve-  
 ro; aliud Episcoporum, quod mysticum tractat, ac regit. Con-  
 tra, antiquissima, ac vetustissima traditio hæc Episcoporum  
 dissimilitudines constant, indeq; ab Apostolorum temporibus  
 constitutæ: quoniam & D. Petrus per sese Antiochiæ auctori-  
 tatis suæ sedem locauit, & D. Marcum Alexandriæ Patriarcha-  
 li dignitate præfecit, ac D. Iacobum ad eandem rationem Hie-  
 rosolymis præfuisse accepimus. Pontificis autem maximi di-  
 gnitas longè omnibus excellit, vt eum totius orbis terrarum  
 patrem, & Patriarcham appellent. In hac de qua agimus con-  
 trouersia, id omnibus certissimum est, loco, ac potestate horum  
 differentias constitutas, non ordinatione. Nam & vt Sacerdo-  
 tes simplices æquo iure in Christi vero corpore versantur, &  
 vt Episcopi mysterium attingunt, dispari tamen auctoritate;  
 superior enim locus ampliorq; potestas Archiepiscopis, quàm  
 Episcopis, Patriarchis, quàm Archiepiscopis, summa maximo  
 Pontifici defertur. Quamobrem & simplex est horum ratio, si  
 ordinationem spectes; & multiplex, si loci præstantiam, pote-  
 statisq; amplitudinem consideres; ideoq; non genere, sed gra-  
 du, ac dignitate differunt. Quoniam autem eiusmodi dissimili-  
 tudines Pontificis Maximi arbitrio & constituuntur, & varian-  
 tur, & irritantur (plerumq; enim Episcopatus in Archiepisco-  
 palem effert dignitatem; plerumq; iam constitutam irritat,  
 plerumq; titulo tenus eandem seruat) perspicuum est, non iure  
 diuino, sed Pontificio horum varietates niti. Excipio Pontifi-  
 cem Maximum, qui, vt mox docebimus, diuinæ institutione  
 omnium supremum locum, amplissimamq; obtinet potestatem.  
 Quocirca vt hæc potestas nec labefactari, nec irritari qui-  
 buslibet rationibus potest, quoniam diuina est præcepto; ita  
 dissimilitudines illæ quidem, quod imminui, & amplificari, &  
 irritari, & constitui summi Pontificis iussu queunt, humano  
 iure.

iure nituntur. Aprissimè autem distributæ sunt, & ad locorum præstantiam, & ad subiectorum numerum, & ad potestatis amplitudinem. Etenim apud Ethnicos quoque, ut Cicero docet, Diuis alijs Sacerdotes, omnibus Pontifices, singulis flamines constituti sunt. Feneſtella autè flaminum, Protoſflaminum, & Archiſflaminum differètiã fuisse asserit, quasi gradus essent Episcoporum, Archiepiscoporum, & Patriarcharum, ut non minus decenti ordine Diuina, quàm profana dirigi videantur. Quia verò, ut aduersarios conciliemus, omnes vno inuisibili capite Christo, visibili Pontifici maximo subiiciuntur Ecclesiæ sanctæ, nec vnitas horum dissimilitudine euertitur, nec administratio perturbatur: vna enim est Ecclesia ordinis vnitæ, non numeri; id est vnius fidei, vnius capitæ, vnius ritus, vnius finis, nõ vnius tantũ ministri, vnius mēbri, vnius sacramēti, vnius ac peculiaris cuiusq; electionis, ac potius defectiōis. Astitit (inquit Psalmus) Regina, utiq; Ecclesia, à dextris tuis in fimbrijs aureis, circumdata varietate. Ac demum, si Regis Salomonis mensa, ministrorum varietate summa cum laude excelluit; quis idem decus in Christi mensa non conuenire asseueret. Perspicuum est ergo, & multas esse Episcoporum varietates, & has, non genere, sed gradu, & magnitudine, ex summi Pontificis arbitrio differre. Dicoesis Episcopi, prouincijs Archiepiscopi, Regionibus Patriarchæ sunt Episcopali iure præfecti. De summo Pontifice restat dicendum.

## C A P. IV.

### De Summo Pontifice.



RIPLEX administrandæ Reipublicæ probatum genus eruditi tradiderunt, Regium, Paternũ, Politicum. Nā publicis rebus administrandis aut vnus præest, aut multi; ex primo Regale ducitur, ex altero politicũ, ac ciuile; ex eo autem quod quisque suis, ac priuatis consulit,

fult, paternum ortum habet. Quoniam autem Regale ceteris  
 longe admodum praeſtat: quippe quo Deus præpotens ad mū-  
 di adminiſtrationē vitur, vnus eſt (ait Philoſophus) Princeps,  
 quoniam multitudo Principum mala: male enim res per mul-  
 tos adminiſtrantur. Vnus eſt Deus, & pater omnium; ideo &  
 ſancta Eccleſia, quam Chriſtus amariſſimē complexus eſt, vno  
 moderatore dirigitur, vno capite coaleſcit, vna poteſtate diſpo-  
 nitur. Cum enim Chriſto Domino etiam vt homini omnis ſit  
 collata poteſtas in cælo, & in terra, eandem Petro, vt ſuo Vica-  
 rio, contulit his verbis: Ego dico tibi, quia tu es Petrus, & ſuper  
 hanc petram ædificabo Eccleſiam meam, & tibi dabo clauēs  
 Regni cælorum, & quodcunq; ligaueris ſuper terram, erit liga-  
 tum, & in cælis. Ex quibus verbis & Pōtſtici maximo vt D. Pe-  
 tri ſucceſſori ſupremā poteſtatem à Chriſto Domino elargirā  
 apertiffimē colligitur, & quā latiffima, ac præſtantiffima eius  
 ſit viſ; efficaciffimē cōcluditur. Etenim tria ſūt in iſtis ſpectāda.  
 Quis dixerit. Cui dixerit. Quid dixerit. Is qui dixit Chriſtus  
 Dōminus eſt, quem (vt Apoſtoli verbis vtat) dedit Deus caput  
 ſuper omnē Eccleſiā, quique veriſſimē de ſe ipſo pronunciauit.  
 Data eſt mihi omnis poteſtas in cælo, & in terra, & ceterū: Om-  
 nia mihi tradita ſunt à Patre meo. Quæ igitur pronuntie, præ-  
 ſtare poteſt. Is dixit, qui veriſſime de ſe dicit: Ego ſum vita, veri-  
 tas, & vita; veritas ergo cum ſit, nec falli à quoquam, nec quē-  
 quam fallere poteſt. Quæ igitur promiſit, conſtantiſſimē præ-  
 ſtitit, idque emphaticē declarant illa verba: ego dico, &c. Sed  
 cui id dixerit, antedamur. Dico tibi, quia tu es Petrus &c. Petro  
 itaque, non cuilibet ex alijs fidelibus, non cuiumq; ex Apo-  
 ſtols, ſed Petro, quod ex nōminis vocabulo proprio, ac pecu-  
 hui, quod in alium nō cadit, explicatur. Licet enim Apoſtols  
 omnibus, poſtquām e morte ad vitam immortalē redijt, parē  
 cum Petro poteſtatem tribuerit, dicēs: Sicut miſit me Pater, &  
 ego mitto vos: Accipite Spiritum ſanctum, quorum remiſeritis  
 peccata, emittuntur eis, quorum retinueritis retenta ſunt: ratū  
 men vt vnitatem conſtitueret, ac declararet, vnus Petrus, vt  
 Chriſti Vicarius, omnibus iſtis Apoſtols præſectus eſt; ideo q̃

-114-

E idem

idē didrachma pro Christo, & Petro soluitur; idē ceteris tacē-  
 tibus, Petrus omniū nomine respōdit interroganti: Tu es Chri-  
 stus filius Dei viui: ideo Petri potiorē curā suscepit. Ego pro te  
 rogavi Petre, vt non deficiat fides tua. Ideo præscribentē Chri-  
 stum, vt fratribus iniurias inferentibus indulgerent Apostoli,  
 rogat Petrus vice omnium, quoties condonandum illis quidē  
 esset: idcirco denique Petrum, an se amaret, tertio interroga-  
 uit, amoremq; asseueranti dicitur: Pasce oues meas. Vnus est  
 ouium Christi pastor, vnum corporis mystici caput, vnus Ec-  
 clesiae sanctae sponsus. Sed vt haec ratissima sint, & multorum  
 sanctorum Patrum testimonijs, sacrorum Cōciliorum decretis  
 definita, tantum duae sunt ambiguitates eluendae, vt quae fieri  
 potest, cōciliatio pariatur. Ac primum, omnes esse pares Apo-  
 stolos, ex scripturis sacris docetur; nam & omnes sal terrae, mis-  
 diq; luminaria nominantur, & omnibus praeceptum fuit: Ite in  
 mundum vniuersum, praedicate Euangelium omni creaturae: &  
 omnibus dictum est: Quaecumq; ligaueritis super terram, &c.  
 igitur Petro à Christo principatus delatus esse videatur. Des-  
 inde vt demus, id supremi muneris Petro concessum fuisse à  
 Christo, certe ceteris Romanjs Pōtificibus item elargitū esse  
 non plene, vel non plene probatur; singulare enim quodq; cer-  
 ta personae tribuitur, alijs tributum esse asserere, rationi cōsen-  
 taneum haud videtur. Dicitur autem: Ego dico tibi, quia tu es  
 Petrus, &c. Supremus igitur locus, ac dignitas Petro dūtaxat,  
 non successoribus eius debetur. Sed vt breuius rem agamus,  
 alioquin vberius apud multos, & tractatam, & explicatam, ita  
 puto id controuersiae posse componi, vt astruamus, Apostolos  
 omnes aequa potestate praeditos, ac praelatos vniuerso orbi. Ca-  
 nit verissime Psalmus de ijs: Cōstitues eos principes super om-  
 nem terram. Item: Principes populorum congregati sunt cum  
 Deo Abraham, sed non aequo iure. Quippe cum pia quadā dis-  
 pensatione ad Euangelium euulgandum ceteri Apostoli eam  
 potestatem acceperint, ideoque ad successores nō pertinuit. At  
 D. Petrus proprii sui muneris summo iure Ecclesiae vniuersae  
 princeps, ac pastor constitutus est; nam pasce, ait, oues meas.

Matth. 1.

Matth. 17.

Matth. 16.

Psalm. 44.

Psalm. 46.

mobi

expli-



explicat D. Bernardus, oues, quas? Christi, non has vel illas, sed indistincte, oues: itaque totum commissum ei est, cui nihil excipitur. Atque hac ratione factum est, ut successoribus quoque illa ipsa tributa sit. Petro igitur, & ut singulari personæ, atque adeo singulari munere præditæ, & ut proprio eiusdem muneris iure, totius Ecclesiæ, usque in finem sæculi, ipsorumq; Apostolorum pastorum supremo, dignitas, ac potestas commissa est; ceteris Apostolis dispensatione quadam, ideoque non æquo iure. Ac demum, quoniam non singulari dumtaxat Petri personæ, sed eidem proprio muneris demandati iure, successoribus præterea tributâ esse, catholica institutio tuetur, ac tenet. Neque enim Ecclesiæ sanctæ aut ratio labefactata, aut vis euerfa, aut ius irritatum post D. Petri obitum fuit: quin constantissime pollicitus est Dominus Christus, vobiscum sum usque ad consummationem sæculi, certè quod eiusdem Ecclesiæ se, supremi quoque sui Vicarij ministrum, consolatorem, adiutorem, rectorem, instructorem, pro vniuerso mundi huius cursu futurum fidelissime recepit, idq; apertissime Apostolus docuit: Ipse dedit quosdam quidē Apostolos, alios Euangelistas, alios Doctores, & Pastores in opus ministerij, ad consummationē sanctarū in opus ministerij, ad ædificationē corporis Christi, donec occurramus omnes in vnitatē fidei, & agnitionis filij Dei, in virum perfectum, in mensuram ætatis plenitudinis Christi.

De confid.

Io. vii.

Eph. 4.

## CAP. V.

## Qualis potestas in Summo Pontifice.



**P**ATVOR ex ijs verbis: Dico tibi, quod tu es Petrus, & super hanc petram ædificabo Ecclesiā meam, & tibi dabo, &c. Pontificij muneris, ac potestatis rationes præstantissimas Dominus Christus aperuit (ut ex sancto accepimus Doctore)

De regimine lib. 3.

cap. 10.

magnitudinem, vim, amplitudinem, perfectionem. Etenim, ut ex solida petræ foundatione vniuersa fabricæ structura pendet,

E a det,

det, ac nritur: ita ex Petro, eiusq; de Christo firma confessio-  
 ne, Tu es Christus filius Dei viui, Ecclesiæ vniuersæ admini-  
 stratio pendet, ac nritur; eoque ac suis legitimis successoribus  
 demandata decernitur, cum dicitur: Super hanc petram a difi-  
 cabo Ecclesiam meam. Nihil igitur Ecclesiasticæ structuræ so-  
 lidum esse potest, quod non Petri, ac successorum auctoritatis  
 ministerio sustinetur. Quanta verò est vis, quam portæ quoque  
 inferi, idest, tyrannorum immanitas, hæreticorum peruersitas,  
 dæmonum versutia labefactare non queunt? Stant enim Chri-  
 sti Domini efficacissimæ preces: Ego pro te rogaui Petre, vt  
 non deficiat fides tua. Amplitudo autem latissimè patet his  
 verbis: Tibi dabo clauēs Regni cælorum; nā vt clauis est ratio,  
 vim aperiendi, atque claudendi continere; ita potestas D. Pe-  
 tro ac successoribus collata, est ad vniuersæ Ecclesiæ, quæ cæ-  
 lestis regni vocabulo significatur, administrationem; quæque  
 aperitur, cum vel ad communionem Ecclesiæ quisque rerum  
 diuinarum prædicatione; sacramentorum collatione; sacris  
 adhibitis ritibus, ac salutaribus legibus constitutis ducitur; vel  
 demum dum ad huiusmodi exercenda munera legitimè præfi-  
 ciuntur ministris laudatur; verò, cum aliquis sacramentorum  
 communione anathemate priuatur, aut certum officium; aut  
 eius actio, & administratio interdicitur; ac postremò, absolu-  
 tionis negatione; siquidem Regni cælorum vocabulo triplex  
 est subiecta significatio: Prima cœtus est piorum, qui in terris  
 adhuc, dæmonis, carnis, ac mundi cœtamina sustinens, militās  
 recte appellatur, de qua multæ Christi Domini parabolæ, de  
 sagena, de sanctis virginibus; & sapientibus, &c. Alia cælestis  
 beatorū vniō, quæ Dei clara visione gaudens, triumphans di-  
 citur. A diebus (inquit Dominus) Ioānis, Regnū cælorum vim  
 patitur. Tertia sacre litteræ. Auferetur à vobis Regnum Dei, &  
 dabitur genti facienti fructus eius. Explicat D. Hieron. pro  
 Regno Dei, sacram Scripturam. Clauēs igitur Regni cælorum  
 traduntur, quoniam potestatis vis confertur; & ad referendum  
 triumphantem Ecclesiam penitentiz sacramentum adhiben-  
 do, & ad claudendam militantem, excommunicationes, inter-  
 dicta.

dicta, suspensiones inferendo, & ad eandem expediendam, beneficium absolutionis impendendo. Ac demum homines ad certum diuinarum rerum sensum, ad præscriptas seruandas leges, ac ritus, obligando. Perfectio autem ea est, ut nulla possit ex omnibus cum eadem conferri. Quodcumque solueris super terram, erit solutum & in cælis. Ut enim capituli est ratio ad cetera membra, ita summi Pontificis ad ceteros Christi fideles. Caput tale est, quod omnis motus, ac sensus ab eo ut pectus, & sif fimo, in membra omnia deriuatur, quoniam fons est, & origo cuiusq; motus, & sensus. Pontifex igitur ea re summam obtinet in omnes potestatem, summum ius, summum imperium, ut nihil intersit, Græcus sit, an Latinus, laicus, an clericus, religiosus, an profanus; Rex, an subiectus, à quo ceteris pro rata parte suo arbitrio præscriptum imperium, ius, potestas distribuitur. Ac propemodum, ut de plenitudine Christi (Ioanne teste) nos omnes accepimus, ita & ceteris omnibus gratiarum fluencia, iurisdictiones, potestates, ordinum, descriptiones à Summo Pontifice impertiuntur, nunc concidimus aduersarios.

IOH. 1.

## CAP. VI.

*Dissentientes ad concordiam reuocantur.*



Nimvero quoniā in hoc argumenti genere multitudine, & auctoritatum, & rationum super sedendum esse duxi; conciliationem tantum curandam censeui.

Ac primum nonnullis minime probatur, D. Petrum esse petram, ac præterea ecclesiasticæ structuræ solidum fundamentum; propterea quod ait Dominus: Tu es Petrus, & c. per hanc petram, & c. Petra autem ex Apostolo, Christus est, non Petrus; & quoniam fundamentum Christus est, non Petrus, Apostolo docente: Fundamentum aliud nemo potest ponere præter id, quod positum est, quod est Christus Iesus; excludit

Matth. 16.

1. ad Cor. 3.

igitur

Ioh. vii.

igitur Petrum; & ceteros non constituit fundamentum, Christo dumtaxat eam rationem tribuens, ceteris omnibus detrahens; itaque super se ipsam aptissime Ecclesiæ structura constituitur. Quid quod non stabilitas, sed imbecillitas in Petro reperta est, cum Christum negavit, quæ plurimum à fundamenti solidi ratione abhorret? Quasi verò otiosa, vel falsa connexio ea esse videatur, scilicet: Et super hanc petram, cum potius serio, ac verè adiungatur; debeatq; eiusdem esse significationis, ut nomen Petrus; ac potissimum, quod hæc verba ad Petri laudē, & celebrationē pertinent, quæ & obscura, & manca, ac potius nulla reddūtur, si ex Petro mutatio fieret ad petrā, id est, Christum. Quæ enim clara laus esset, si diceretur: Tu es Petrus, & super hanc petram, super me scilicet, nō super te, ædificabo? idem igitur intelligitur vocabulis Petrus, & petra. Quocirca, eruditi viri docuerūt Chaldaico sermone, quo Dominus Christus utebatur, idem declarari nomine Petrus, & petra; Syriacè autem redditur: Tu es lapis, & super hunc lapidem ædificabo, &c. Qui sanè sensus omnibus probatus est Patribus, Tertulliano, Hilario, Augustino, Hieronymo, Chrysostomo, Euthymio, &c. Tam igitur Christus est Petrus, quàm Petrus ob firmam fidei confessionem. Tam Christus est fundamentum, quàm Petrus, quoniam ædificata est Ecclesia (docente Apostolo) supra fundamentum Apostolorum, quorum primus est Petrus. Hoc interest, quod Christus auctoritate suæ excellentiæ petra est, & fundamentum, Petrus participatione quadam, & ministerio; ille petra primaria, & fundamentum fundamentorum; hic, petra secunda, & fundamentum ex primo fundamento. Itaque, nullus petra prima, nisi Christus, nullus fundamentum primum, nisi Christus; at Petrus petra quidem super primam petram, fundamentum ex primo fundamento. Facessant ergo dissidentes, immo nobiscum copulentur consentientes. Quod autē assertur de Petri negatione, varia ratione refelli solet. Mihi sic aptissime cōponi posse videtur: Corde (ait Apostolus) creditur ad iustitiam, ore autē confessio fit ad salutem; fides igitur animi est habitus à Deo infusus, confessio verò est eiusdem fidei actus,

ad Eph. 3.

Rom. 10.

Rom. 10.

missi

actus: habet autem fides suæ rationis intrinsecam perfectionē,  
 tametsi oris cōfessio de fideretur; vt quælibet forma, licet actio-  
 nem nō habeat. Quocirca Petrus vt cumque Christum se nos-  
 se negauit, quod timore perterritus se eius discipulum, ac co-  
 mitem fateri recusauit, tamen animo seruauit fidem in illum,  
 atque adeo fidei ratio intrinseca integra remansit, vt verissimē  
 seruatum promissum Christi sciamus: ego pro te rogaui Petre,  
 vt non deficiat fides tua. Lapsus ergo est, sed non fide, tantum  
 fidei actu; negauit enim se illius fuisse discipulum, & comitem,  
 eumque nosse. Sed quam horaria ea negatio fuerit, perspicuū  
 est, quod postea respexit Dominus Petrum, & recordatus  
 verbi, quod dixerat ei Dominus, prius quam gallus canter, ter  
 me negabis, egressus foras fleuit amare: itaque nō diū defecit,  
 tantum ad horam. Firmissima ergo Petra Petrus, qui dominicæ  
 precationis firmissimo fundamento stabilitur. Extremum est, vt  
 eos placemus, quibus sententia illa quidem minimē probatur,  
 quæ, Pōtificis Maximi auctoritatem latissimē patere, astruitur,  
 summoq; in omnes imperio munitam. Etenim, vt inter se ma-  
 ximē distincta, Regnum, & sacerdotium Christus Dominus cō-  
 stituit: Reddite quæ sunt Cæsaris Cæsari, & quæ sunt Dei Deo.  
 & Apostolus Petrus ait: Subiecti estote omni humanæ creatu-  
 rz, siue Regi, siquam præcellenti, siue Ducibus, tamquam ab  
 eo missis. Tamigitur in humanis rebus imperium, regium excel-  
 lit, quàm in diuinis sacerdotium, & æquo iure sunt eiusmodi po-  
 testates inter se distributz, atque à Deo constitutz. Testantur  
 sacræ litteræ: Per me Reges regnant. Item Ministri mei sunt.  
 Itaque suis quisque finibus Sacerdos, & Rex contineri debet,  
 alienū ius non inuadere. Hic vt extrema vitemus, quibus vitiū  
 necessario contrahitur, mediam sententiam complectimur, af-  
 ferentes cum Doctore sancto, Pontificem maximum, & succes-  
 sores, sūmo, & in diuinis, & in humanis imperio polle-  
 re; siqui-  
 dem, vt corporis omnis motio, ac sensus ab animo pendet, &  
 quod caducū est, æternonitur: ita corpora, & caduca imperia,  
 ac potestates, ex diuina, & Ecclesiastica potestate pēdēt, ac su-  
 binētur; idque verissimē declarāt verba. Quæcumq; solueris su-  
 per

Math. 22.

Ep. 1.

Prover. 8.

Marc. 16.

1. lib. de  
reg. prin.  
cap. 10.  
Jo. 21.

ad Chor. 1.

2. 2. lib. de

3. 1. lib. de

4. 1. lib. de

per terrarum sunt subiecta & in eas illi: Quæcūq; ligaueris super terris, erunt ligata & in caelis: hoc inter est, quod diuinis, ac spiritualibus, per se, ac proprio suo iure, ac plenissimo præsideat & eadē administret humana, ac laica (excipio quæ illi quidem, vt Regi subiecta sunt) non administret (vtor eximij Doctoris verbo) nisi ratione delicti. Nam cum Ecclesiasticæ potestatis vis in subiectorum utilitate, quantum ad felicitatis ademptionem, certatur (hæc enim ratio verbis illis subiecta est pax omnes meas) perspicuum est, ad hanc quoque rationem moderandum, & dirigendum esse de humanis, & caducis regnis ecclesiasticum imperium, idque aperrimè sanctum Apostolum docuisse, videtur potest. Arma nostra spiritualia sunt, non carnalia, sed potentia Deo ad destructionem munitionum, consilia destruentes, & omnem altitudinem extollentem se aduersus scientiam Dei, & in captiuitatem redigentes. omnem intellectum in obsequium Christi. Delicta autem, siue crimina triplici genere continentur. Primum est, hæresis, quæ fidei, ac religionis nostræ sinceritatem labefaciat. Aliud, schisma, quod Ecclesiæ sanctæ unitatem dilacerat. Tertium iniustæ, ac prauæ leges, quæ Ecclesiasticæ libertatem siue immunitatem lædunt, naturalem æquitatem conuellunt, probos mores euertunt. Cum secundæ leges, de hæreticis in 6. Possunt igitur quoscumque Principes, ipsi se sceleribus obligantes, principatu abdicare, alios subrogare, excommunicationi subicere, alijsq; pœnis ad officium reuocare, ac leges iniustas irritare, merentesq; supplicijs castigare. Atque huic pertinere asserendū est id Hieron. Ecce constituit super gentes & regna, &c. quibus nominibus variæ criminum pœnæ declarantur. Quo ad imperium ergo non æquo iure sunt, quoniam summum est in Pontifice maximo, pro rata parte in Regibus, ab eodem dependens, quod ad vsum verò, & exercitium, modo exposito, idq; obtinet sacrarum testimonia, litterarum in quibus positis, omnem sublatam esse cōtrouersiam reor, partim, si rectè sapiunt, inter omnes, concordiā. Hæc de Pontifice maximo, siquidem de summorum Patrum, id est, Cardinalium proprio & munere, & auctoritate, suo loco disputabitur;

tur: modo quæ ad Episcopos, ceterosq; Episcopali dignitate præditos pertineant, aptè explicata esse videntur.

## CAP. VII.

*De Episcopi, & Ecclesiastici magistratus nomine vario.*



QUONIAM esse quidem Episcopatus ordinem, quibusq; gradibus contineatur, ex ijs perspicuum est, de nomine nunc vt agamus oportet. Sacrarum rerum præfecti multis sunt nominibus notati. Etenim plerumq; proprijs, plerumq; translatis vocabulis appellati sunt. Nā si vetera repetamus, & Sacerdotes, & summi dicebantur; si quidem in sacrorum procuracione locum principem obtinebant, & Pontifices (vt ait Doctor egregius Bernar.) quoniam se ipsos pontes faciunt inter Deum, & proximum. Pertingit pons iste vsque ad Deum ea fiducia, qua non suam, sed illius gloriam, quærunt; pertingit vsque ad proximū illa pietate, qua & ipsi, nō sibi prodesse desiderant: offert Deo bonus mediator preces, & vota populorum, reportans illis à Deo benedictionem, & gloriam; Et pastores (vt non omnia persequamur) vocantur. Si autem nouæ legis institutis insistamus, & hæc, & multa alia reperiemus. Nam & Præpositi, & Episcopi, & Sal, & Lumina, & Ministri, & præstanti ratione Apostoli nuncupantur. Obedite (ait Apostolus) præpositis vestris. Oportet Episcopum doctum esse, &c. Vos (dixit Dominus) estis sal terræ, vos estis lumen. Sic nos (idem Apostolus) existimet homo, vt ministros Christi. Duo-decim elegit, refert Euangelium, quos & Apostolos nominauit. Etenim de Sacerdotū nomine, & Pastorū nihil attinet dicere. Passim quoque apud Apostolum nomen primum, apud Christum Dominum secundum inuenitur: Vnde Petro, & ceteris dixit: Pasce oues meas. Vulgatissimum est nomen Episcopi, quo & Ethnici vsi sunt ad eos, qui esculentorum, & poculentorum curam gerebant tit. de muner. & honor. l. munerum.

*ad Hebr. 10*

*ad Titum.*

*Matth. 4.*

*1. Corint.*

*Io. 10.*

S. Irenarche. verſ. Item Epifcopi. Sed noſtri aliter, vt dicemus, viſurpant. Multis omiſſis, nos tria ex iſtis fuſius tractanda, ex D. Bernardi doctrina ſumamus, Epifcopum, Sponſum, Paſtorem. Eccleſia autē Ciuitas propter collectionem dicitur, Sponſa propter dilectionem, Ovis propter manſuetudinem; propterea, quicūque opus miniſterij huius ſortiti eſtis, attendite vobis, & pretioſo depoſito, quod vobis traditum eſt. Ciuitas eſt, vigilate ad cuſtodiam concordiamq; . Sponſa, ſtudeſte ornatui. Oves ſunt, intendite paſtui. Ex quibus perſpicuum eſt, tria eſſe excellētiora Præſectorum Eccleſiæ nomina: Cuſtos, ſiue Vigilans, ſiue Epifcopus (idem enim ſunt) Sponſus, Paſtor. Cum enim Epifcopus, Græcum ſit nomen, atque coniunctum (dicitur enim ab ἐπί, quod eſt ſuper, & ποιός; id eſt, intentio) inde eſt, quod Epifcopus, ſuperintendens interpretatur; quoniam vigilanter intēdere ſuper gregis Eccleſiaſtici cuſtodiam debet. Sponſus eſt, qui habet ſponſam ( vt dicitur in Euangelio ) cogitareq; & omni ſtudio curare debet ea, quæ ſunt ſponſæ. Paſtor verò à paſcendo dictus eſt; ſiquidem ab officio, & munere cuique nomen aptè imponi ſolet: paſci autem in bruta animantia propriè cadere poteſt; vt veſci, ac cibo vti in ea, quæ rationis ſunt capacia. Itaque translationis iure, Paſtor dicitur, qui Eccleſiæ curam gerit, verboque, ac exemplo, & oratione eam paſcit; atque ad eam rationem in ſua accipit ordinatione mitram vt Epifcopus, annulum, vt ſponſus, baculum vt Paſtor. Nam vt bicornis eſt capitis mitra, ita vtriuſq; Teſtamenti eruditione Epifcopum præditum eſſe oportet, vt hoſtium ( ait D. Bernardus ) inſidias ſagaciter exploret, anticipet conſilia malignantium, deprehendat laqueos, elidat tendiculas, retiacula diſſipet, machinamēta fruſtetur. Annulus indiuiduam ac perpetuam vitæ ſocietatem, ac fidem declarat erga ſponſam Eccleſiam. Baculus ad lupos arcendos, ovesq; dirigendas, paſtoribus eſt vſui. Sed illud præterea animaduerti hoc loco velim, quod etſi Parochi animarum curam gerere, earumq; ſalutem, & procurare, & tueri officij proprij ratione debeant, ideoq; Paſtoris nomen eis meritò deferendum eſſe videatur.

pro-



proprie tamen, & omnino Episcoporum est eius muneris absoluta ratio, & facultas; ijq; soli Ecclesiæ sponſi habendi sunt, idq; & ex annulo declaratur, quo ipsi soli decorantur; siquidē propriē successores Apostolorum censendi, & appellandi sunt, vt habet can. Quorum vices. distin. 68. Hinc Augustinus: Pro patribus nati sunt tibi filij. Patres missi, sunt Apostoli, Apostolis nati sunt filij, Episcopi. Ita ergo Parochi & Pastores nominantur præcisa quadam, & non absoluta ratione, & soli Episcopi vt sponſi, ita & pastores proprie, expletaq; significatione appellantur. ad hanc rationem ij omnes Pastores sunt, qui pleno iure collegijs præ sunt, Abbates, Priores, Præpositi; siue alio nomine nuncupentur: sed nos vno plerumq; Episcopi vocabulo declaramus. Hæc de nomine.

## CAP. VIII.

*De qualitate Episcopi in genere magistratus Ecclesiastici.*

**P**ROXIMUM est modo docere, quibus rebus instructos eos oportet, qui munus Episcopi præstare debent. Etenim ex D. Bern. colligitur, Episcopos custodiam, & concordiam, fidelium collegio præstare par esse, quoniam vigilēs; decorem Ecclesiæ quod sponſi: passionem, quia Pastores; ac singula quæq; is quoque nō pie modo, sed erudite declarauit. Custodia ciuitatis, vt sit sufficiens, trifariam erit, à vi tyrannorum, à fraude hæreticorum, & à tentationibus dæmonum. Ex quibus perspicuum est, rectē eūdem collegisse, ad id muneris opus esse viro fortissimo, spiritali, fidelissimo. Nam & eius est iniurias propulsare. Hoc enim inter verum præsidem, & mercenarium interesse Dominus docuit; quod mercenarius videt lupum venientem, & dimittit oues, & fugit; ille autem resistit vsque ad sanguinem; animā quoque suam pro eis ponit; nullis minis terretur, nullis incommodis retardatur, nullis molestijs reuocatur, nullis supplicijs abducitur,

Io. c. 10.

F a quin

Cant.

ad Phil. 2.

Ezech. 34.

ad Heb. 5.

officium suum tueatur, ac pro eorum salute, qui suæ sunt fidei crediti, omnia & perferat. Spiritualis verò, ut non quidem prudentia carnis, sed spiritus ducatur, circumspiciat, omnino omnia caueat, & capiat vulpes quoque paruulas, quæ demoliantur vineas. Fidelis, ut non sua comoda quærat, sed quæ Iesu Christi. Sponsi autem sunt partes ornatum afferre sponsæ, in moribus honestandis, probis functionibus exercendis, ordinibus constituendis; quibus sanè pulcherrimus elucet Ecclesiæ decor. Hoc autem duplici studio paritur, & præstatur; diligentia scilicet, & disciplina; diligentia efficitur, ut ne prauum aliquid irrepat; disciplina, ut quod irrepsit, corrigatur. Quid Pastor? Gregem pascet? filiquisne porcorum, an palustri paliuro, ac iunco? non certe, sed in montibus virentibus, in montibus Israel, & vberimis pascuis. Hæc enim sunt ouium, & Christi ouium pascua; diuinarum litterarum, quæq; ad illas pertinent. sed est (ait idem deuotus Doctor) distinctio. Nam sunt mandata, quæ duris, atque carnalibus animis imponuntur ex lege vitæ, & disciplinæ; & sunt onera dispensationum, quæ infirmis, & pusillis corde de respectu misericordiæ apponuntur; & sunt consiliorum solida, & fortia, quæ ex intimis Sapientiæ proponuntur sanis, & qui exercitatos habent sensus ad discretionem mali, ac boni; paruulis namq; tamquam agricolis, adhortationis lac potus datur non esca. Quocirca ex his perspicuum est, quanta debeat pastor eruditione præcellere; iam vero ut hanc totam rationem perstringamus, quatuor esse numero ea, quibus Ecclesiasticos magistratus summos præditos esse necesse est ad munera sua probe obeunda, auctoritatem, probitatem, Eruditionem, Prudentiam, quorum deinceps singula explicemus oportet.



# Liber Tertius.

## C A P. I.

*De Auctoritate, an sit de Iure Divino.*



**E**PISCOPORVM maximam esse in Ecclesia auctoritatem, ne dubitari quidem potest, & nos alio capite explicabimus: modo id dumtaxat indagandum est, quoniam iure sint illi quidem constituti, & quo eorum auctoritas nitatur. sunt enim qui dissensiones opinionum hac de re esse volunt. Nam quidam diuino iure, quidam humano eam auctoritatem constitutam esse contendunt, Ac isti quidem hanc potissimum afferunt rationem, quod summus Pontifex Episcopos eligit, quos sibi libet, eis Ecclesiam cōmittit, Dioeceses suo arbitrio distribuit, easq; vel coarctat, vel amplificat. Huc accedit, Christiani Populi curam generalem, & summam soli Petro, ideoq; summo Pontifici esse demandatā, cui dictum fuit: *Pasce oues meas;* ceteri autem Episcopi in partem (vt loquuntur) sollicitudinis adfiscuntur, nec ab alio, quam à Pontifice. Eoq; pertinet, quod Apostoli sua auctoritate Episcopos constituerunt, vt Paulus Timotheum, & Titum. Postremo vnitas Ecclesiæ, & parendi vni necessitas, quæ ceteris est præferenda priuilegijs, non admodum commodè contineretur, si singuli quique Pastores eodem instituerentur iure, quo Pontifex, qui eorum est caput: solutos enim se ab eius imperio arbitrari illi quidem possent, quoniam se diuinitus (æque vt Pontifex) Ecclesiæ propriæ præfectos esse assererent. Iure igitur Pontificio, atque adeo humano Episcopi constituti sunt, eorumq; auctoritas nititur. Alij verò diuinitus, non autem hominum arbitrio eosdem constitutos asseuerant; idq; sacris litteris manifestissimè docent. Attendite vobis (ait D. Paulus) & vniuerso gregi, in quo vos Spiritus sanctus posuit Episcopos, regere Ecclesiam Dei, quam acquisiuit sanguine suo. Et ad Eph. 4. Ipse dedit quosdam quidē Apostolos, alios Doctores, atque Pastores. Pastoris autem vocabulo Episcopus præcipuè declaratur:

Jo. 21.

Matth. 28.

Eph. 4.

1. Cor. 4.

1. Cor. 12.

ratur. Quare & alio dicebat loco: Sic nos existimet homo, vt ministros Christi, &c. Eo pertinet, omnibus dictum à Christo fuisse Apostolis, quorum & locum, & vicem Episcopi suscipiūt: Quæcumq; alligaueritis, &c. Ac postremo, cū Episcopatus inter ea numeretur, quæ à Dei præcipua quadam beneuolentia Ecclesiæ conferuntur, Apostolo dicente: Diuisiones gratiarū, &c. Profectò diuinitus institutus est, non hominum arbitrio. Quamobrem diuino iure & nixam esse Episcopi auctoritatem, & institutam omnino volunt. Mihi autem accurate rem consideranti nullo pacto videtur, rationi consentaneum esse Auctores inter se dissentire, quod manifeste probabo. Ac pono in primis, quod ius diuinum nihil sit aliud, quàm facultas, & præceptio agendi id, quod Deus instituit, vt id sit, quidquam esse ex iure diuino, quod sit diuina præceptione institutum. Deinde aliud est ius diuinum, aliud vsus, & tractatio eiusdem. Tercio differt asserere, præceptionem esse diuinam, quod singulis Ecclesijs singuli præficiantur Episcopi, vt vniuersæ Ecclesiæ vnus summus Pontifex, & quod hic aut ille, Petrus, vel Ioannes constituatur. Quibus ita positis, astringimus, neminem ex catholicis ita posse desipere, vt contendant hoc decretum, Episcopos singulos Ecclesijs singulis præficiendos esse, non diuinam præceptionem cōtineri; quanto magis Catharinus vir alioqui sanè quam eruditissimus, vt hoc nomine, minime esset à quoquam obiurgandus? Quod autem huic Ecclesiæ Paulus, illi præficiatur Ioannes, certe humano, idest Pontificio arbitrio, siue iure disponitur; atque hunc Catharinus sensum, quiq; ab illo sunt, tractauerunt, & huc etiam pertinere arbitrandum est diuina testimonia, quæ proxime attulimus; quibus constantissimè adhæserunt Leo Papa, epist. 66. Beda, lib. 3. super Lucam, D. Bern. super Cant. ser. 58. & de cōsideratione. Ex his quoque perspicuum est, prædictas auctoritates, ac rationes, obtinere quidem ius, ac præceptionem diuinam de institutione Episcoporum suo arbitratu tractare, ac ad vsum Pontifices summos adhibere; eaque ratione improbos eligi posse, quod humano iudicio electio nitatur. Deus igitur per sese Episcoporum potestatem

testratem instituit, eoque auctore eliguntur: Pontifex se ministrum eligendo, consecrandoq; adhibet: quod sanè euidenter ex sacris precibus, ac ritibus, quibus initiantur consecrati Episcopi, dignoscitur. Quam quidem veritatem & iurisperiti attigerunt, vt Barbar. tractatu de Sard. q. 1. Gygas de penn. q. 1. Berous in cap. cum venissent. Postrenò D. Anselmus noster, explicans ea verba D. Pauli, nemo sumit sibi honorem, &c. ait: *ad Hebr. 5.* Qui recte, & canonice eligitur, à Deo vocatur: ille sumit honorem apud Deum, & homines, qui per Ecclesiæ procuratores, & viros fideles à Deo vocatur ad hanc prælationem, ita digne, & sincere, tamquam Aaron. Ac ne vllus aut dubitationi, aut diffensioni locus relinquatur, in Concil. Trident. sess. 23. cap. 4. Anathema decernitur in eos, qui asserunt Hierarchiam ecclesiasticam, quæ constat Episcopis, Presbyteris, & Diaconis, non esse diuina ordinatione institutam. Quamobrem, quanto se obligent scelere ij, qui aut vi, aut ambitu, aut precio Episcopatum inuadunt, nullis sanè verbis plenè explicari posse videtur. Diuusq; Bernar. non minus copiosè, quam religiose, vt omnia, id asserens ait: Væ vobis, qui tollitis clauem, non scientiæ solum, sed & auctoritatis, nec ipsi introitis, & multipliciter impeditis, quos introducere debuistis: tollitis enim, & non accipitis clauēs: de quibus Dominus queritur per Prophetam: Ipsi *osæ 8.* regnauerunt, & non ex me. Principes extiterunt, & ego non vocaui eos. Vnde tantus Prælationis ardor? vnde ambitionis impudentia tanta? vnde tanta vesania præsumptionis humanæ? Itemq; anima perfectior id ministerij sortita sit, non sua ambitione, sed: vocata à Deo tamquam Aaron. Ingredi igitur debet quisq; & ascendere non aliunde, hoc est (vt diximus) non vi, quia tyrannus; non ambitu, quia fur est & latro; non pretio, quia mercenarius, sed per ostium, hoc est legitima Christi, suiq; Vicarij institutione.

## CAP. II.

*Episcopi auctoritas in quibus per se reuertetur*

**P**ISCOPORVM auctoritas (vt summatim explicemus) & in vero Christi corpore versatur, & in mystico: in vero quidem, vt est Sacerdos, & Episcopus; in mystico autem, vt est Episcopus tantum. Verumtamen vt Sacerdos, proxime versatur in vero, quoniam consecrandi illud ius habet; vt Episcopus autem, remote, siquidem non illud quidem conficiendi, sed illius instituendi ministros auctoritate pollet. At in mystico vt Episcopus, iurisdictione plena munitus potestatem exercet. Iam vero, vt ea tantummodo tractemus, quæ in Episcopum conueniunt, minimè ignorandum est, has ijs de rebus opiniones ab eruditis constitutas. Quarum vna asserit, simplicem Sacerdotem, neque per se, ac iure suo, neque summi Pontificis concessu, posse minores ordines, chrismaque conferre, ne dum maiores, ac sacros: tum quia in vero Christi corpore tantum versatur; tum quia, vt is, qui sacerdotio non est initiatus, ea, quæ sacerdotis sunt, præstare, etiam concessu summi Pontificis non potest, scilicet sacram Eucharistiam conficere: ita, qui Episcopus non est, ea quæ sunt Episcopi, vindicare sibi non potest. Ex quo perspicuum est, Sacerdotem simplicem nullo se pacto posse in ordinum collatione, ac chrismatism ingere. Communis ratio est, quoniam vt sacerdotio quempiam initiare, munus est Episcopi, ita & ceteros conferre ordines, atque chrisma. Quocirca in glos. super cap. Abbates. de priuil. in 6. habetur. Vere Episcopalem non potest habere; scilicet, vt possit chrismare, & alia facere, quæ sunt ordinis Episcopalis, vt est proculdubio ordinum collatio. Alia asseruit, Sacerdotem omnia, ac singula quæque (Episcopatu excluso) vt non per se, tamen Pontificis maximi concessione præstare posse. nititur opinio hoc pronuntiatio; Pontificem maximum vndique expletam, nullisq;

nullisq; limitibus circumscriptam in Ecclesia Dei potestatem habere, ideoq; eius munere quemlibet id, quo ipse dumtaxat est præditus, alteri impertiri posse. Quare, cōfirmato cōfirmandi; Diacono Diaconū ordinandi facultatē largiri potest, atque adeò Sacerdoti, vt sacerdotium conferat, nedum minores ordines, subdiaconatum, & chrisma. Tertia autem, media est inter has extremas; docet enim delectum esse habendum eorum, quæ ad Episcopum deferuntur. Nam sunt quædam, in quibus absolutam, & omnino perfectam potestatem summus Pontifex obtinet, vt ea, quæ & ad corpus mysticum spectant, & in exteriori tractantur foro; vt sacris interdicare; condonationes, siue indulgentias largiri; litteras dimissorias concedere; insignia, certa deferre, quæque sunt generis eiusdem. Quædam autem sunt, quæ corpus quidem mysticum per se attingunt, sed modo quodam; referuntur autem ad corpus Christi verum, & eius materiam: vt est, Sacerdotium, Diaconatus, & Subdiaconatus. Nonnulla sunt, quæ non in Christi corpore vero proxime, sed remote versantur, quoniam apparatus, & dispositiones ad id conferunt, vt est collatio minorum ordinum, & chrisma; mysticum autem per se, ac proxime attingunt. Quibus ita constitutis, ponendum videtur quod alias probatum est. Pontificem maximum, ac simplicem Sacerdotem, in Christi corpore vero, pari auctoritate versari: in mystico autem summa est ille quidem potestate præditus; hic vt Pontificis largitate, confertur. Et quoniam gratia, quæ sacramentorum vi tribuitur, à capite Christo in mysticum corpus dimanat, eo fit, vt actio omnis sacramentalis (vt loquuntur) qua gratia mystico corpori impertitur, ex ea pendeat actione, quæ in vero Christi corpore proxime versatur; ideoque solus Sacerdos, non autem Diaconus potest à peccatis in secreto foro absolueret, & baptisma, iure sui muneris conferre. Quocirca summus Pontifex, cum maximam, & omnino absolutam facultatē mystici corporis habeat, ad ea obcunda munera, quæ non ad verum, sed mysticum corpus pertinent, ius largiendæ potestatis obtinet; vt collatio est minorum ordinum, & chrismatis. Etenim sacrum chrisma ho-

*Conciliatio*

mini eam perfectionem tribuit, quæ ad mysticum pertinet corpus, non autem ad verum. Ita minores ordines, nec corpus Christi verum, nec eius materiam attingunt; præparant dumtaxat animos in obsequium consecrationis veri corporis, eiusque cultus; & idcirco potestatis est Pontificiæ facultatem non alijs, sed Sacerdoti concedere illos consecrandi, quorum facultas proximè in vero Christi corpore non versatur, sed in ministerio, & apparatu consistit. Quamobrem prima sententia, si de eo, quod à Pontifice Maximo fieri potest, loquatur, falsa est; potest enim summus Pontifex, cuius est latissime patens facultas, non modo in mystico Christi corpore, ad quod refertur chrisma, sed etiam in ijs, quæ ad verum, remota quadam ratione, pertinent, ut minores sunt ordines, eandem Sacerdoti concedere, qui suo iure in vero Christi corpore versatur. Neque quidquam ratio obtinet, quoniam multum differt inter facultatē proximè in Christi corpore vero versantem, & eam, quæ remote refertur ad ipsum. Primam alteri demandare Pontifex non potest: Secundam omnino potest Sacerdoti dumtaxat. Sin autem de eo, quod cuique per se, ac iure suo convenit, differit, non discrepant inter se auctores; nam munus est Episcopalis ordinis chrisma conferre, ordinibusque initiare. Idque ex glos. cap. Abbates. apertissime colligitur. Quia verò chrisma & ad corpus mysticum pertinet, & in gradu præstantiori quemquam constituit, in ijsque summa est & absoluta Pontificis maximi potestas: minores quoque ordines ad verum quidem corpus referuntur, non proximè, at remote, & ut ministerium exhibent, & apparatus ad eius cultum præbent. Ideoque Pontifex summus sua undique expleta potestate utens, potest utrumque Sacerdoti tantum communicare, non autem id, quod ad verum Christi corpus pertinet proximè, in quo simplici Sacerdoti Pontifex minime præstat. Ratio igitur est ista. Causam si quaeris, institutio est diuina, quæ Ecclesiæ sanctæ Apostolica traditione declarata est. Siquidem inde ab initio Christianæ Reip. ac primo tempore ita seruauit, ac potissimum ea D. Gregoriū potestate vsum fuisse legimus. Quidquid enim continuatis temporibus eodem modo ab omnibus



nibus ferme Ecclesiæ sanctæ Pontificibus vſu receptū est, traditione Apostolica, institutionem diuinam esse, aſtruentum est. Secunda opinio prorsus explodenda est, nisi de ijs disputatio ſit, quæ (vt diximus) & ad mysticum Christi corpus referuntur regēdū, & in exteriori foro tractātur; quæ ijs quoque, qui clerici non sunt, Pontifex maximus, amplissima sua vtens facultate, deferre potest. Tertia, quæ sancti Doctōris doctrina nititur, amplectenda est, quantum & communior est, & tutior, & non imbecilla ratione probata. Episcoporum igitur, qui singulis Episcopatibus præpositi sunt, potestas est, vt non solum ceteros Ecclesiæ ministros constituent, sed fidelem quoque populum ecclesiastica disciplina regant, & eorum saluti summam vigilantiam, & cura prospiciant. Itaque perspicuum est, Episcopi tantum facultatem esse, suo iure, ac per se chrisma, & minores ordines conferre; Sacerdotes autem simplices ea quoque præstare summi Pontificis munere, & concessu posse. Atque ad hanc rationem interpretanda sunt & iura omnia, & Concilij sanctiones, & Doctōrum sacrorum testimonia.

## C A P. I I I.

### *De varia Præſectorum Ecclesiæ diuisione.*



**V**O autem modo, & ratione eiusmodi auctoritate ipsa concedatur, facilius, si paulo altius repetamus, intelligitur. Sacerdotes simplices, quibus solet Apostolica Sedes priuilegium conferendi minores ordines, atque chrisma concedere, plerūque nulla sunt dignitate præditi, plerumque Abbatiæ, siue alia dignitate potiuntur. Ex ijs, alij subiecti locorum ordinarijs sunt, deque eorum Diœcesi, alij ab earum iurisdictione, & Diœcesi exempti. Rursus, ex exemptis alij nullius sunt, alij simpliciter exempti, alij liberi. Item alij proprium territorium, Episcopali omnimoda iurisdictione munitum habent, alij intra fines aliquius Diœcesis consistunt, ac degunt, vtrique ordinarij sunt, &

appellari merentur. Has omnes dissimilitudines colligimus ex Conc. Trident. sess. 23. cap. 10. nam & Abbates, ac alij simpliciter nominantur, & Abbates, & alij exempti, & per rationem à contrario Abbates, & alij liberi, & Abbates, & alij, intra fines alicuius Dioecesis consistentes; ergo & Abbates, & alij qui intra fines Dioecesis alicuius non consistunt, sed in sua, & Abbatibus, & alij, qui sunt, vel non sunt nullius. Ex iis igitur (ut ex eodem Concilio præscribitur) Abbates, siue alij quicumque tametsi exempti sint, ac nullo medio sanctæ Sedi Apostolicæ subijciantur, ac propterea nullius, modo intra fines alicuius Dioecesis consistent, nec minores ordines, nec litteras dimissorias concedere non regularibus queunt, utcumque Apostolicis privilegijs, aut antiquissimis consuetudinibus muniti essent. Communis est hæc omnium sententia, quippe quæ Sacri Concilij decretis nititur. Verum enim amplissimi Cardinales interpretandis Sacri Concilij decretis à Pontifice maximo præpositi, declararunt, petitioni Illustrissimi, ac de Christi Ecclesia, cum summa eruditione, ac prudentia, tum eximia animi pietate, & religione optime meriti Cardinalis Palæotti respondentes: posse Abbates, Sacerdotes Benedicti, quique deferendi mitram, & baculum ius habent, ex facultate eis indulta, & ab Episcopo loci, intra cuius fines siti sunt, & ab Episcopo personæ, quæ initianda est, tonsuram, & minores ordines non regularibus conferre. Hæc autem declaratio à Philippo amplissimo Cardinali Boncompagno Pontificis maximi Gregorij XIII. auctoritate promulgata est vndecimo Iulij 1572. Qui vero Abbates liberi sunt, propriumque territorium Episcopali omnimoda iurisdictione munitum extra cuiusque fines habent, atque adeo in propria Dioecesi degunt, ordinarij locorum ac Dioecesani censeridebent, solutiq; hac Sacri Concilij lege esse videtur; tum quia, ut perspicuum est, decretum Sacri Concilij arcet à collatione ordinum, & dimissorijs simplices Abbates, non autem Dioecesanos. Nam id est propriè tale, quod est simpliciter tale. I. hoc legatum. ff. de legat. 3. & quæcumque præceptio, aut vetatio in casu simplici, non comprehendit mixtum, neque ei aptari po-

ri potest: Ac præsertim in ijs, quæ odiosa sunt, vt id est, quo de agitur, ratio enim habetur de abrogando iure quæsito. l. vim passam. §. præscriptione. ff. de adultis. d. l. hoc legatum. ff. de leg. 3. sic est facultas conferendi tonsuram, & minores ordines, litterasq; dimissorias concedendi. Quia vero simpliciter de Abbatibus in decreto mentio fit, idcirco remanet ratio iuris communis de Abbate Diocesano omisso. l. causam disc. ff. de lib. & post. Ac propterea eo decreto prohibetur Abbatibus existentibus intra fines, collatio ordinum, concessio litterarum dimissoriarum. Igitur vim non habet in ijs, qui proprio territorio iurisdictione munito continentur. Nam in quibus verba legis non conueniunt, nec legis effectus in his locum habere potest. l. 4. §. toties. ff. de damn. infecto. l. quod constitutum. ff. de milit. test. alioquin absurdum sequeretur, duo scilicet esse in vna Diocesi capita, quod à ratione abhorret. c. in opibus. 2. q. 1. Cum enim de ijs, qui initiari ordinibus debent, aut dimissorias impetrare, accurata sit habenda ratio natali, eruditionis, ac probitatis, cui hæc magis esse perspecta queunt, quam ordinario suo, qui in his assidue versatur. cap. quosdam. de præsumptionibus. tum quia sanctio huius decreti iuri videtur derogare communi, in c. Abbates. de priuileg. in 6. ideoque stricte interpretanda est, vt, quàm minimum fieri potest, ius commune labefaciat: siquidem lex emendatrix accommodari, & transferri in aliam non debet. C. si vero. §. de viro. ff. de solut. matrim. & lex emendatrix non debet aptari, siue extendi ( vt loquuntur ) nisi in re, siue persona, de qua agitur. l. si seruum. §. non dixit præcor. de acquir. hered. Ac lex noua generaliter emendans, non transfertur ad res, vel personas à veteri lege definitas. l. Sciendum. ff. qui satisd. cogantur. iuxta aucth. offeratur. C. de testa. & legum correctio omnino vitanda est. l. præcipimus. C. de appell. etenim quia in c. Abbates. de priuilegijs in 6. præcipue sancitum est, Abbates clericali tonsura eos initiare posse, in quos ecclesiasticam, & quasi Episcopalem iurisdictionem obtinent, fit vt decretum Sacri Concilij generali ratione, ac simpliciter loquens, minime ius commune corrigat, sed lo-

cum

eum sibi vēdicabit in postrema parte, cum scilicet facultas ista non iure ordinario, sed præcipuo asserto privilegio obtinetur, vel usurpatione. Ideoque in eodem habetur decreto: Non obstantibus privilegijs quibuscumque. Quibus liquido constat, decretum corrigens tangere, dumtaxat privilegij certi facultate munitos, vel usurpatores, mittentes manum in messem alienam, non autem eos, qui communi, & ordinario in ijs iure nituntur. His adde, quod cum factum Concilium iuri voluit derogare communi, illud quidem plane explicauit, vt cap. 10. de reform. sess. 7. Non liceat Capitulo infra annum litteras dimissorias facere, tam ex iuris communis dispositione, quàm etiam cuiusvis privilegij, aut consuetudinis vigore hoc decreto de Abbatibus, &c. De iuris communis dispositione nulla fit mentio. In postremum, quod exemptorū eo loco fit correctio. Nūc autem posuimus Abbates esse liberos, ideoque exempti dici non possunt, cum numquam fuerint subiecti; vocabulum enim, exemptio, subiectionem antea in eodem fuisse declarat; l. manumissiones, tit. de iust. & iur. optimaq; ratione illud quidem in exemptis sancitum est, quoniam exemptæ ecclesiæ de Diocessi esse dicuntur. Abbas in c. graue, de officio ordin. 1. not. vlt. Felin. num. 2. Quamobrem liberi Abbates, quique proprium obtinent territorium, omnimodaq; Ecclesiastica, siue Episcopali iurisdictione munitum, siue Diocesim, ordinarij, & Diocesani meritò censentur; potestateq; potiuntur conferendi minores ordines, dimissoriaq; litteras suis, pleno iure, & Episcopali subiectis sibi, proprioque ac suo territorio consistentibus impertiendi. Ac vereor, ne cuiquam hæc multa esse videantur. Ad extremum assero Abbatem sacri monasterij Cauensis horum esse numero habendum, quod & liber est, & proprium obtinet territorium, omnimoda Episcopali iurisdictione munitum, eamq; priuatiue (vt loquuntur) ad omnes, & Archiepiscopos, & Episcopos, vt verus Diocesanus, & ordinarius, & semper exercuit, & habuit ex primo suo statu, vt ex Urbani II. Pontificis maximi litteris manifestum est, constituentis Coenobium caput omnium Ecclesiarum sibi pleno iure subiectarum. Nam

cum

cum Episcopus Cauensis incredibilibus fere modis sacri illius  
 Cauensis Cœnobij Abbatem, & monachos, vt ad publicas per-  
 gerent processiones, vexaret, specie capi. Sacri Concil. Trident.  
 exempti autem omnes, etiam monachi ad publicas processio-  
 nes accedere compellantur. Cum res diu multumq; in Romana  
 curia apud amplissimos Patres Cardinales, sacri Concilij in-  
 terpretationi prædentes, vtriusq; partibus auditis, agitata es-  
 set, tale illi quidem decretum edixerunt. Congregatio genera-  
 lis Concilij Tridentini censuit, non posse ad processiones pu-  
 blicas euocari hos monachos, tū quia nullius, tum quia non  
 possunt dici exempti, quia numquam fuere subditi, tum pro-  
 pter pactum speciale confirmatū à Sede Apostolica. Quod non  
 tollitur. c. 22. de regularibus. De eodem quoque iidem amplis-  
 simi Patres Pont. Max. Sixto V. retulerunt ex authenticis scri-  
 pturis, coram Illustrissima Congregatione præsentatis, liquido  
 constare, Abbatem Cauensem esse nullius, omnimodam iu-  
 risdictionem Episcopalem habere, ac proprium territorium,  
 idest Diocesim, quæ sane nihil est aliud, quàm loci spacium,  
 iurisdictione munitum. l. pupillus. §. territorium. tir. de verb. si-  
 gnif. Felin. in c. Rodulfus num. 15. de rescript. Cum vero Diœ-  
 cesis proprie sit iurisdictionis Episcopi, vel alterius Prælati iurisdic-  
 tionem Episcopalem exercentis, Abb. & glos. in Clem. 1. de  
 vita, & honest. cleric. ne disputandum quidem est, Abbatem  
 Cauensem Diocesim habere, & Diœcesanum verum censi.  
 Felin. ibidem 2. limi. Glos. in d. Clem. 1. de foro competenti. in  
 verbo, Diœcesanus. ideoque omnia illa, quæ Concilium sacrum  
 ordinarijs locorum facienda committit, vt Sedis Apostolicæ  
 delegatis, non obstantibus quibuscunq; priuilegijs, Abbati  
 Cauensi commissa censentur in oppidis, Castris, & Ecclesijs,  
 sibi, ac monasterio subiectis, vt quibus locis iure ordinario  
 propter exemptionem, aut priuilegium ius exercere nequiret,  
 id vt delegatus præstare posset. Fel. in c. cum ex officij. nu. 20.  
 in fin. extra de præscript. Quamobrem asseruerunt amplissimi  
 Domini Cardinales prædicti, priuilegia eidem à summis Pon-  
 tificibus concessa, ab ipsisq; accurate, ac diligenter examina-

ta, atque perpensa, nihil, quod cum decretis Sacri Concil. Trident. pugnet, continere. Quocirca idem Sanctissimus Dominus Sixtus V. ac successor D. Greg. XIV. hæc ipsa omnia priuilegio suo inferuerunt, & asruerunt; declararuntq; præterea, eundem Abbatem Cauensem facultatem habere congregandi Synodum, conferendi chrisma, concursum instituendi, exequendi litteras Apostolicas tam gratiæ, quàm iustitiæ, etiam in matrimonij causis. Eadem est sacri Casinensis amplissimi Abbatis ratio, vt non præstantior, tamen maior; quippe qui omnibus, & Vrbs, & Orbis Abbatibus præcellit, & ampliorem iurisdictionem obtinet. Hæc autem tunc rata esse volo, cum sanctæ Ecclesiæ iudicio, & amplissimorum Cardinalium sententiæ probata erunt.

## C A P. I V.

### *De definitione potestatum Iurisdictionis.*



**M**ISSA facultate illa quidem, quæ (vt sæpius diximus) in vero Christi corpore versatur, eam nunc tractemus, quæ iurisdictionis appellatur, quæ mystici tantum rationem habet. Hæc autem duplex est, altera secreti fori, siue animi, altera extrinseci fori, & contentiosi. Ac prima eorum tantum est, qui sacerdotio initiati sunt, ac præterea populum subiectum habent. Altera etiam non sacerdotibus conuenire potest; populum tamen requirit, qui imperio parere, & obedire debeat. Vtræque aut ordinaria est, aut delegata. Auctoritas illa ordinaria censenda, & appellanda est, quæ proprio suo, aut dignitatæ, aut muneris iure nititur; Delegata vero est; quæ non per se, ac iure suo cuiq; permittitur, sed concessione alterius continetur. Ac de secreti fori auctoritate aliàs. Nunc considerandum est de ea, quæ iurisdictionis, extrinseciq; fori appellata est. Et quoniam (vt diximus) vnumquodque proprio suo munere, ac vi efficiendi definitum est; magistratus autem cuiusque

cuiusq; officium hoc vno potissimum continetur, vt ea legum ratione imperet eis, qui parere debent, quo finem suum, ac proprium consequantur. Idcirco auctoritas iurisdictionis facultas est alicuius, proprio iure, aut alterius concessu constituta, rectis legibus constituendi, ac dirigendi ad proprium finem eos, qui suo imperio subiiciuntur. Ex qua sane definitione facile est singulorum accipere rationes. Nam Pontificis maximi auctoritas est facultas, Christianū coetum vniuersum diuinis legibus, suo, & à Christo Domino, ac legitima ordinatione sibi tributo plenissimo iure gubernandi, ad æternitatemq; dirigendi. Omnes sanè in hac ipsa rectæ definitionis leges seruantur; quod nihil redundat, neque quidquam minus explicatum continet. Est in ea genus, facultas, cetera differentię loco sunt posita. Explicatur materia subiecta vocabulo, coetum, forma, diuinis legibus, efficiens, à Christo Domino, finis, instituēdi, ad æternitatemq; dirigendi. Audiamus D. Ber. singulas ferè definitionis partes astruentem. Sunt quidem & alij cæli ianitores, & gregum Pastores, habent illi assignatos greges, singuli singulos, tibi vniuersi crediti: vni vnus, nec modo ouium, sed pastorum, tu vnus omnium pastor. Vnde id probem queris? ex verbo Domini. Cui enim non dico Episcoporum, sed etiam Apostolorum sic indiscrete, sic absolute totæ commissæ sunt oues? si me amas Petre, pascue oues meas; quas? illius, vel illius populos ciuitatis, aut Regionis, aut certi Regni? oues meas, inquit. Cui non planū, non designasse aliquas, sed assignasse omnes? nihil excipitur, vbi distinguitur nihil; & forte præsentēs & ceter. vsque ibi: En quis es. De auctoritate Episcoporum agamus, quorum vno nomine eos omnes intelligi volumus, qui Episcopali sunt auctoritate præditi, vt Patriarchæ, id est primi supremiq; Patres. Archiepiscopi, quique ab Episcopis non genere, & ordinatione, sed gradu, & amplitudine potestatis, ac loci differunt, quod latius deinde tractabimus. Auctoritas autem istorum, facultas est, coetū Christianum pro rata portione eis subiectum, Christi legibus, ecclesiasticisq; sanctionibus, & à Christo Domino, ac legitima ordinatione, pleno, ac suo iure accepto, gubernandi, ad æterni-

De consid.

Jo. 21.

H tatemq;

ratemq; dirigendi. Hæc in eos quoque omnes conuenit magistratus Ecclesiasticos, qui ut non Episcopi, sunt tamen Episcopali iurisdictione muniti. Veniamus ad nostros. Abbatum auctoritas facultas est, monachos sibi subiectos Christi legibus, almiq; Patris Benedicti, ac Patrum institutis, pleno iure, ac suo legitima ordinatione suscepto, gubernandi, ad æternitatemq; dirigendi. eademq; aptanda est ceterarum familiarum præpositis, ea dumtaxat ratione variata, ut Dominicanis, Franciscanisq; institutis, & quæ sunt eiusdem generis, definitio declaratur. Idemque faciendum est, cum de auctoritate delegata agatur, hoc variantes, ut pro iure suo, dicatur iure sibi commissio à tali, vel tali &c. in quo auctoritas existit ordinaria. Probatatem nunc explicemus.

## C A P. V.

*Quo requiratur virtus in Ecclesiasticis Magistratibus.*

1. ad Tit. 1.  
ad Tim. 3.



**E**CCLESIASTICI pastoris vita ea est ratione instituenda, ut omnibus officiorum muneribus absoluta, atque perfecta, nullis reprehensionibus sit obnoxia. Quod quidem Apostolus docuit, ad Titum, & Timotheum scribens: Oportet Episcopum irreprehensibilem esse. Sed ut latius in hac causa versemur, varias afferamus sententias oportet. Putant enim nonnulli, satis esse, ut quisque pastoris egregie munera præstet, si ijs virtutibus animus eius excolatur, quibus fideles omnes præditos esse opus est. Nam Apostolus, quæ vitanda esse Episcopis vitia præscribit, omnibus sunt fidelibus fugienda; & quas colendas virtutes pastoribus inculcat, eas quoque ceteris persequendas constituit. Quocirca & D. Chrysostomus verba Apostoli explicans idipsum aptissime docet: Qui ignorat rectam, sanamq; doctrinam, ut oportuerit, tradere, longe à Sede Episcopali arceatur; nam alia quidem & in subditis inuenire facile est, puta, esse sine crimine, filios.



filios habere subiectos, hospitem esse, iustum, & sanctum, &c. ceterum hoc est, quod maxime Doctore exprimit; scilicet, verbis instruere, & confutare aduersarios, cuius rei nullam ferme nunc curam haberi videmus, atque ingemiscimus. haecenus ille. Quidam verò in ea sunt sententia, ut asserant, multum interesse inter eas virtutes, quibus esse præditos Ecclesiæ magistratus necesse est, & eas, quas ceteros sequi oportet. Ait enim D. Gregorius: Tanto debet populi actionem actio transcendere Præsulis, quāto distare solet à grege vita pastoris. Eo pertinet, quod ab ijs etiā, qui religionis se vinculis astrinxere, exigitur, ut ad perfectionem dumtaxat pergant: Episcopi vero in perfectionis statu constituti sunt, ideoque selectis fidelium generibus, hoc est religiosis, virtute præstantiores esse oportet. Quis enim ignorat excellentiorem Ducis esse virtutem, quā militis? & pastoris, quā pecudum? Sed ut eos ad consensionem reuocemus; statuo cuiusque rei perfectionem in eo positam esse, ut suo principio copuletur; hoc autem ipsius rei actio præstat, qua sibi quisque proprium finem consequitur; idem autem semper finis est, atque principium: nihil verò abest ab eo, quod suo, proprioque sine potitur, itaque perfectum est; ac propterea in consecutione finis rerum perfectio, & absolutio cernitur. Hæc autem duplex est, una, quæ ad rei naturam, essentiamque pertinet, id est ea, sine qua comparari finis omnino non possit; altera, sine qua omnino possit, commode tamen, ac ita facile non possit. Ac perfectio quidem Christiana ad eius pertinens vim, & naturam, præceptorum Dei cultu continetur: quare Dominus: Si vis ad vitam ingredi, serua mandata. Altera vero, quæ in faciliiori finis ademptione cernitur, in Christi Domini consilijs seruandis constituta est. Quocirca adolescēti euangelico dictum fuit, si vis perfectus esse, &c. Siquidē istis ea, quæ Christianæ perfectioni obstat quoquo pacto videntur, remouentur, carnis voluptas, illecebræque, continentia: sensus proprius, ac pertinax obediētia; opum, ac honoris sollicita cupiditas; paupertate ad æternitatem igitur explicatus est cursus studio diuinorum præceptorum, & maxime expeditus, ac liber, seruato consiliorum euangelico-

Matth. 19.

Ibidem.

rum officio. Pastorum igitur ecclesiasticorum vitæ ratio in perfectione sita est, primum essentiali (vt loquuntur) quæ quidem omnibus est, qui nomen Christo dederunt, communis, ac sine qua quisquis magistratum ecclesiasticum inierit, parum abest, quin mortifera noxa teneatur. Deinde accidentalid est, contentia ex sacerdotij ratione, obedientia, quam in sua consecratione summo promittit Pontifici: paupertate, hoc sensu, vt omnia referat in Deum, non autem quod omnino opû dominium à se abdicet: multum enim interest inter eam perfectionem, ad quam religiosi ex voto progredi tenentur, & eam, in qua constituti sunt Episcopi: isti perficientes, illi perficiendi sunt. Quântum igitur differt ab actione permissio, tantum est discriminis eius, quæ in Episcopo constituitur perfectio, & in ceteris. Cum verò longe sit semper agens patiente præstantius, excellentior quoque in Episcopo, vtraque perfectio esse debet. Quamobrem

*Conciliatio* consentiant inter se duæ illæ sententiæ: necesse est, quoniam vtraque perfectione Episcopos elucere, vt ceteros, oportet, idq; primo loco constitutæ auctoritates egregie cõcludant, verumtamen ratio, ac gradus ipsorum, atque ceterorum longe dispar, ideoq; fere non eadem recti officij perfectione sunt præditi. Vt enim probi viri, ac ciuis officio quis fungitur, si moralium virtutum præclara actione eluceat: Principis autem munus digne haud præstabit, si heroica præterea virtute non excellat: ita Christiani, ac religiosi hominis præclara ratio constat, diuinis præceptionibus, & consilij seruatis; sed excellentior modus, ac ratio in Episcopo desiderantur. Nam vt heroica virtus præstantia est ciuiliū virtutum, ita Episcopalis probitas est excellentia Christiani. Cum enim ex omni hominum genere nullum ad Dei similitudinem propius accedat, atque ij, qui publicos magistratus, ac potissimum Ecclesiæ gerunt, quoniam

*Exod. 22.* dij sacris in litteris appellantur, eoque pertinet illud: *Dij non detrahes* (non licere scilicet maledictis insectari eos, qui imperandi auctoritate pollent, quæ sane proprie in Deum cadit) necesse est eos non qualibet officij recti perfectione excellere, sed propemodum diuina. Erigit se virtus heroica (vt Arist. docet,

cet) vt non tantum suos animi turbidos motus regat, sed etiam  
 placidissime componat, ad præstantioremq; finē ducat. Efficit  
 se Episcopalis virtus, vt nō modo suos rationi aduersos motus  
 moderetur, ac sedet, quin subiectorum quoque mores ad diui-  
 nam legem honestatis, ac pietatis conformet, ad æternitatemq;  
 eorum animos incitet. Hinc charitas, qua incensi Episcoporu  
 animi esse debent, nō quolibet gradu feruere præscribitur, sed  
 summo, ac singulari; quippe quæ requirit, vt tantus sit pastoris  
 ardor, vt necem quoque subire non vereatur, ne gregis suæ fi-  
 dei crediti cladem aliquam lupi moliantur. Nulla verò chari-  
 tatis actio tanta est, vt contendere cum ea possit, qua quisque  
 mortem substat, vt gregem suum tueatur. Maiorem hac dise-  
 ctionem (ait Dominus) nemo habet, vt animam suam ponat  
 quis pro amicis suis. ideoque hanc à Petro Dominus exegit  
 dicens: Petre amas me? nimirum quod pastoris munus illi com-  
 mittendum prorsus non est, cuius animus singulari charitate  
 non ardeat. Vinculum enim sanæ perfectionis esse à D. Apo-  
 stolo statuitur, quoniam nullo sunt vsui absque illa virtutes  
 ceteræ, quæ animum perficere videntur; neque ad optimum,  
 ac summum bonum quidquam conferunt; sed dissipatæ, ac dis-  
 solutæ, vacantesq; omni robore iacent, vt B. Anselmus eo lo-  
 co differit. Hac igitur primum virtute diuina, ne dum heroica,  
 quoniam à Deo tribuitur, in Deo versatur, ad Deum diuino  
 modo refertur, ac diuinos effecit, præditos ecclesiasticos esse  
 magistratus opus est. Quòd longe maior in eis virtus desidera-  
 tur, quam quanta pleriq; præditi sunt. Quocirca D. Chryso-  
 st. in c. 3. Epistolæ 1. ad Tim. ait sic: Qui regendos alios suscipit,  
 tanta decet gloria virtutis excellere, vt instar solis cete-  
 ros, velut stellarum igniculos in suo fulgure obscu-  
 ret; atque huc pertinere postremæ rationes  
 videntur, itaque nulla reliqua est  
 dissensio.

10. 10.

Ibidem.

ad Colof. 3.



LIBER

## Liber Quartus.

## CAP. I.

*De ceteris Ecclesiastici Magistratus virtutibus.*



**Q**U<sup>IA</sup> virili, ac forti ratione conclusum est, eandem esse Ecclesiastici magistratus virtutem, atque ceterorum, modum, ac rationem non eandem; quodque præstanti, omninoque, singulari charitate eum excellere oportet; modo reliqua virtutis officia persequamur, sine quibus munus eiusdem præclare constare nullo modo potest. docet Apostolus, Episcopum, siue dicas ecclesiasticum magistratum, *ad Hebr. 7.* sanctitate præditum esse debere. Talis (ait) decebat, ut nobis esset Pontifex, sanctus, innocens, impollutus, segregatus à peccatoribus, &c. Sanctitas autem virtus est religionis eximia, quæ mentem nostram ab omni de diuinis prauo sensu liberam, ac voluntatem omni vitiorum labe purgatam, castam, & sine macula Deo offert, easque, & vires earum omnes illi consecrat. Itaque munus eius, ut sancti, in primis est, recte, & catholice de Deo, ijsque rebus, quæ ad eum pertinent, sentire, sanctorum Patrum, Romanæque Ecclesiæ decreta complecti, ac tueri, nullis rebus nouis, etiam religionis, ac pietatis specie vestitis studere, *1. Tim. 5.* amplecti; (ut Apostoli verbis præscribitur) sermonem fidelæ, qui est secundum doctrinam profectum maiorum nostrorum. Nulla igitur in eo hæresis, quin ne leuis quidem eiusdem suspicio hæreat. Altera functio in voluntate sita est, illisque tribus vocabulis declaratur, Innocens, quoniam nullum debet proximo detrimentum inferre, aut exultationis, aut personæ, aut rerum. Impollutus, quod nullis prauæ voluptatis, ac vitij sordibus seipsum deturpet. Segregatus à peccatoribus, qui quidem ab omni prauorum, ac perditorum hominum, atque adeo assentatorum, mulierum, adolescentulorum conuictu, consuetudine, familiaritate abhorreat, ne offediculum subiectis pareat.

Si

Si enim domū Caesaris non crimine solum, sed eius suspitione carere debere dictum est, quid domus Episcoporum? Reliquæ sunt duæ sanctitatis præclarissimæ soboles, oratio, & deuotio, quarum altera in Dei familiaritatem, atque amplexus inducit, subiectisq; opem salutarem diuinam procurat. Altera animum suauis quadam, ac ferè incredibili iucunditate complens, ipsum promptum, & alacrem reddit ad omnia, quæ Dei cultus requirit. Hanc igitur sanctitatem, siue religionem tam præclaram virtutem præstantissima ratione Episcopos, ceterosque Præpositos complecti necesse est. Quare D. Bernardus, pascere exemplo conuersationis, verbo prædicationis, fructu orationis, maior horum est oratio. Atque ob eam rem sequitur: & excelsior cælis factus. Quia Pontifex Christus cælum conscendens, pro grege suo interpellat. Alia virtus, qua ipsos florere oportet, humilitas est Christiana, siue quod fere idem, modestia, sacris oraculis attestantibus: Rectorem te posuerunt? noli extolli, sed esto inter illos, quasi vnus ex illis. Hæc autem animi est demissio, modeste, & summis de se, suisq; rebus sententis, in Deumq; omnia referentis; ita vt hic summissus humilisq; sensus, in incessu quoque, in aspectu, in gestu, in sermone, in vestitu, in congressu, in esculentis, & poculentis, in famulis, & aulicis, ceteraq; alia suppellectili, ac re externa eluceat. Verum tamen caueat, ne humilitatis specie deceptus id complectatur extremum, vt fordidus, & abiectus incedat, quin potius summo opere modum, ac decorum seruet suæ dignitatis, vsum regionis, ac loci, & eorum, quæ sunt eiusdem generis, cum quibus vera humilitas profecto constat. Commendauit hanc Christus Apostolis virtutem, eiusque successoribus de Principatu contententibus. Qui maior est in vobis, fiat minor. Quare & D. Petrus Episcopus instruens ait, non dominantes in clero. Egregie autem D. Bern. ab almisico Patriarcha nostro instructus docet: Prælati prodesse magis studeant, quàm præesse. Ac de Saule legitur, cū esses paruulus in oculis tuis, caput in tribus factus es. De Dauide quoque in eandem sententiam habes, Noli respicere vultum eius, &c. quia ego abieci eum. Ratio enim inde

Eccles. 31.

Matth.

1. Pet. 5.

1. Reg. 15.

1. Reg. 16.

ab.

Luc. 14.

In Regula

1. Pet. 5.

ab initio est vetustissima in domo Dei, ut qui se humiliat, exaltet, & contra. Ac fastus quidem, & tumor, nimiusque rerum extrinsecarum splendor, ne dum animi sensus elatus, ad tyrannidem spectat, non ad patris rationem, quam præsidi ecclesiastici tueri debent. Huc pertinet, quod animorum curam gerere, res est gravissimi oneris, muneris laboriosissimi, quod sustinere vix Angeli ipsi queant: quid homines terrestri inclusi domicilio? Pater noster D. Benedictus ait: Sciat, quam difficilem, & arduam rem suscipiat, regere animas, & multorum servire moribus, nobilium, ignobilium, locupletum, inopum, peritorum, imperitorum, proborum, improborum, virginum, viduarum, senum, iuuenum; & quæ sunt eiusdem generis. & ob eam causam Nazianzenus ait: Re vera, mihi videtur esse ars artium, & disciplina disciplinarum, hominem regere, qui certe est inter omnes animantes maxime & moribus varius, & voluntate diuersus. Si igitur vix, aut ne vix quidem quisquam hominum tanti esse potest, ut per se ad eiusmodi munus digne obeundum par sit, certe diuina ope omnino opus est; ea autem nemo nisi humilis potitur: Superbis enim Deus resistit, humilibus autem dat gratiam. Humilitati ergo est summa ope Ecclesiæ prædicationis studendum. Iam vero duæ reliquæ sunt, quæ proprie Pastoris munus attingunt, lenitas, & seueritas; quoniam has, quasi habenas moderandi, regendi; subiectos tenere eos necesse est. Cum enim sint, qui & sancte viuant, officia seruent, præceptis parcant, labuntur tamen, aut errore plerumque, aut imbecillitate, ut facile resipiscant. Contra autem sint alij facinorosi, & nefarii, qui libidinibus omnia polluunt, cædibus vexant, fraudant, rapiant, peierant, maiorum, ac Dei legem negligant. Præsidem utraque pollere opus est virtute; sunt namque ita connexæ, ut altera sine altera esse nequeat. Nemo enim habens in familia probum, sed imprudenter ab honesto aberrantem, non prauitatem; ac improbum proposito malo; aut ambos lenitate complectitur, aut ambos seueritate coercet. Quod si faciet, & iniquus, & stultus est; sed probum amice, ac leniter corrigit, beneficijs, & laudibus reuocat; improbum seuerè obiurgat, poenitentiam;

nisque afficit, vt & hic exemplo ceteris sit ad non peccandum, & ille ad promerendum, vt alios metus coerceat, alios honor prouocet. Atque in hanc rem nihil potest afferri præclarior, quam quod legislator noster præscribit: In doctrina sua Abbas apostolicam debet illam semper formam seruare, qua dicit: Argue, obsecra, increpa; id est, miscens temporibus tempora, 1. Tim. 4. terroribus blandimenta, dirum magistri, pium patris ostendat In Regula affectum, id est, indisciplinatos, & inquietos debet durius arguere; obediētes autem, & mites, vt in melius proficiant, obsecrare. Itemque alium quidem blandimentis, alium verò increpationibus, alium suasionibus regat. Hinc vulneribus sauciati (vt in Euangelio narratur) prius Samaritanus vinum infudit, & oleum. Habet medicus peritus acriora, habet & leniora remedia. Ducit, & reducit oues pastor tibia, & vincto. In quam sententiam præclare docuit S. Bern. Audiāt Prælati, qui sibi commissis volunt esse formidini, vtilitati raro; discite subditorum matres vos esse debere, non dominos; studeat magis amari, quam timeri, et si interdum seueritate opus est, paterna sit, nō tyrannica; matres fouendo, patres vos corripiendo exhibeatis: mansuescite, ponite seueritatem, suspēdite verbera, producite vbera, pectora lacte pinguescant, non typo turgeant. Sed de his nimis multa à multis. Nos aliam virtutē Ecclesiasticis magistratibus apprimē necessariam ostendamus, munificentiam. Pastores sunt: igitur eam tenere formam debent, qua Deum vsum, quin & vti, & vsurum Vates cecinit: Dominus regit me, & nihil mihi deerit, &c. Turpissimum enim est, eos ita animorum Psal. 121. curam gerere, vt corpus negligant, cum pane quoque subiectos pascere astringantur. Quis enim est pater, qui filios fame necari patiatur, ac non potius, vt incolumes sint, omni ope nitatur? Hinc legimus sanctos Episcopos eam egentium, viduarū, pupillorum, monialium, ægrotorum, xenodochiorum, ceterarumq; miserabilium personarum curam suscepisse, vt singulorum nomina in codice descripta haberent, vt ferendæ opis varias rationes certò scirent. Quid enim magis est à Christiana pietate remotum, quam vt Episcopi (ait Hugo) domos non

impares Ecclesijs magnitudine cōstruāt, pictos deleatētur habere thalamos, vestiātur ibi imagines pretiosis colorū indumentis, pauper autem sine vestibus incedat, & vacuo ventre clamet ad ostium; & vt verum fatear, spoliantur pauperes sæpe, vt vestiantur lapides, & ligna, ornant prætoria columnis, fores domibus anteponunt, quæ vtinam pauperes includerent, non excluderēt. D. autem Bernardus egregiè hoc vitium perstringit, dicens: Clamat penuria pauperum, clamant nudi, clamant famelici, dicite Pontifices quid facit in freno aurum? numquid aurum à freno repellit frigus, siue esuriem? nobis fame, & frigore miserabiliter laborantibus, quid cōferunt tot mutatoria, vel extensa in perticis, vel plicata in manticis? nostrū est quod effunditis, nobis crudeliter subtrahitur, quod inaniter expēditis, & cetera quæ ibi se quuntur. Quibus vsum nimium, immoderatumq; condemnasse, intelligendum est, non decori dignitatis, ac personæ interdixisse; ideoq; canonicæ sanctiones se uere admodum constituerunt, certam fructuum ecclesiasticorum portionem miserijs egentium subleuandis, pietatisq; officijs exercendis impendendam esse. Atque de his latius deinceps agemus.

## C A P. II.

*An liceat magistratum Ecclesiasticum appetere.*



VONIAM autem & ea, quæ modo diximus, institutionis gratia dicta sunt, & de ijs controuersia agitantur; initium sumendum est ab ea questione, qua, an liceat Ecclesiasticum magistratum appetere, inter nonnullos differitur. Ac primum, qui aiunt, ita se ad disputandum comparant: Eo est appetitio honestior, ac laudabilior, quo est bonum, quod expetitur, præclarior ac perfectior; at rempublicam capeßere & gubernare maius quoddā & præstantius est bonū, præclarè enim (ait Philosophus) se res habet, si vni ciq; in sollicitudine vitam agentī

in *Ed.*  
cap. 10.



agenti consulatur; at verò si genti, & ciuitatibus, multo & pulchrius, ac diuinius: igitur non modo licet magistratum expetere, sed summa est cum virtute coniunctum, eoque magis in magistratu ecclesiastico, qui in animi perfecta curatione, æternitatisq; adeptione plena versatur. ideoque D. Apostolus appetitionem eiusmodi & bonorum numero ducit, & a studiosum bonū esse sincere censet. Fidelis (inquit) sermo. Qui Episcopatum desiderat, bonū opus desiderat. His adde, quod Romanus orator dixit: Nihil est principi Deo, qui omnem hunc mundum regit, quod quidem in terris fiat, acceptius, quàm concilia, cœtusq; hominum iure confociati, quæ Ciuitates appellantur, harum Rectores, ac Gubernatores: Diuinam vero gratiam, ac beueuolentiam conciliare sibi, atque adeo egregiam, maxime experendam esse videatur; igitur licet cuique ecclesiastica imperia expetere. Deinde obtinuius antea, Episcoporum perfectionem longe excellentiorem esse ea, quæ est religiosorum; cupiditate autem teneri vitæ ac religiosæ perfectionis tantum abest, vt vitij loco ponatur, vt eximie potius laudis, ac meriti esse existimetur: ex quo perspicuum est, Episcopatus appetitionem maximo virtutis decore dignissimam esse. Postremo, nisi imperij ecclesiastici cupiditas virtutis studio eluceret, ad eam sancti viri minime se comparassent, promptosq; exhibuissent, quippe qui illicitum omne semper auersari solent; aitque vates Isaias: Ecce ego, mitte me; paratum se ad publici magistratus obeunda munera, ac diuinam veritatem euulgandam offerens. Non ergo vitio danda est cupido Episcopatus, siue alterius magistratus ineundi, atque gerendi. Qui autem negat, auctoritate potissimum. D. Augustini nituntur, dicentis, locus superior, sine quo populus regi non potest, et si administretur, vt decet; tamen indecenter appetitur. D. autem Bern. acerrimè in eos. Vnde tantus ardor prælationis? vnde ambitionis impudentia tanta? vnde vesania præsumptionis humanæ? D. autē Ambrosius præclare dixit: Aerugo mētis est, appetentia dignitatum, itaque ambitio, fatile malum, secretum virus, pestis occulta, doli artifex, mater hypocrisis, liuoris parens, tinea san-

1. Tim. 3.

Esa. 6.

27. de Civ. m.

Et ita, ex cæcatio cordium, ex remedijs morbos creans, ex medicina languorem generans; discedit igitur à virtute plurimū cupiditas ecclesiastici magistratus. Sunt ergo vtrunque mōta paria rationum. Hinc & Epicurus (vt Seneca de beata vita, refert) dixit: Non accedat vir sapiens ad Remp. nisi aliquid interuenerit. Zeno autem asseruit, accedat sapiens ad Remp. nisi aliquid impenderit. Quamobrem duplex est ad concentus rationem distinctio afferenda: vna est rerum, quæ in magistratu insunt; altera est, finis, quem sibi homines in eo capescēdo proponunt. In magistratu primum inest præclara functio, versatur enim in actione, quæ quidem in eo quo de agimus, est Christiani populi cura. Quocirca Christus Dominus, pascē(ait) oues meas. Deinde est summus gradus, ac dignitatis præ ceteris amplitudo præclara. Fidelis (inquit) seruus, quem constituit Dominus super familiam suam. Postremò consequitur hoc munus, honor, & obseruantia, opumq; magna copia. Docet Apostolus:

*Io. 22.* Qui bene præsunt presbyteri, duplici sunt honore digni; siquidem vt magno sunt loco apud Deum, ita apud homines maximi ducuntur. Ex his perspicitur, functionem illam quidam prælati esse muneris, excellentiq; laudis merito dignissimam, ideòq; cadere sub rectam appetitionem potest, vt primo loco auctoritates, ac rationes concludebant: opulentiam verò ex eo quærere cupiditatis est sordidæ; opes enim ad subleuandam præsentis temporis necessitatem subsidio sunt, non ad animorum curam exercendam. Itaque appetitio eiusmodi peruersa est, vendicans vt finem id, quod non est finis, sed ad finem institutum est. Hos acerbè obiurgauit Christus Dominus: amant primos accubitus, &c. Idemque de honoris, & obseruantie amplitudine statuendum est. Quoniam non æquo velle iure esse cum ijs, qui natura sunt pares, vitio vertit Dominus in.

*Matt. 23.* Euangelio: Scitis quia Principes gentium dominantur eorum, vos autem non sic: sed qui maior esse inter vos voluerit, sit rāquam minister. Arrogantiæ igitur est vitium, ceteris præesse velle. Atque ad hanc rationem referenda sunt vltimo loco testimonia, & argumenta conclusa. Sed rem hanc totam egregie comple-

complectitur præclarus Doctor Hugo cum dicit: Sunt quidã, qui sciunt, & possunt, & volunt præesse. Quidam qui sciunt, & possunt, nec volunt. Quidam, qui nec sciunt, nec possunt, sed volunt. Quidam nec sciunt, nec possunt, nec volunt. Scire, posse, & velle, charitatis est, vel superbix. Scire, posse, & nolle, humilitatis est, vel inertix. Nec scire, nec posse, sed velle cupiditatis est, & stultitix. Nec scire, nec posse, nec velle discretionis est, & providentiæ. Qui enim sciunt, & possunt, & volunt præesse, si velint prodesse, charitatis est, & providentiæ, alioquin superbix. Qui sciunt, possunt, & nolunt, humilitatis, quod renuunt; inertix vero cum sciant, quod omnino desistant. Qui autem nec sciunt, nec possunt, sed volunt, cupiditatis videtur, quod volunt; stultitix si velint; quod nec sciunt, nec possunt, nec volunt, prudenter agunt. Summa ergo discretio est: nolle quod non potes, fugere quod nescis. Quamobrem perspicui ex his potest, vitio ne an virtuti adscribi eiusmodi appetitio debeat. Sequitur ea disputatio, qua in ambiguo ponitur, sitne plerumq; mortiferum peccatum? Quæ tamen brevibus ita absolui potest. Id quod potissimum in exitialis criminis constituenda ratione spectandum est, animi est propositum. Nam ut erudite, ac pie admodum docet D. Bern. si eo quærit, aut tenet animo, ecque intuitu, ut huic vitæ habeat necessaria, euangelizet, ut manducet, & pernicioso nimis ordine cælestibus terrena mereatur. Et paulò post: Vniuersos si quidem in ordinibus ecclesiasticos, ceterisq; ad sanctuarium pertinetibus honorem quærentes proprium, aut diuitias, seu corporis voluprâtes, postremo quæ sua sunt, non quæ Iesu Christi, manifeste prorsus, & indubitanter non ea, quæ Deus est, charitas, sed aliena à Deo, & omnium radix malorum cupiditas introduxit. Peruersio autem diuinitis instituti ordinis, violatio diuinæ charitatis, mortiferum peccatum est. Huc Cent. 1. quoque spectat quod mox adiungit: Sponsa nec cubiculum, nec cellam ingredi, nisi Rege introducente præsumit: tu irreuerenter irruis, nec vocatus, nec introductus; trahe me post te (ait illa) curremus in odorem vnguentorum tuorum; nunc au-

tem

In Episto-  
la ad Hen-  
ricum se-  
non. Epi-  
scop.

tem trahit sua quemque voluptas, & odorem turpis lucri se-  
ctantes, quæstum existimant pietatem, quorum damnatio  
iuxta est; damnatio autem sine exitiali noxa nõ inferitur. Ho-  
norem igitur, sicut opes sibi potissimum in Ecclesiastico ma-  
gistratu proponere, in ijsq; finem constituere, manifestum,  
proculdubio peccatum est; sed si, vt idem ex sanctissimi Pa-  
triarchæ Benedicţi doctrina asserit, Dei honorem, & proxi-  
morum salutē tantū, aut præcipue quis expectat, aut vtrumque,  
studens magis prodesse, quam præesse, hoc agens implebit  
non solum officium Pontificis, sed etymologiam nominis,  
pontem vtique faciens inter Deum, & proximum, & c. Curā-  
dum tamen est, ne leuiter, & imprudenter magistratus expe-  
tatur, tametsi quis prodesse potius, quàm præesse proponit, si  
quidem arrogantia, ac temeritatis vitium esse videatur, tam  
ardux prouincia, quemquam se parem arbitrari: vt etsi mor-  
tifera noxa absit, culpa profectò non absit, quod succumben-  
di periculo se exponit. Atque ad hanc rationem pertinere cõ-  
sensus est, quod D. Bern. docet: Considero gradum, & casum  
vereor: cõsidero fastigium dignitatis, & intueor faciem abyssi  
iacentis deorsum: attendo celsitudinem honoris, & è vici-  
no formido periculū. Ac postremo D. Gregorius docet: Quis-  
quis non ad elationis culpam, sed ad vtilitatem id ipsum de-  
siderat, prius vires suas cum eo quidem subiturus onere me-  
tiatur, & vt impar abstineat, & ad id cum metu, cui se suffice-  
re existimat, accedat.

### C A P. III.

*An liceat recusare.*

de Anq.



STO, nemini licere magistratum in Ecclesia,  
aut propria auctoritate vendicare, aut arrogan-  
ti ambitione expetere; numquid fas est, imposi-  
tum, aut delatum ab alijs munus recusare? Non  
desunt qui affirmant. Nam amor aduersus Deū  
præsta-

præstabilior est amore proximi, præstabiliora autem semper præferenda sunt: cum igitur contemplatio in Dei veretur amore, actio aut, ac præsertim Ecclesiastici magistratus in proximi salute curanda cernatur, perspicuum est licere seipsum in diuinorum contemplationem abdere, commissumque præsidis munus, ac functionem repudiare, quippe cum maioris & tranquillitatis, & meriti contemplatio esse videatur. Quocirca Christus Dominus: Maria (ait) optimam partem elegit. Huc etiam illud D. Hieronymi afferri solet, quod D. Marcus, ne ad sacerdotiū adscisceretur, præcidisse sibi pollicem fertur: Ex quibus perspicui potest, fas esse utique, demadatum Ecclesiasticum magistratum reiicere. Id autē plerique, ac ferre omnes negant, testimonio D. Hieron. asserentis, si dilectionis testimonium est cura pastoralis, quisquis virtutibus polens gregem Domini pascere renuit, Summum Pastorem cōvincitur nō amare. Itemque sicut toto desiderio debemus occupationē fugere, ita si desit, qui præsideat, occupationis onus libenti necesse est animo subire: fas autem non est recusare, quod diuina dilectio exigit, quod necessitas charitatis imponit. Quamobrem aditum ad hanc veritatem D. Bernardus aperuisse videri potest, cum ait: Optimam partem elegit Maria, licet non minoris fortasse sit meriti apud Deum humilis conuersario Marthæ; sed de electione Maria laudatur, quoniā illa quidem omnino quod ad nos spectat eligēda, hæc vero si iniungatur, patienter toleranda. Sed tamē accuratius in eius explicatione versandum est. Ac primum recusatio magistratus, aut proprii consilij tantum pertinacia suscipitur, quod alieno se imperij duci non patitur, & vitium est pernicacis, inobedientiæ, aut laboris grauioris molestia, quam magistratus administratio affert, & peccatū est turpis inertie: Itaque utrumque culpa, & quidem non leui animum polluit. Aut demum ex eo, quod minus se idoneum ad eam functionem existimat, atque huius postremi delectus maximus habendus. Etenim cum ex D. Paulo, omnis potestas à Deo sit, & qui resistit potestati, Dei ordinationi resistit: pertinax illa recusatio mort-

10. 10.

ad Rom. 13

tradat, aut vitam doctrina deficiat, aut doctrinam præsumptio extollat; virtutibus pollens, coactus ad regimen veniat, virtutibus vacuus, nec coactus accedat. Ex quibus perspicitur, quàm apte inter se auctores consentiant. Nam & sua curare, diuinisq; contemplandis, otium sequi, nisi quid obftet, cuique integrum est; cum vtro maioris imperij accedit, dicto obediens esse oportet, commissum quo publicæ administrationis munus & suscipere, & obire. Vt enim sit contemplationis otium actione tranquillius, non autem præstantioris meritis, quoniam Dei quis amore incensus, suauissimi otij detrimentum facit, administrationisq; molestissimæ onus subit. Quapropter D. Berni dixit, optimam partem elegit sibi Maria, licet non minoris fortasse meriti sit apud Deum humilis conuersatio Marthæ. Quod quidem latius alibi profecutur, dicens: Fratres, reueremur Episcopos, sed vereamur labores eorum: si labores pensamus, non affectamus honores; agnoscamus impares vires nostras, non delectet molles, & femineos humeros virorum supponere sarcinis: nec obseruemus eos, sed honoremus, inhumane nempe eorum redarguis opera, quorum onera refugis; temerariè obiurgat virum de prælio reuertentem mulier nens in domo. Dico enim, si is, qui de claustro est, eum, qui versatur in populo, interdum minus districte, minusue circumspecte sese agere deprehendit, v. g. in verbo, in cibo, in somno, in risu, in ira, in iudicio: non ad iudicandum statim profiliat, sed meminerit scripturæ: Melior est Eccl. 41. iniquitas viri, quam benefaciens mulier. Nam tu quidem in tua custodia vigilans benefacis, sed qui iuuat multos, & melius facit, & virilius. Quod si implere non sufficit absque aliqua iniquitate, id est, absque quadam inæqualitate vitæ, & conuersationis suæ, memento quia charitas operit multitudinem peccatorum. Itaque nihil ad hanc controuersiam accommodatius afferri potest, quam quod D. Augustinus asserit. Otium sanctum quærit charitas, negotium iustum suscipit necessitas charitatis; quam sarcinam si nullus imponit, percipiendæ, atque intuentæ vacandum est veritati. Si autem imponi-

Super cāt.

tur, suscipienda est propter charitatis necessitatem; sed nec omni modo veritatis delectatio deferenda est, ne subtrahatur ista suauitas, & opprimat ista necessitas. hæcenus isti. Quocirca nubium speciem volantium præferre Ecclesiastici Pastores debent; scilicet rerum diuinarum contemplationem continere, quam euulgando, subiectorum animos ad pietatem, & honestatem fecundent. Quod autem de Marco legitur, si gestum est, sancti Spiritus afflatu gestum esse existimandum est. Itaque ad aliorum exemplum proponi non decet. Ac de his, quæ ad auctoritatem pertinent, nihil præterea requirendum esse videtur.



## CAP. I.

*Quod dilectionem habere debent.*

V. I. recte de magistratibus tractauere, tria in  
 ijs, vt præclare munus suum præsent, deside-  
 randa esse docuerunt; vt velint, vt sciant, vt  
 possint recte magistratum sibi demandatum  
 administrare. Quocirca Arist. ait: Tria qui-  
 dem præcepta trahere debent ijs, qui summos  
 magistratus gesturi sunt. Primum, vt charam habeant Remp.  
 deinde vt maximam habeant munerum magistratus potesta-  
 tem; tertium, vt in vnaquaque Rep. præditi sint virtute, ac iu-  
 stitia ea, quæ ad Remp. accommodata sit. Itaque vt ad nostra  
 veniamus, auctoritas, ac potestas tribuit posse, charitas velle,  
 virtus scire: sed quoniam de potestate satis superiori libri actum  
 est, de charitate, qua quis saluam esse Remp. velit, modo aga-  
 mus. Ac primum quaerunt, an is ad Ecclesiasticæ Reip. admi-  
 nistrationem deligendus est, qui ceteris sit melior? Quia verò  
 charitas, qua quisque (vt theologice, atque adeo vere loqua-  
 mur) bonus est, communis est omnium, sed excellenti cum  
 gradu est eorum propria, qui oues Christi curandas suscepe-  
 runt; iam verò, quod huius beneficio melior quisque efficitur:  
 ideo ad charitatis rationem, ac modum quaestio reuocanda,  
 esse videtur, vt is potius deligendus, ac præficiendus sit, qui  
 ceteros charitatis virtute antecellit. Atque huc pertinere vi-  
 detur, quod Dominus noster, cum Petro Ecclesiæ magistratū  
 demandare institueret, an se diligeret, & præ alijs, interroga-  
 uit. Adde, quod in ordine quoque naturæ præferenda esse  
 præstantiora infimis, illisque præsidere, perspicitur, cælum  
 elementis, cetera elementa terræ. Ait enim Philosophus: Vt  
 mundus orbibus cælestibus continens sit, quodammodo ne-  
 cesse est, vt ab illis omnis eius vis administretur, & regatur.

Io. 10.

1. Metheo.

K 2 Melior



Melior ergo, ac præstantior in ijs, quæ sunt gratiæ munere constituta, ad præsidendum deligendus est. Sed enim quemquam esse alio meliorem bipartito intelligi potest, vel simpliciter & omnino, vel comparate. Quoniam autem Ecclesiasticus magistratus ad administrandam rem publicam Christianam ut ad finem refertur; bonitas non simpliciter & omnino, sed comparate requirenda esse videatur, id est, ut ea sit, quæ ad egregie hunc finem consequendum accommodatior sit, & aptior: semper enim eorum, quæ ad finem pertinent, ratio ex fine ducenda est. Ut enim in vnaquaque facultate non melior omnino, ac simpliciter eligitur, sed qui præclare suo possit munere fungi: in medicina probus medicus; in musica probus musicus; in pictura probus pictor, non vir probus: ita, in Ecclesiastica Repub. administranda, non qui probitate simpliciter præstat, sed qui ad eam gerendam est paratior, & instructior. Quocirca & Philosophus non eandem esse virtutem viri probi, ac Principis statuit. In litteris autem sacris idem perspicuum est, Nam D. Paulus non simpliciter probos presbyteros duplici esse honore dignos asserit, sed qui (ait) bene præfunt, ad muneris certe Episcopalis functionem, præclaram Episcoporum probitatem referens. Idem colligitur cum asserit; Deum alios constituisse Pastores, & Doctores ad ædificationem Ecclesiæ. Itaque probitatis rationem ad Ecclesiæ egregiam administrationem, & ædificationem pertinere, necesse est. Ac D. Bern. ait: Non eiusdem est meriti, vniusque virtutis, socialiter vivere, & utiliter præesse. Quapropter & almicus monachorum legislator in electione eiusmodi sancivit: Senior talis deputeretur, qui aptus sit ad lucrandas animas. Concludit autem admodum eleganter hanc rem totam D. Ambrosius, dicens: Sicut senatoris chlamys ornat, sicut agricultura rusticum, sicut barbarum arma, sicut nautam navigationis periculum, & singulos quosque opifices operis sui qualitas ipsos demonstrat actores; ita Episcopum, non nisi Episcopalis actio designat: munere igitur suo præclare fungendo Episcopi probitas potissimum continetur. Cum autem electio in comparatione

1. ad Tim.  
1.

Ephes. 3.

tione cernatur, vt multis inter se collatis, vnus, posthabitis  
 alijs, deligatur: comparatio non simpliciter cuiusque probi-  
 tatis facienda est, sed eius, quæ ad digne impositum munus  
 obeundum maxime valet. Ex quibus perspicui licet, meliorem  
 ad muneris functionem eligendum esse, meritis cuiusque ma-  
 ture ponderatis: neque id leuiter, sed accurate esse faciendū  
 præscribitur, si carere culpa elector velit. Quamobrem con-  
 cludimus, eligentem graui se noxa, ac plerumque mortifera,  
 obstringere, nisi non modo probum, hoc est, lethali peccato  
 vacantem, sed accurate quoque adhibita meritorum perscru-  
 tatione, meliorem præ ceteris ad id muneris fungendum deli-  
 gat; alioquin vitio, ac sæpius lethali subiacet acceptionis per-  
 sonarum; & omnia, quæ ex eo nascuntur detrimenta, refarcire  
 tenetur. Electus autem arrogantiae vitio laboraret, si se cete-  
 ris præstantiorem duceret: satis est, si crimine, id est, exitialis  
 peccati expertem se (vt humana imbecillitas permittit) no-  
 scat: id enim D. Paulus postulabat: Oportet Episcopum sine  
 crimine esse. Quis vero sit huius præstantiæ modus, facile ex  
 officijs intelligi potest: sunt enim eius officia tria. Primum est,  
 subiectum populum fidei, ac pietatis, honestatisq; rationibus  
 imbui; alterum, eundem ab omnibus hæreticorum, ac alio-  
 rum fidem, moreq; deprauantium periculis tueri. Tertium est,  
 ita munus demandatum gerere, vt pax, ac tranquillitas, & ani-  
 morum, & corporum consequatur. Quisquis igitur hæc aptius,  
 accommodatiusq; præstare poterit, is melior, ac præstantior  
 existimari debet. Nemo vero est, qui ab hac dissentiat senten-  
 tia; quoniam vt charitatis virtus maxime sit ad pastorem digne  
 obeundum munus necessaria, ac sine qua nefas est Eccle-  
 siasticum inire magistratum, tamen aptiores quoque oportet  
 vt adsint rationes, quas in D. Petro minime desiderandas es-  
 se Christus Dominus exploratum habebat; ideoque ipsum  
 de sola dilectione rogauit. Quæ in administratione Ecclesia-  
 stici magistratus requiritur, tamen si in aliquo sit præcisa qua-  
 dam ratione, modo aptiores, & accommodatiores conditio-  
 nes in eodem reperiuntur, is præferendus est. Denique alius  
 est

ad Tit. 1.

Solutiones  
rationum.

3 Cor. I.

est naturæ ordo atque gratiæ. Natura enim comparatum est, quod ut præstantiora infimis præstant, ita & præsideant; cælestes orbes elementis; elementa terræ: gratiæ autem munus libera Dei benignitate tribuitur, teste D. Apostolo: Diuidit cuique prout vult; ideoque utcumque quis charitatis virtute superetur, si tamen ceteris accommodatis ad finem rationibus præstet, diuino iure is magis deligendus est, quoniam Ecclesiasticæ Reip. maius afferre adiumentum potest. Cetera persequamur.

## CAP. II.

*An liceat impositum magistratum deferere.*



VAERI solet, an licet publico Ecclesiastico Magistratu abiecto, ad priuatæ vitæ rationem ac religiosam quemquam se conferre. Putant quidam licere, quoniam tota vis probitatis nostræ in eo posita est, ut quam maxime fieri potest, ad Dei similitudinem propius accedamus; Dei autem præstans beatitudine actio (ait Philosophus) in cognitione, & contemplatione consistit; ergo & hominū actio, ut quæque ad hanc proxime accedit, ita est præstantissima; quia in ea elucet quoddam diuinæ actionis exemplar. Magistratus autē publici, etiam Ecclesiastici administratio, in actione versatur, non in contemplatione: fas igitur erit, ea posthabita, priuatæ vitæ se dedere. Huc accedit, viros sanctissimos, quique diuini numinis afflatu ducebantur, sæpius id ipsum vsurpasse: Sanctus Brunus Signinus Episcopus eo munere abdicato, in sacrum Casinum se abdidit. ac monachi, & Abbatis Casinensis officio functus est. Sanctus Petrus monachus primum sacri Cœnobij Cauensis, deinde Policastrēsis ecclesiæ Episcopus creatus, triennium eius magistratus partes sustinuit: verum tamē officium molestiis implicatū iniquo animo ferens, ac se à contemplandi studio auocatum grauiter dolens, Episcopi loco, ac di-

ac dignitate deposita, iterum se in Cauensem solitudinem contulit, ac diuinis rebus totum mancipauit, Abbatisque tandem munus egregie per annos quadraginta gessit, rerum gestarum amplitudine absolutissimus, pietatis, ac honestatis studijs præstantissimus, miraculorum diuinorum actione præclarissimus; tantumque abest, vt vitio hoc datum fuerit, vt præclaro potius vsi consilio esse videantur. Demum, si id culpa esset, canonicæ sanctiones minime compelleret plerosque, dimisso Episcopali munere, se in monachorum collegium abdere. De renuntia. cap. Quidam. Ac nonnulli rem contrarijs rationibus exagitant, asserentes, non licere cuiquā ex præstantiori vitæ ratione, ac meriti maioris abire in abiectionem, ac meriti minoris. Quocirca Dñs. Nemo mittens manū suā ad aratrum, & respiciens retro, aptus est regno Dei. Quis aut negare ausit, Episcopi statū vita religiosa, ac priuata longe præstare? quippe qui alios perficiendi munus sustineat. Itaque perspicuum est, non licere Episcopo ad priuatum, & religiosum vitæ statum se conferre: quin, vt nefarium est monacho, cultu, & professione religionis abiecta ad sæculum demigrare, vt ad vomitum; ita fere Præsidi Ecclesiastico, sua functione dimissa, in religionem se abdere. Præterea à sapientibus usurpatum est, Deum, ac naturam nihil frustra, ac sine causa facere; atqui si integrum, ac decens Præsidi Ecclesiastico esset, atque adeo Episcopo, abdicare se magistratu, priuatumque vitæ institutū sumere; quorsum potestas ordines conferendi, chrismata conficiendi, ceteræque eius generis functiones, ac character, quorum sunt perpetua ratione insigniti? sublato enim vsu, frustra, ac sine causa diuina hæc munera iacerent, quod est absurdum. Nefas ergo existimant à publico Episcopi, & Ecclesiastici magistratus munere quemquam abire. ita isti. Sed nos optime ipsos inter se conuenire arbitramur, si varia controuersiarum momenta accurate expendamus. Ac primū, cuiusque Pontificis, ac Religiosi status in perfectione situs est, sed non eodem modo. Nam Ecclesiastici magistratus dignitas perfectionem postulat iam acquisitam, & confirmatam, est enim nihil.

Lucæ 9.

nihil aliud, quam spirituale magisterium: siquidem præsen-  
 tes Ecclesiastici, successores sunt Apostolorum. Nam Aposto-  
 1. Cor. 9. lus de se ipso: Sum (inquit) ego prædicator, & Apostolus, &  
 Doctor, magister gentium in fide, & veritate. Nemo aut per-  
 2. de Ani- astruit Philosophus, tunc vnumquodq; perfectum est, cum sui  
 ma. simile gignere potest: ita nec Philosophiā docere, nec vllam  
 artem etiam sordidam, qui eam ipse non tenuerit, potest. At  
 Religionis status non exigit perfectionem; sed inducit: est  
 enim quasi schola, in qua perfectio tū aliorum doctrina, tum  
 propria exercitatione paulatim comparatur. Quocirca recte  
 à Theologis docetur; alterum esse statū perfectionis adeptæ,  
 alterum adipiscendæ; in quo ipso nemo cogatur, vt statim sit  
 perfectus, sed satis est, vt aspiret, idque studeat, vt paulatim  
 fiat; ideoque Præsidis ecclesiastici functio in eo posita est, vt  
 populum suæ fidei creditum, veræ pietatis, & honestatis offi-  
 cijs excolat, ad æternitatemque ducat, idque egregie præsta-  
 re voto obedientiæ, quo ex diuina charitate, Deo, ne dum  
 Pontifici maximo se obstringit, ac perpetuo quodā vinculo,  
 annuliq; signo, Ecclesiæ vt sponsæ copulatur. Ex quibus per-  
 spicuum est; nefarium esse semel Deo nuncupatum votum,  
 violare, suoque arbitratu diuortium ab ea facere, quam Deus  
 sibi despondit. Quocirca D. Apostolus animi pendens, quid  
 ad Phil. 5. potius deligeret, an ne vt in cælestes oras, diuina visione fruitu-  
 rus euolaret; an ne vt hac rerum exigua luce contineatur, ad  
 commoda fidelium Christi curanda: præclarius secum agi,  
 immo magis necessariū existimauit, carnis sarcinam ferre, ne  
 ouium Christi aliquam iacturam faceret. ideoq; dixit: Et hoc  
 confidens scio, quia manebo. Nulla igitur incommodorum  
 vis, nulla commodorum ratio, atque adeo neque diuini nu-  
 minis contemplatio tanti esse potest, vt semel commissum le-  
 gitime Pastoris officium abijciatur: cum D. Paulus, neque ce-  
 lerem in cælum profectionem, qua nihil melius, nihil præsta-  
 bilius in rebus humanis excogitari potest, iustam causam  
 Apostolicum munus dimittendi censuit. & Christus Domi-  
 nus

nus etiam vitæ, ne dum qualiscumq; commodi iacturam pro  
eisdem esse faciendam præscripsit. Rata hæc, & firma esse am-  
bigi non potest. Sed præterea feret plerumq; casus, vt abeun-  
dum magistratu ecclesiastico sit, neque quidquam cum diui-  
na præceptione pugnans efficietur. Id vero vel ex parte præ-  
sidis, vel ex parte subiectorum esse potest. Et præses quidem,  
aut intrinseco quodam impedimento tenetur, aut extrinseco;  
& vtrumque aut superari potest, aut secus. Intrinsecum impe-  
dimentum est, aut in ratione, ac mente, vt ignorantia, impru-  
dentiaq; aut in facultate expetente, vt magna vitiorū lues,  
infamiamq; consequens: extrinsecum vero est, vel imbecilla  
senectus, vel corporis grauis ægrotatio. Atque in his omnibus  
ea est norma seruanda, vt si hæc ipsa, & eorū singula quæque  
adeo obstant, vt remoueri omnino non possint, quod probe-  
quis suo fungi munere possit, illico abdicare se magistratu  
proorsu teneatur; quippe cum eo sit ecclesiastici magistratus  
omnis ratio referenda, vt recta animorum curatio, & admi-  
nistratio consequatur. Si autem aut maioris auctoritate, aut  
proprio consilio, & industria amoueri, quod obstat, potest, ob-  
stringitur nihil prætermittere, omniaque agere, vt impedimē-  
tum tollatur. Illud autem in hac re magnopere animaduerti  
velim, vt non quoduis impedimentum satis esse existimetur  
ad Ecclesiastici muneris abdicationem, sed tale esse debet, vt  
obstet, neque sua, aliorumve diligentia id superari possit. Do-  
centur ista cap. nisi cum pridem. de renunt. & eodem cap. lit-  
teras. ibique de singulis quibusque cauetur. Inde q; quæ huic  
sunt loco necessaria cuiq; petere licebit. At ex subiectorum  
parte impedimentum subest, cum tanta, ac talis sit eorum im-  
probitas, vt adhibita à præside curatio, ac susceptus in ea la-  
bor irritus sit, ac vanus; quod ea sint mentis duritie, & obsti-  
natione obfirmati, vt nulla velint ratione sœditatem desere-  
re, officium sequi; tunc etsi munus administrationis susceptæ  
abijcere nulla lege teneatur, fas tamen illi erit, animi sui tran-  
quillitati consulendo eo se abdicare. Quocirca D. Gregorius  
ibi( inquit ) æquanimiter portandi sunt mali, vbi inueniuntur

L

aliqui,

Act. 13.

De Rep.  
lib. 7.

aliqui, quò adiuuentur boni: vbi autem omnino fructus de bonis deest, fit aliquando de malis superuacuis. Vnde sapienter agitur in animo perfectorum, quod cum laborem suum sine fructu esse considerant, in locum alium cum fructu migrant, iuxta illud Pauli: Ecce conuertimur ad gētes, quia verbi Dei vos indignos fecistis. Atque hanc rationem sequuti sunt Sanctissimi viri Bruno Signinus, & Petrus Cauensis. Vt nulla certe dissentienti rario superesse videatur. Nam etsi cognoscendi, contemplandiq; studium cum animi sit tranquillitate coniunctius; amplioris tamen est fructus, & cum Dei similitudine copulatus publici magistratus, ac præsertim ecclesiastici munus. Quare Arist. ait: Maioribus laudibus ornare otium, quam actionem haud vere est, est enim beata vita actio, & ad multos, & præclaros fines iustorum, & temporatorumq; actiones pertinent. Eiusdem autem abdicatio, nec temere, nec proprio arbitrio, aut prauo ambitu fieri debet: sed vt Pontificis maximi potestate sit collatio magistratus, ita eiusdem facultate renunciatio decernatur oportet. Lator explicatio sequatur.

## CAP. III.

## De Residentia.



**N**ULLA est controuersia diuinis de rebus tam sua disputationis tempestate iactata, ac ea, quæ de Episcoporum, ceterorumque Ecclesiæ magistratuum residentia à recentioribus excitata est, vt veritatis portus difficilè teneatur. Ac de nomine quidē nulla, neque in sacris litteris, neque vetustiorum sanctorum libris mentio facta est. De re autem dignissime ratio habita. Vt autem à minimis ordiamur, nominis est primum notio aperienda, deinde ad cetera aggrediendum. Residentiæ vocabulum, non iteratam sessionem significat, sed eiusdem firmitatem, quoniam & residere, firmiter sedere est: à qua quidem significatione loci, functionis quoque.

quoque firma ratio declaratur: duorum enim potissimum residentiae nomen significationem affert; scilicet mansionis in loco, & pastoralis administrationis. Jam vero conveniunt omnes, oportere Ecclesiasticos magistratus, & egregiam sui muneris rationem habere, & locum propriae Dioecesis incolere; sed magnopere certant, possit ne vnum ab altero disiungi, ut functionis quidem ratio praeclare constet, tamen si Pastor loco non adsit; an vnum ab altero separari nequeat? Ac praeterea, si coniuncta haec duo esse necesse est, quo id caueatur iure, diuino ne, an humano? Ponit haec nostra disputatio, convenire inter se auctores, iure esse diuino cautum, ut Ecclesiae magistratus praeclare sua munera obeant; quoniam ut saepe probatum est, & ex Aristotele acceptum, officio, munere; vique id efficiendi definita sunt omnia. Itaque Episcopi, alteriusque Pastoris ratio labefactatur, si suo ipse muneri desit. Cum ergo ecclesiastici Praesides hoc sui generis vim tueantur, quod sua munera egregie praestent, perspicuum est, eodem iure constitutam & potestatem eorum, & munerum rectam administrationem. Ut igitur diuino iure nititur ecclesiastici Pastoris potestas, ita proprii muneris praeclara functio. Quocirca Apostolus: Obedite (ait) praepositis vestris, & subiaccere eis: ipsi enim pervigilant, quasi rationem Deo reddituri pro animabus vestris. Dei igitur constitutio est, quoniam ipsi ratio de muneris functione reddenda est. Ac Dominus Christus ait: Fidelis servus, & prudens, quem constituit Dominus super familiam suam, ut det illis cibum in tempore. Dominus ergo constituit super familiam suam. Dominus constituit, ut det escam, &c. quoniam & potestas, & functio diuino iure constituta est. Verumtamen, quia clara sunt ista, esse longa non debent: controuersiam modo tractemus. Triplici genere Episcoporum functio (ut eruditissime Caietanus docet) distincta esse videtur; nam alia est, quae certo tantum tempore exerceri potest, ut ordinum collatio, Consecratio chrismatis; Alia, quae nullo temporis spatio definita est, plerumque tamen eam tractari necesse est, ut ecclesiarum sunt, vestium, vasorumque

De Rep.  
lib. 1. c. 2.

ad Heb.

Matt. 25.



consecrationes. Alia, quæ & nullo certo temporis spatio, & sæpius, ac fere semper tractanda est; ut gregis pascio, atque curatio. Quod enim tempus esse potest, in quo possit à suo munere Pastor vacare, cum & assidue ouium animas alere eum ad æternitatem oporteat, & à tyrannorum vi, hæreticorumq; fraude, ac dæmonū astu tueri ipse debeat? Quibus positis, disserendum est nobis contra eos, qui disiungi alterum ab altero posse sentiunt; aiunt enim, causa, ob quam Ecclesiæ Pastores residere obstringuntur, est, ut sua munera probe obeant; huc enim pertinere asserendum est, præsentia Pastoris; ac non functiones tantum primi generis, sed alterius, ac tertij præstare Pastores per alios ministros, & Vicarios egregie possunt, residere itaque illis necessario non incumbit. Qui enim per alium (ut præceptio canonica docet) facit, per seipsum facit, ac plerumque præclarius. Cõfirmatur ratio, quoniam quæcumque ad finem non simpliciter, & omnino pertinent, sed ut facilius, & ac commodius finis comparetur, absolute necessaria censeri non debent; sed animorum curatio, & administratio per Vicarium idoneum egregie expleri potest; nõ igitur præsentia est necessaria Pastorum: quoniam fieri potest, ut loco pastores absint, & muneri suo non deficiant. Alij autem contra disputant, multis, ac varijs rationibus videntes. Nos tripartitã dumtaxat asseremus, ut tripartito insigniri nomine Ecclesiæ magistratus asseruximus, vigilis, siue custodis officio, Sponsi, atque Pastoris. Ac primum, quid tam coniunctum esse cū vigilis, siue custodis officio potest, quàm ut rei, ac personæ custodiendæ adsit? Etenim vigilis, custodisq; notio declarat virum qui res, ac personas suæ creditas fidei ita solerter per se curet, atque omni studio, ac diligentia in id incumbat, ne quid aut mali inopinãtes opprimat, aut boni oscitantes prætereant. Quamobrem consilio quantum poterit, labore plus pene quam poterit, excubabit, vigilabitq; pro eis. Quocirca sacræ litteræ canunt. Super muros tuos Hierusalem constitui custodes, tota die, ac tota nocte non tacebunt laudare nomen Domini. Ac de talibus aperte dicitur: Clama ne cesses.

Esa. 62.

Esa. 38.

ses, quasi tuba exalta vocem tuam, & annuncia populo meo scelera eorum. Quid? quod non præsentes tantum, ac vigilantes, sed summo studio, diligentiaq; paratos esse etiã Ecclesiæ præsides necesse est, quoniã dicitur: En lectulũ Salomonis sexaginta fortes ambiunt ex fortissimis Israel, vniuscuiusque ensis super femur suum propter timores nocturnos. Lectulus est Salomonis idest Christi, qui est pax nostra, & cuius factus est in pace locus: Ecclesia, ad cuius administrationem, & curã præsides cingendo excubant perfectissimi quique (senario enim numero perfectio declaratur) & quibuscum nemo ex alijs contendere, virtutis perfectione potest; tãtumque abest, vt loco abesse queant, vt alacres potius, ac solertes totam noctem perstare debeant, diuiniq; verbi gladios apertos, & expeditos tenere ad contraria quæque depellenda. Deinde arctior est coniunctio sponsi, & sponsæ. Quare (inquit) relinquet homo patrem, & matrẽ, & adhaerebit vxori suæ, & erunt duo in carne vna. Sacramentum hoc (ait Apostolus) in Christi, & Ecclesia magnum est, & in Christi successoribus, & in Ecclesia. Tam igitur absurdum est sponsum non esse cum sponsa, quam non esse cum se ipso. Quocirca cõcludendum est, huius sancti coniugij vinculum, nulla re nisi morte disrumpi posse; neque licere sponsum à sponsa loco disiungi; quod si fieret, incredibile fere dictũ est, quot adulterij imminerent pericula, quot incommoda prostitutionis sequerentur. Quamobrem, necessariam esse sponsi præsentiã, conuincitur, ideoque recte sponsa ait: Dilectus meus mihi, & ego illi, inter vbera mea commorabitur. Quis igitur sponsus tam sui decoris, ne dicam sponsæ amoris oblitus est, vt hæc ipsa cadere in vicarium quemlibet sinat? Postremo, Pastoris nomen non quidem abusione quadam pro gregis domino, sed proprie pro eo, qui ducit ad pascua, & custodia inuigilat, cadit in Ecclesiasticos magistratus, de quibus Apostolus: Attendite vobis, & vniuerso gregi, in quo posuit vos Spiritus sanctus Episcopos regere Ecclesiam Dei. Itemque: Pascite qui in vobis est, gregem. Pastoris autem officium latissime patet: educere ad pascua, ducere

Cant. 3.

Ephes. 2.

Psal. 75.

Gen. 2.

ad Eph. 5.

Cant. 2.

Actuum

20.

1. Pet. 5.

De Rep.  
lib. 1.

Ro. 11.

ducere ad riuos aquarum, oleo scabiem inungere, arcere lupos, & aduersantia quæque vncino plerumque, plerumque fistula errantes reuocare, & id genus alia, quæ explere Pastor, nisi adsit, nō potest. Præclare Arist. (vt ab extrinsecis quoque testimonia petamus) ait: Si necesse sit mutare locum animalibus propter passionis commoditates, ipsi etiam pastores vnā coguntur sequi, quasi agriculturam viam colentes. Quare & in sua consecratione Episcopo dicitur: Vade prædica populo tibi commissio, non autem committe prædicationem: dilucide enim id explicare his verbis Christus Dominus videtur: Pasce oues meas; scilicet per te ipsum, ac tuum, non aliorum ministerium. Ex his alijsque multis sacrarum litterarum locis habetur, Præsidis Ecclesiastici præsentiam omnino esse necessariam; quodque gregis curationem, & administrationem per seipse præstare obstringatur. Et vtrique quidem partim vere, partim non vere dicunt, vt consensus inter eos non admodum difficilis esse videatur. Sed deinceps tractabitur.

## C A P. IV.

### Conciliatio istarum opinionum.



**N**IHIL potest accommodatius in hac, quam quærimus, consensione afferri, quam quod erudite à Doctore sancto dictum est, obligationem omnem potissimum ex fine esse metiendam. Est autem Ecclesiastici Præsidis obligatio, ita seu suo, ac pastoris munere fungi, vt populus æternitatem consequatur. Idque (citra controversiam) diuino iure constitutum est, vt nulla possit cuiusque, aut commodi, aut incommodi ratione irritari; ideoque si egregie præstare id possit Pastor Vicarij alicuius opera, potest quoque à suæ Diocesis loco abesse, ob communem Reip. commodum consequendum, vel suæ personæ incommodum vitandum. Siquidem eius præsentia non per se, sed finis istius consequendi gratia necessaria

ria est. Si verò haberi quidem is finis sine ipsius præsentia nō potest, nihil aut commodi, aut incommodi, etiam mortis suæ, tanti esse potest, vt commissum sibi gregem deserat: Bonus Io. c. 10. enim Pastor animam suam pro ouibus ponere, diuina præceptione tenetur. Ex quibus perspicuum est, Pastoris præsentiam plerumq; non esse necessariam, plerumq; adeo esse necessariam, vt sine illa pastoris munus non extet. Ideoque primum statuo, Pastoris præsentiam non per se, & omnino esse necessariam, sed ad egregie eiusmodi munus obeundum: ac præterea diuino id iure constitutum esse, quod sane proxime alterius capitis rationes obtinent. Deinde posse ex causa loco abesse. dico autem ex causa, quod etsi proprie gregis curatio iure diuino necessaria sit, nihil tamē prohibeat absentem illum alijs rebus, rationibusq; magis consulere: Vicario tamen præfecto, qui partes suas expleat, vt primis argumentis conclusum est. Quoniam autem res meliores, ac præstantiores, quæ illæ quidem sint, plerumque obscurum est, tota eiusmodi deliberatio ad Pontificis maximi iudicium referenda est; quippe cuius est ius diuinum vt non irritare, tamen, quo id intelligatur modo, declarare. Quocirca & sacerdotia, mutandi, & dioeceses vel imminuendi, vel amplificandi, ceteraq; eiusdem generis faciendi ius habet; ipsi enim vt legitimo Christi Vicario, & Petri successori dictum est, nullo addito discrimine, Pasce (ait D. Bernardus) non has, vel illas, sed simpliciter oues meas. Itaque omnes habet, cui nihil excipitur. Io. 2.  
De confid. Declarauit plane id pro accessu ad comitia, & generalia, & prouincialia; pro legationibus, & visitationibus obeundis, pro examinandis, probandisq; ijs, qui ad Episcopatus dignitatem cooptari debeant, (vt iam Sanctissimus Dominus noster Clemens Opt. Max. Pontifex religiosissime seruauit) ac si qua sunt alia, pro communi sanctæ Ecclesiæ, ac generali bono. Par est enim, vt singulorum bonum, etiam Episcopatus, ad vniuersum referatur; ac pars quæque sui etiam detrimentum patiatur, vt commodo totius consulatur. Cuique enim parti (ait Arist.) à natura tributum est, vt vniuerso consulat. Sum- Lib. de  
mopere. rep. 8.

moperè autè mihi probatur tripartita ab eruditissimo Caietano ratio inducta, qua quidem tota controuersia profligatur. Tres (inquit) subesse causæ possunt, vt singuli quique præfides lege residendi soluantur. Necessitas impedimenti, Qualitas negotij, Conditio personæ; quamquam hæc ipsa ad Ecclesiæ commodum referenda sunt. Et impedimentum quidè aliud est ab intrinseco, vt grauis pastoris valetudo, aliud ab extrinseco, vt tyrannorum persecutio. In vtroque Ecclesiæ commodum spectandum est. Nam si valetudinis restituendæ causa Pastor cælum mutare velit, eoque magnum suæ Ecclesiæ detrimentum afferre cernit, discedendi ratio omnino abiicienda est, locoque manendum. Iam etià si vitæ detrimentum accipiat: ita enim dicitur: Bonus Pastor animam suam dat pro ouibus suis: si autem aut nihil, aut modicum incommodi subest, ratio est valetudinis habenda, solumq; vertendum, vt valetudine restituta, aptius Ecclesiæ rationibus deferuire queat. Atque ad hanc sunt rationem reuocandi discessus, quique ob negotia, vel visitationes propinquorum, & animi quoque causa fiunt. Non enim conchiliorum more loco suæ diocesis præfides affixos esse, residendi præceptum decernit, sed vt prudentia, reatq; ratio præscribit. Si autè persecutio ferueat extrinseca, tum delectus habendus est talis, vt si Ecclesiam, persecutor invadat, mortem potius appetat, quam loco discedat. Si præfidis personam inuisam habeat, tum ex Ecclesiæ comodo est, vt ad tempus declinet, seq; ipsum tueatur, ac seruet in suæ Ecclesiæ beneficium; eoque pertinet id Christi

*10. 10.* Domini: Si vos persecuti fuerint in vnam ciuitatem, fugite in aliam. Qualitas autem negotij triplici genere continetur, idque planum fiet corporis translatione adhibita. Nam comparatio fieri potest, aut totius ad partem, aut partis ad totum, aut partis ad partem. Quibus ita constitutis, statuitur licere præfidi Ecclesiastico ad Urbem, aut alio se conferre, vt Ecclesiæ suæ iura tueatur, & curet, ceteris omissis muneribus, visitandi, prædicandi, & quæ sunt eiusdem generis, quoniam singulæ quæque eiusmodi functiones eam habent rationem,

ad

ad Ecclesiæ bonum, vt partes ad totum; iure autem & diuino, & naturali tenetur quisque suo consulere toti. Iam verò, quoniam (vt diximus) singulæ Ecclesiæ in ea sunt ratione ad vniuersalem Ecclesiā, vt partes, vel ad caput, vel ad totum, & natura comparatum est, vt membra se periculis, & incommodis quoque offerant pro capitis, ac totius tuenda salute: ne dubitari quidem fas est, licere eo commigrare, in quo de vniuersalis Ecclesiæ bono agetur, idemque suæ etiam Ecclesiæ detrimento curare. Quocirca & Ecclesiæ Præsides, Abbatesq; sancti Benediicti, ceteriq; regularium superiores, si vt comitijs intersint suis, si vt visitationibus, ceterisq; alijs pro Ecclesiarum, cœnobiorumq; bono functionibus dent operam, loco discedunt, tantum abest, vt muneri defint suo, vt hac potius ratione præclarissime eo fungātur. Reliqua est proportio partis ad partem, in qua charitatis ordo seruandus est; verbi causa: rerum nostræ ecclesiæ detrimentum patiamur, vt alterius ecclesiæ subiectis, quoad animi salutem, consulamus, ac necessitati aliarum spirituali prospiciamus, semperq; præstantioris maiorem ducamus rationem. Quas quidem ob causas D. Paulus Titum, ac Timotheum à suis abesse ecclesijs iussit, aliasq; adire, quoniam & rari erant operarij, & necessitas fidei promulgandæ instabat. Ad extremum conditio personæ, ad rationem auctoritatis, ac præstantiæ, & in litteris, & in moribus metienda est, vt è loco suæ Diœcesis discedere liceat, si tanta est eius auctoritatis vis, & doctrinæ, ac morum præstantia: adde, & loci, ad quem commigrat, vicinitas, vt absque suæ ecclesiæ iactura, commoda alterius curare queat, cetera ex alijs cuique petere licebit. Concludamus tamen, varia hæc rerum momenta ad Pontificis maximi iudicium reiicienda esse, qui se fidelem seruum ac prudentem præstabit; fidelem profecto, vt ex causa dispenset, non proprio arbitratu dissipet. Prudentē vero, vt causarum merita recte dijudicet, non confundat. Ac de residentia satis. De beneficentia deinceps.

## C A P. V.

*De benignitate, & eleemosynis, & an dominium habeant.*



**T** homines ea de causa congregatos esse par est asserere, ut mutuis auxilijs imbecillitatem suā tuerentur; ita præsidij causa magistratus esse constitutos, ut eorum, & iustitia, & benignitate prohiberetur iniuria, beneficium præstaretur.

Matth. 5.

Tam igitur magistratus munus est, pœnis, ne ius violetur, nocētes punire; quam beneficijs, ne humanitas negligatur, indigentes afficere. Adde quod ecclesiarum præfides, quo magis proxime ad Deum potestate accedunt, eo illius imaginem, præclarius non nisi benignitate assequantur: Ut sitis (inquit) filij patris vestri, qui in cælis est, qui solem suū facit oriri &c. Quocirca de præfulum beneficentia disputatio instituenda est. Ac primum constituo, quæstionem illam quidem, an ecclesiarum præfides dominium rerum ecclesiasticarum, quantum ad earum fructum, habeant, in ambiguo esse positam, nec affirmantibus magis, quam negantibus rationes pro sua parte suppetunt, ut consensionis nulla superesse ratio videatur. Ac mihi quidem summopere illorum sententia probatur, quæ astruunt primum ecclesiarum copias, opesq; sub Dei duntaxat cadere dominatum, deinde fructus copiarum, & opum, quoad dominium, ad eundem Deum pertinere; quod ad rationem administrandi, ad eos quoque spectare, quibus est suæ portio attributa, ad Episcopum, siue Prælātum, ad clerum, siue collegium, ad fabricæ curatorem, ad egentium prouisorum. Ac de prima quidem conueniunt inter se auctores, iurisque periti, ac Theologi omnes, solum Deum rerum ecclesiasticarū esse dominum, præterea nullum. De secunda discrepant inter se Doctores. Ego tutiorem sententiam esse sequendam reor, quod administratio, non dominium, sit eis credita: nam Diuus Doctor non asseruit contrariam sententiā, sed disputat, quod

ex

ex verbo, videtur, aperte colligitur. Ac pono vigere legis vsq; vt plerisq; in regionibus res ecclesiasticæ in quatuor sint partes distributæ, vna traditur Præsidi, altera ministris, tertia fabricæ applicatur, quarta egentium vsui addicitur, xij. q. de redditibus. & 12. q. 2. suos. & deinceps. In plerisq; duæ tantum portiones efficiuntur, vna Præsidi tribuitur, altera ministris: quoniam aut Præsidi dumtaxat egentium, & fabricæ onus incumbit, aut ministris tantum, aut vtrisq; simul. Quod autem administratio tantummodo prudens, ac fidelis illis quidem credita sit, audi D. Bernardum: Sane patrimonialia sunt pauperum facultates ecclesiarum, & sacrilega eis crudelitate surripitur, quidquid sibi ministri, & dispensatores, non utique vel possessores ultra victum accipiunt, & vestitum. Quibus verbis dominij ius ademptum esse Præsidibus ecclesiæ docet, dispensationem creditam, ac non rerum, sed fructus: paulo post elegantissime asserit, dicens: Triplex funiculus, qui difficile rumpitur, hominem miserum in perniciem trahit, qui impure intrat, indigne ministrat, sed & ipso fructu abutitur templi. Impure autem intrare idem ipse declarat esse, eo animi proposito magistratum inire, vt opes, ac delicias, voluptatesq; conquirat; indigne autem ministrare, est, stipendia cleri in voluptatis, curiositatisq; congregare usum; abuti autem fructu, est, eos ipsos, quorum sunt dispensatores, non in frugalem sui victum, & vestitum, sed in irritamenta gulæ, in incentiua libidinis, in superflua ornamenta expendere. Ex quibus perspicuum est, sanctiones ecclesiasticas 12. q. & fere per totum, vetustiorum patrum sententiæ adscripsisse. Atque his constitutis, generale documentum est, ecclesiarum Præsides, ceterosque administratos (regulares sint, an sæculares nihil interest) administrationem tantum habere, non dominium; posseq; sibi ex illis citra culpam, ea quæ ad cultum, ac victum, quæque ad suæ personæ, ac dignitatis decus modeste tuendum pertinent, vindicare. Nam dignus est (ait Dominus) operarius mercede sua. Et Luc. 10. qui altari seruit, de altari viuere debet. Quare D. Bern. viuat, 1. Cor. 9. de altario, non superbiat, non luxurietur, non ditetur; non in-



clericatu diues ex paupere fiat, ex ignobili gloriosus: non sibi de bonis ecclesiæ palatia fabricet, nec loculos inde cōgreget, nec in vanitate, & superfluitate dispergat; non extollat de facultatibus ecclesiæ consanguineos suos, aut nepotes, ne filias dixerim nuptui tradat. Conceditur ergo tibi, si bene deseruis, vt de altario viuas, non autem vt de altario luxurieris, vt inde compares tibi fræna aurea, cellas depictas, calcaria deargentata, varia, griseaq; pellicia, à collo, & manibus ornatu purpureo diuersificata. Denique quidquid præter necessariū victū, ac simplicem vestitum de altario retines, tuum non est, rapina est, sacrilegium est. Idem multo antea D. Hieron. astruxit, scribens ad Pōtificem max. Damasum, referturq; 16. q. 1. cap. quoniam. Sed vt præclarius consensionis ratio tractetur, rerū est diuisio facienda. Bipartita esse possunt bona, quibus ecclesiæ Præsides potiuntur, alia laica, alia ecclesiastica. Primi generis sunt ea, quæ aut hereditario iure, aut donatoris largitate, aut cuiusque siue corporis, siue animi facultatis functione ab eis conquiruntur. Alterius generis sunt ea, quæ religionis, ac pietatis ratione ecclesiæ largita fuere. Cōueniunt omnes, bona quæ primo genere continentur, ecclesiæ præfatis, & dominio libero, & absoluta administratione subesse, vt eisdē integrum sit, non modo libere vti, sed etiam, vt libet, largiri, vēdere, alienareque, neque vlli peccato ob id quisque sit obnoxius, nisi aut tenacius, quàm par est, restituendo, aut vberius, quàm ratio præscribit, profundendo. De ecclesiasticis delectus habendus est; nam primo conueniunt fere omnes (vt diximus) dominium Dei tantum esse, præterea nullius; administrationem generalem sane Pontifici maximo, ceteris vero præfatis particularem, pro rata sui muneris parte à Pontifice maximo proxime commissā, atque adeo à Deo summo esse concessam sentiunt omnes. Ecclesiasticorum autem bonorū præcipuum esse vsum, vt ex ijs suppediretur victus, & cultus honestus, quique decorem & personæ, & dignitatis tueatur, eorum, qui ecclesiæ ministerio vacant, non quidem eadem, aut pari ratione seruata, sed & personæ, & dignitatis dispari gradu.

22. q. 1. c.  
quia tua  
et dist. 44  
in princ.

gradu considerato. In quo quidem non morosus, limatusque adhibendus est modus, ut animus scrupulis perturbetur; sed discretus, & prudens, ut luxus immodicus, non largior usus damnetur; minimis enim in rebus à præscripto iure defletere, plerumque culpa vacat. eadem omnium sententia est. Id omne, quod ex constituto iam usu superest, egentium subleuandis miserijs esse infundendum, atque hoc sensu sanctorum dicta accipiendâ esse decernunt. Egentes autem hoc loco, homines intelligunt, religiosaque loca, coenobia, xenodochia, hospitalia, ecclesias, quibus illi quidem continentur. Ac demum egestas, non tantum victus, cultusque penuriam, sed indigentiam eorum, quæ ad cuiusque personæ, ac dignitatis statum tuendum pertinent declarat. Atque ex his perspicuum est communi fere omnium sententia, & quibus ex bonis eleemosyna sit faciendâ, & quibus sit impendendâ, & quibus quasi limitibus sit metiendâ: quæ quidem omnia ecclesiarum præfectos ita curare oporteat, ut si secus fecerint, & graui se noxæ, ac plerumque mortiferæ obstringant; & restitutionis onere nonnumquam obligent. Si quid igitur opum, si quid suppetit copiarum; non voluptatibus suis, sed multorum, atque adeo filiorum salutis ecclesiæ præsidēs impertiantur, meminerintque illud Apostoli. Quæstus magnus est, pietas cum sufficientia, ut ab omni & cupiditate acquirendi, & tenacitate conseruandi abstineant.

S. D. 22. q.  
139. ar. 7.  
C. de. Trid.  
sess. 25. c.  
1. de re-  
form. S. D.  
quol. 6.  
ar. 12.

## CAP. VI.

*An liceat Episcopis, ceterisque Prælati oppida ciuilesq; iurisdictiones habere.*



VONIAM autem hæc exposita sunt; nunc quod consequens est, considerare oportet: Vtrum ecclesiasticis magistratibus copias, & opes, ac præterea castra, oppida, imperijque iurisdictionem habere liceat? De primo indictum nobis bellum esse

esse videtur; cum profligatissimis tantum hominibus. De secundo cum religiosissimis quoque. Quia vero non defuerunt eruditissimi viri, qui cum primis congressi eos validissime expugnarunt, vel hoc vno, quod beneficentiae fructus, quos ferre maxime astricti sunt, neque in suos, neque in hospites constarent, nisi opes, & copiae suppetere: cum utrisque de secundo dumtaxat certamen est nobis incundum, placidum sane, ut reuocare eos, non profligare videamur. Nihil inquit, magis pugnat cum magistratus ecclesiastici modestia, animique submissione, quam praestare omnino tenentur, atque fastus, & arrogantiae vitium; cuiusmodi autem potestas magnopere coniuncta est superbiae, & arrogantiae. Quod Christi Domini sententia optime comprobatur: Scitis (inquit) quia Principes gentium dominantur eorum, & qui maiores sunt, potestatem exercent in eos: non ita erit inter vos; sed quicumque voluerit inter vos primus esse, erit vester seruus, sicut filius hominis non venit, ministrari, sed ministrare. Omnis igitur dominatus altitudo, ac iurisdicção submouenda est à viris ecclesiasticis. Quippe quæ cum Christiana humilitate, atque adeo ecclesiastico praesidi potissimum debita virtuti non congruit, atque ad hanc rationem spectat consideratio D. Bernardi.

Matth. 10

Lucæ 22.

De confid.

Quia non praesse, sed prodesse debent, cap. 3. 3. libri. Deinde ea perfectionis ratio, quæ veteris legis ministris praescripta est, multo arctius nouæ legis praesidibus constituta esse videatur, siquidem praestantioris sunt gradus. Atqui illis quidem, nulla dominatus potestas, nulla imperandi iurisdicção permisa est, tantummodo decimarum ius attributum, quo se, suosque ad vitam necessaria, & commoda sustinerent. Non ergo licet ecclesiasticis Magistratibus saeculari iurisdicçãoe, ac potestate poriri. Nam si, ut non decorum modo, sed necessarium illis esse, Christi se imitatores exhibere velint, ab omni saeculari abhorrebunt potestate: quoniam ille quidem & oblatum Regni ius reiecit, & Regnum suum non esse huius mundi asseruit: Regnum meum non est de hoc mundo. Cælestis igitur iurisdicção attributa est, non terrena, Regnum cæli, non terræ,

Luc. 23.

Do-

Domino dicente: Tibi dabo claves Regni caelorum. Postremo status ecclesiastici longe dispar est, ac secularis, quod hic litium anfractibus impeditur, negotiorum procellis iactatur, causarum turbinibus agitur: ille sancto orio, & tranquillitate conquiescit, diuinis rebus contemplandis insistit, Christi obsequio deseruit: ad eum igitur secularis iurisdictio, ac potestas curarum, ac sollicitudinum plena, spectare iure videtur; ne pilum quidē ad ecclesiasticos praesides pertinere. Atque huc referenda esse videantur: Quod duos gladios satis esse Dominus docuit, ijq; si duo sunt, distincti sunt, id est, secularis, & ecclesiastica potestas: & quod Apostolus praescribit: *ad Tim. 2* Nemo militans Deo, implicat se negotijs secularibus, ut placeat ei, cui se probauit. Quibus ex omnibus perspicuum cuiq; esse videatur, secularem potestatem iurisdictionisq; auctoritatem ecclesiasticis viris minime conuenire: Sed enim causa ista grauissima est, ideoque necesse est diutius in ea immorari, altiusque eius ducere rationem. Constituo primum, rerum omnium nullo delectu, ac discrimine, Deum esse & primum conditorem, & summum moderatorem, cui omnia (ut vates ait) *Psal. 110* seruiunt. Ceteros deinceps dominandi, administrandiq; dominatū facultate, ac munere pro rata parte esse praeditos: ut quo propius Deum accedunt dignitatis praesentia, eo latius dominantur, & imperent. Hoc posito: Cum nihil sit in terris Deo similis, ac rerū sacrarum, diuinarumque curator, atque administrator; certe imperium omne, siue sacrum, siue humanum, ad eum referendum est. Ecclesiasticus ergo magistratus munus diuinum in terris gerere, illiusque summi, ac sempiterni Regis administer, & vicarius in omnibus esse debet; humana namque ex diuinis colligata pendent. Qui ergo diuina potissimum curat, humana quoque per se tractare, ac moderari, summa est cum ratione coniunctum. Eo pertinet, quod diuinæ, & humanæ historię profitentur, illos Reip. praefuisse, qui religioni, sacrisq; rebus praeerant, naturæ lege hominum animis impressa, atque insculpta vigente. Cui diuinorum curatio, eidem regni administratio obueniebat, certe

certe primogenito. Apud Indos Gymnosophilæ, ac Brachmanes, iidem, & sacrorum præfides, & hominum rectores. Persæ Magis; Aſyrij Chaldæis; Aegyptij sacerdotibus; Hebræi Prophetis; Galli druidis, humanarum rerum, ac diuinarum summam committebant. Quid, quod lege à Deo Moyſi data, idem Moyſes Rex extitit, & Sacerdos? Moyſes (inquit) in sacerdotibus eius. Eadem ratio in ijs valuit, qui Leuitici erant generis, ex quibus ministri rerum sacrarum legebantur. Nam

*Leuit.* diuino iussu 48. vrbes, & suburbana earum cum imperio suscepunt. Viguit idem ius & in eis, qui diuino quoque cultui studentes, quoniam iudicia exercebant, iudicum nomen tulerunt, vsque eo, dum populi Iudaici peruidacia ferme interruptum potius, Regno constituto in Saule, quam sublatum, ius fuerit. Siquidem in Machabæis iterum, ceterorum principum iugo abiecto, sacerdotibus restitutum est Regnum. Ad gratiæ tempus veniamus. Christus Dominus, cui primo non ex diuinitatis tantum ratione, rerum omnium imperium debetur; sed ex eiusdem coniunctione: Data, inquit, est mihi omnis potestas in cælo, & in terra. Ac D. Paulus asserit: Quem constituit heredem vniuersorum; ita tamen regnum administravit, vt serui formam gesserit, eoque se demisit, vt non patri modo, sed hominibus ministraret: venerat enim non iudicare, sed iudicari, suamque animam dare pro multis in redemptionem; ideoque repugnantis specie non est usus. Ac vt diuini

*1. Cor. 2.* nuncij euulgatio (ait Apostolus) non fuit in sapientia verbi, ne euacuaretur crux Christi; ita Regni constitutio, & curatio humilitate, ac demissione administrata est, ne humanis iuribus diuina niti viderentur (Apostolo docente) vt fides nostra sit in virtute Dei. Eodē pertinet, quod Apostoli, Apostolicique religionis nostræ principes rerum tantummodo sacrarum imperium idcirco tenuerunt, vt & euulgandæ veritatis studio, cura sæcularium rerum impediti, minime deessent; quoniam primordia firmissima esse debent; & offendiculum hominum vitarent, quod non potentia, ac viribus, sed cælesti, ac diuina dumtaxat ope animorum curarent salutem. Constituta vero eccle-

Ecclesiæ pace, ac cælestis nunciij auctoritate, rerum gestarum amplitudine, admirandis signis, ac portētis patefacta, Magni Constantini p̄a largitas Ecclesiam Vrbe, ciuitatibus, oppidis, iurisdictionibus sæcularibus, hominumq; imperijs, ne dum opibus, magna cum sui laude, ac merito auxit, instruxit, atque munivit, sanctissimo Siluestro auctore, ac probatore: tantum abest, vt aut vicio hoc fuerit illi ascriptum, aut vt illicitum ab isto repudiatum, vt nihil & Imperatoria maiestate dignius, & Pontificia sanctitate præclarius existimari possit. Quod sane Constantiensi Concilio religiosissimi Patres amentem perditissimi Vuicles insaniam potius, quam sententiam condemnantes sanxerunt. Huc accedit testimoniū D. Aug. Epist. 50. ad Bonificiū. & Homilia 6. super Io. Idē asseuerauit sanctissimus Pontifex Melchiades canone Futurā. 12. q. 1. Urbanus in canone statim proximo Vidētes. Atque vt multa præteream, cōfirmatur canone Cōstātinus. 96. dist. & ex Iustiniano authenticō de rerum ecclesiasticarū alienatione. Iam vero si aliquod vel minimum animorum huic rei discrimen, ne dum perniciēs subesset, quomodo B. Pater Benedictus, qui teste Gregorio Magno, omnium iustorum spiritu plenus fuit, oblatas iurisdictiones, & imperium suscepisset? Idemque de innumeris fere sanctissimis viris existimandū est. Vt autem pressius agamus, quoniam magna & commoda, & ornamenta cum vniuersæ Ecclesiæ, tum singulis quibuscumque partibus id genus imperij afferre solet, non repudiandum, vt illicitum esse videatur, sed asciscendum vt necessarium. Et quidem vt primis temporibus maiestas, & auctoritas diuino consilio, sanctitate, & religione ministrorum elucebat, ita deinde & modo, iurisdictionum, & imperij splendore, quibus (vt naturæ nostræ est ingenium) maxime hoc tempore homines mouentur, nititur. Re enim ipsa compertum est, quod, & quo loco Ecclesiastici Magistratus inopia laborāt, ne flocci quidem ducuntur; & ijs in partibus, certe Germania, Belgica, Polonia, & alijs, fides catholica impiorum etiam magnatum iniurijs, ac prauis conariibus, iam prorsus labefacta concidisset, nisi Præsulū ec-

N clesia-

ecclesiasticorum ea esset auctoritas, vt non modo laicorum iurisdictione plena, sed etiam publicos ad eundi conuentus, in eis suffragia ferendi, ac de summa quoque rerum dijudicandi facultate præditi essent. Adde, quod magis est per se cum iustitia, ac lenitate ecclesiasticorum, ac religiosorum imperium coniunctum: eamque ob causam arbitrandum est, à religiosissimis quibusque Principibus ditiones eiusmodi ad suorum vassallorum, & commodum, & tranquillitatem largitas ecclesiasticis, vt rapinæ, iniuriæ, ac violenta, iudicia prohiberentur. Ac mihi non parui ad causam referre videtur, quod idcirco pijs, & personis, & locis hæc sit potestas attributa, quo facilius, & quietius suos colligere fructus, ac redditus possent, minusque iudiciorum sæcularis hominis turbinibus iactarentur. Atque vt hanc rem totam concludam, Apostolis cum dictum fuisset, vt qui gladium non haberet, venderet tunicā, & peram, ipsumque emeret, responderunt: Ecce duo gladij hic, certe intra eos ipsos. Quod si duorum gladiatorum significatione, duplex potestas, spiritualis, scilicet, ac laica declaratur; idque Dominus approbavit dicens: satis est; profecto Apostolis, Apostolicisque viris, id est, Ecclesiasticis Magistratibus, ac religiosis minime interdictum est præter Ecclesiasticā, laica quoque ditione pollere. Itaque conuenire omnes in hanc sententiam necesse est. Quod autem contra assereretur, non multum est operis confutare. Vt vero singula singulis reddamus, à primo confutationis, siue potius conciliationis ducamus exordium. Constituo rem non ex ijs, quæ fortuito, aut hominum vitio, & abusu fiunt, dijudicandam esse, sed per se, ac vsu proprio; alioquin optima quæque reijcienda essent. Quid enim sacris rebus, sacramentisque, si rite adhibeantur, salutaris, & excellentius? Quot autem nefaria ex eis fiunt, cum prauum, ad vsum à perditissimis deflectuntur? Iurisdicctio igitur ciuilis, laicumque imperium, splendidam seruitutem, siue ministerium ecclesiasticis per se, ac recto vsu assert, non insolentem fastū; dicere namque debent; sic nos existimet homo, vt ministros Christi. Hinc laudi Magno Gregorio datum fuit, quod seruū

Luc. 11.

1. ad Cor.  
10.

seruorum Dei se appellauit; eodemque titulo ceteri summi Pontifices deinceps pro maxima dignitate vsi sunt. Hæc eadem D. Bernardi verbis subiecta sententia est, vt cum tyrannidem detestari, non imperium intelligamus. Ad quam sane rationem interpretari deoet D. Petri verba: Non dominantes in clero, sed forma facta gregis ex animo; vt arrogans tyrannis condemnatur, non legitimus, ac modestus dominatus, quo sine Ecclesiæ auctoritas fere funditus euerteretur. Vbi enim non est gubernator, corruet (ait sapiens) populus. vt ex hoc perspicuum sit, Caluinum & imperite, & impie sensisse de hac tota causa. Secundum ita diluitur, vt labore agriculturæ Leuitas leuare voluisse asseramus, non abstulisse dominatum; quo sic tranquillius, absolutiusque diuino cultui studuissent; tantumque abfuit, vt dominii ciuilis ius ab eis auferret, vt illos potissimum ad id muneris, vt antea probauimus, constitueret. Quod autem ex Christi Domini affertur exemplo, iam confutatum est. Quippe cum diuini consilij ratio id fecit, ne aut diuina humanis niti viderentur, aut eadem in humanis consistere putarentur. Extremum vero facile explosum esse dignoscitur; cum omnis vita in partes duas distributa sit, in negotium, & otium: Ac natura (vt Philosophus ait) non solum honestum otium, sed etiam præclarum negotium requirit; nec quisquam nisi desipiat, abnuet negotium ad otium esse conferendum. Sed tamen Ecclesiasticus Magistratus in utroque versari necesse est, vt & Marthæ iustum negotium, & Mariæ sanctum otium (D. Augustino teste) sectetur; causarum vero iudicia magnam partem, Moyse exemplo, secularibus permittere debet, summam sibi reseruare, ne aut ipse à tranquillitatis portu prorsus excludatur, aut iniustitiæ virus per alium latius grassetur. Huc pertinet quoque Apostoli auctoritas, vt ne omnis laicus in negotijs nostra opera ita consumatur, vt egregie curandi diuina omnis aditus præcludatur. Distinctos quoque concedimus esse gladios, id est, potestates, non autem adeo inrer se aduersos, vt ab vno eodemque exerceri ad iam expositam rationem aut nō possint,

1. Pet. 5.

Prover.

c. 11.

de Rep.  
lib.



aut non liceat. Quocirca perspicuum ex ijs est cuique, laicis  
ditionibus magistratus ecclesiasticos, religiososque prae-  
ditos esse, neque cum sacris litteris, neque cum Aposto-  
licis traditionibus, aut moribus, neque cum ra-  
tione pugnare. Atque hæc de Benefi-  
centia satis esse videan-  
tur.



## Liber Sextus :

## C A P. I.

## De Scientia.



VONIAM autem nobis propositum est  
quærere, quæ sit Ecclesiastici Magistratus ra-  
tio optima, sumendum primo est, omnino eâ  
sine scientia constare non posse. Quocirca  
Propheta: Quia (inquit) tu repulisti sciëntiã, re-  
pellam te, ne sacerdotio fungaris mihi. Ideoq;

Osee 4.

in symbolica Theologia, lumina, & duces, ac pastores appel-  
lantur, Domino Iesu Christo asserente: Vos estis lumen mun-  
di. Et si cæcus cæco ducatum præstet, ambo in foueã cadunt.

Matth. 6.

Luca 6.

Ac pascite oues meas, in qua sententiã egregius Doctor S. Ber-  
nar. ait: Quomodo ignorantia excusare posset hominem, qui  
magistrum infantium, doctorem se insipientium profitetur?  
ignorans, utique ignorabitur; immo & multos ignorare fa-  
ciens, facit ignorari. Quid enim periculi sit, ubi pastor non  
inuenit pascua, ignorat dux itineris viam, vicarius nescit vo-  
luntatem domini, Ecclesia quotidie multipliciter, & misera-  
biliter experitur. Itemque, quomodo in pascua educet diui-  
norum eloquiorum gregem dominicũ pastor idiota? Quam-  
obrem ita præscripsit Apostolus: Amplectentem eum qui se-  
cundum doctrinam est, fidelem sermonem, ut potes sit exhor-  
tari in doctrina sana, & eos qui cõtradiciunt, arguere. Ac alias:  
Oportet Episcopum esse Doctorem. Nam ut recte rerum di-  
uinarum tractatores docuerunt; Sacerdoti duo sunt munera,  
quorum alterum est, sacramenta rite conficere, atque admi-  
nistrare; alterum, fidei suæ creditos homines ijs & rebus, &  
institutis erudire, quibus æterna salus comparatur. Et quidem  
alterutrum nemo præstare egregie potest, qui cognitionis sit  
expers, quamuis exquisitor in secundo cognitio requiratur.

Io. 10.

ad Tit. 1.

1. Tim. 4.

Quocirca D. Benediclus de Abbate agens astruit: Doctum

in Regula.

oportet.

oportet esse lege diuina, vt sciat vnde proferat noua, & vetera, sed pleriq; pietatis quidē specie, ignauia autē studio ducti, satis esse arbitrātur ad præsidis ecclesiastici munus obeundū, si honestatis, ac pietatis officijs is quidē studeat, tametsi eruditionē negligat. Tū quia nihil est, quod magis cum Ecclesiastici Magistratus ratione pugnet, quam animus inflatus, mentisq; tumor. atqui scientia (ait Apostolus) inflat, charitas autem ædificat: itaque de charitate ecclesiastico architecto laborandum est, non de scientia. Tum quia (vt sanctissimus Leo Pontifex asserit) vt cumque sit eloquentia facilis ad exorandum, sit ratio efficax ad suadendum, validiora tamen sunt exempla, quam verba, & plus est opere docere. quā voce. Ex quibus perspicuum est, Ecclesiæ præfectis virtutis, ac pietatis maximam esse rationem ducendam, doctrinamq; posthabendam. Hæc quæstio bipartito tractari solet; simpliciter, & comparate. Nam & quærun, an vitæ probitas sine doctrina satis sit, vt quis præclare præsidis ecclesiastici fungatur munere; & disputant, vtri primæ partes in eiusmodi functione tribuendæ sint, virtuti, an doctrinæ? Ac primum consentire inter se omnes arbitror, numquam in eo munere fungendo doctrinam à Pastore seiungendam. Quippe quæ per se, ac proprie munus pastoris attingit; quæ autē propria cuiusq; sunt, auelli ab eo non possunt. Quocirca D. Chrysostomus docet: Qui ignorat rectam, sanamq; doctrinam, vt oportuerit; tradere, longe à sede Episcopali arceatur. Nam alia quidem & in subditis inuenire facile est, puta, esse sine crimine, filios habere subiectos, hospitem esse, iustum, & sanctum. Ceterū hoc est, quod maxime pastorem exprimit, posse scilicet verbis instruere, & confutare aduersarios, cuius rei nullā ferme nunc curam haberi videmus, atque ingemiscimus. Eodem pertinet illud D. Hieron. Sancta rusticitas solum sibi prodest, & quantum ædificat ex vitæ merito Ecclesiam Christi, tantum nocet si destruentibus non resistat. Quocirca necessariam per se esse doctrinam ecclesiastico præsidi, ex his apertissime comprobatur. Nec obstat id, quod ab Apostolo asseritur testimonium:

sola

1. Cor. 8.

Super ep.  
ad Tim.

sola enim scientia, ac sine charitate animos effert; quamquam  
 de ciborum delectu, non de ceterarum rerum scientia Apo-  
 stolus eo loco agebat. Aliud egregie D. Chrysostomus eludit, <sup>1. ad Tim.</sup>  
 dicens: Vt quid doctor appellatur, nisi vt doceat? sed forte  
 dicis, vt philosophiam vitæ doceat exemplo. friuola hæc sunt.  
 Est enim necessarium verborum quoque magisterium. Ideo <sup>Super epi-  
sto. ad Tit.</sup>  
 & Paulus ait: Maxime qui laborant in verbo, & doctrina. Cū  
 enim de dogmatibus disseritur, quem hic loci vitæ sanctitas  
 habet? Quid habet virium? Itaque exaggerando id D. Hiero-  
 nymum dixisse, non docendo intelligendum est. Sed modo  
 comparate eandem tractemus controuersiam, vt veritatis lux  
 præclarius accendatur. Vtraque necessaria est Ecclesiæ præsi-  
 di, doctrina scilicet, atque probitas, sed ex his quæ in sancto-  
 rum doctrina continentur, non facilis aditus patet ad digno-  
 scendum, vtra sit potior in eo munere præstando. Nā D. Chry-  
 sostom. vt antea retulimus, doctrinam esse potiorē egregie  
 concludit, à proprietate, quæ in eum dumtaxat cadit, rationē  
 colligens hoc modo: Id est alicui proprium, quod in eum per  
 se conuenit, præterea nulli; sed doctrina in ecclesiasticos præ-  
 fectos per se cadit, non probitas, nam hæc illis quidem æque  
 ac ceteris subiectis conuenit, igitur potior est doctrina in illis,  
 quam vitæ sanctitas. Friuolū enim esse astruit, quod quisque  
 vitæ exemplo, non verbo profiteatur docere. Eodem spectat,  
 quod Dominus Christus, quæ à præfectis docentur, non au-  
 tem quæ aguntur, potissimum sequi nos instituit, dicēs: Quæ <sup>Matth. 23</sup>  
 cumque dicunt, seruare, & facite. In hanc sententiam D. Hieron.  
 super Aggæum prophetam, ait; Cōsidera sacerdotum of-  
 ficiū esse, de lege interrogatos respondere: si sacerdos est,  
 sciat Domini legem, si ignorat legem Domini, ipse se arguit  
 non esse sacerdotem Domini. Sacerdotis est, scire legem, &  
 ad interrogationem respondere de lege. Quocirca maior do-  
 ctrinæ, in deligendis Ecclesiæ præfectis, quam vitæ ratio du- <sup>Matth. 4.</sup>  
 cenda esse videatur. Contra est illud. Qui fecerit, & docuerit,  
 hic magnus vocabitur; quibus verbis primas tribuere probi-  
 tati, proximas doctrinæ Dominus Iesus videtur. Itaque D. Pa-

ter.

*in Reg.*

ter Benedictus ait: Cum ergo aliquis suscipit nomen Abbatis, duplici debet doctrina suis præesse discipulis; id est, ut omnia bona, & sancta factis amplius, quam verbis ostendat. Ac demum, ne in re clarissima, longiores quam decet, simus; Catechismus de sacerdotibus agens asserit, eum vitæ, ac morum primum integritate commendari oportere; non solum, quia, si alicuius peccati mortiferi conscius se initiari curet, vel etiã patiatur, nouo se, & maximo scelere obstringit, sed etiã, quia virtutis, & innocentie lumen alijs præferre debet; ut multo id magis de præfectis Ecclesiæ sancitum esse sciamus, ac iureperiti fere omnes idem affirmant. Sed nihil est, quod dissentientes inter se has esse sententias statuamus. Nam aliud est astruere, quid proprie, ac per se in Ecclesiastico desideretur præfecto; aliud, quid ratione subiectorum habita in eo requiratur. Doctrinæ enim proprie, ac per se ratio habenda est in præfectorum delectu, ut ex sanctissimis Chrysostomo, & Hieronymo docuimus: probitas autem tunc potissimum in ea requirenda est, cum aut scandalo cauetur, aut proteruitas, ac

*Ibidem.*

simplicitas subiectorum timetur. Quare D. Pater Benedictus ad hanc rationem assertionem suam reuocans, ait: Capacibus discipulis mandata Domini verbis proponat; duris vero, & simplicibus factis diuina præcepta demonstret. Atque hoc necesse est modo rationem deligendi, constituendi; præstidis variari, scilicet, ut ijs inter se comparatis, doctrinæ ne potius, an probitatis ratio ducenda sit, discernatur. Ac vere quidem ut dicamus, quia pastoris primæ sunt partes, ut euellat, & destruat prauam doctrinam, moresq; peruersos; ædificet, & plantet sanam, & rectam, honestos, ac pios: ita quod (ut Apostolus ait) potens sit exhortari in doctrina sana, & eos, qui contradicunt, arguere; eruditio per se potissimum spectanda est; de moribus enim oues laborare non debent: Quæ dicunt (docet Dominus) facite, quæ faciunt, facere nolite. Quia vero plerumque talis potest ouium esse ratio, ut verendum sit, quemadmodum D. Bern. asserit, ne non tam nutriet doctrina vberi, quam noceat vita sterili, morum tunc præsertim probitas ante-

*Tim. 1.**Matth. 23**Sup. Cant.*

tefe-

refertur esse videatur. Quā sane sententiam Iureperiti, alijq;  
 sequuti sunt. Concludamus ergo totam eum D. Bern. causam, <sup>Sup Cant.</sup>  
 asserente. Temere itaque & in hac parte hoc onus subitur  
 absque scientia, pariterq; vita laudabili; etenim ijs saltem mo-  
 ribus debet esse præditus, vt vel ad virtutem aptum animum  
 habeat, vel certe quadam ex parte bonus sit, non plane im-  
 probus, sed quodam modo; id est, vt specie Deo esse charus  
 saltem existimetur: sic enim fiet, vt non solum imperium sit  
 præstantius, & amabilius, sed diuturnius. Nam incredibile di-  
 ctu est, quantum profit, opinionem de eo, omnium eorum,  
 quibus præest, cuiusmodi esse, vt non tyrannum eum, sed patrē  
 familias; non vindicatorem, sed tutorem esse existiment, vtiq;  
 moderatum viuendi genus, non effusum delegisse videatur; ei  
 enim, quem virtutis, ac pietatis studio duci appareat, libenter  
 omnia sua omnes committunt.

## CAP. II.

*Quæ quantaq; esse eruditio debeat.*



**C**CLÉSIAE sanctissimæ Præsides doctrina,  
 præditos esse oportere, & simpliciter, & compa-  
 rate disseruimus: restat, vt quanta ipsi eruditione  
 pollere debeant, quoque modo ea ipsa statuenda  
 sit; deinceps explicetur: ex quo perspicuum erit,  
 quos fines, & quasi terminos doctrinæ ipsorum sacri Doctores  
 constituent. Sunt autem non admodum hac de re sententiæ  
 discrepantes. Ex sacro enim Catechismo colligitur, vt ex alijs,  
 non vulgarem, sed exquisitam potius doctrinam reconditam  
 rerum in eis desiderari. Reconditæ autem res dicuntur, non  
 quidem à natura inuolutæ, sed quæ ad Theologiam, tum my-  
 sticam, tum symbolicam referuntur. Vt enim illa quidem est  
 sensu recondita, verbis aperta; ita ista recondita verbis, signi-  
 ficatione aperta. Vtræque Ecclesiastico pastori perspectæ esse  
 debent, vt oues & ingrediendo, & egrediendo pascua inue-  
 niant.

Cap. qui ec  
cles. 36 di  
stin. Ri-  
bardus.

niant. Alij aiunt, callere eos necesse est & vetus, & nouū Testamentum. Quippe qui in sua ordinatione vtriusque cognitionem se tenere interrogati, respondere coguntur. Alij sat esse astruunt, si communia præcepta, fidei capita, virtutes, & vitia, ac sacramenta perspecta habeat. Verumtamen omnes isti in ea tandem conuenere sententia, vt non æque ab omnibus summa reconditarum rerum scientia exigatur, sed quæ ad suscepti officij, & muneris functionem satis esse possit; quoniam ex fine semper, quæcumque ad ipsum pertinent, metienda, ac moderanda sunt: finis autem (vt sæpius diximus) cuiusque facultatis, aut officij est eiusdem functio. Quapropter ea debet esse Ecclesiastici, præsidis scientia, vt probe suū obire munus possit, commissique sibi gregis saluti prospicere: hoc enim vnicuique ipsorum propositum esse constat. Quoniam autem superioribus libris, Ecclesiæ præfectis triplex munus exercendum tribuimus, Custodis, Sponsi, Pastoris, scientia eos tanta excellere par est, quæ ad cuiusque horum functionem apta esse videatur. Atque, vt singula singulis reddamus, quia triplex (vt alias ex D. Bern. accepimus) fidelium cœtui periculum impendit, tyrannorum sæuitia, hæreticorum importunitas, dæmonum versutia; idcirco ipsi, qui in eorum custodia tanquam in specula collocati sunt, necesse est, vt eundem suam vigilia non modo à tali pernicie liberum, sed etiam à meru vacuum reddant: hoc autem nisi excellenti, exquisita, & eruditione sint præditi, præstare qui poterunt? Cum enim tyrannorum rabies immanissima spurcissimi ritus, nefarias religiones, impurissima sacra, aniles superstitiones, non rationibus modo, sed cruciatibus fidelium funestissimis, nequeque dirissima tueatur, iuraque Ecclesiæ conetur usurpare, Ecclesiastici Præsidis munus est, & hos redarguere, & illa omnino confutare, & veræ, nostræque religionis cultus docere, ac defendere, & usurpatam libertatem, & immunitatem vindicare. Quia hæretici per dulces sermones, & benedictiones corda seducere innocentium tentant, se magistratos auribus prurientes exhibent, placentia loquentes, inordinate ambulant, & non secun-

3. Tr. 2.  
et 3.

secundum traditionem, quam à maioribus acceperunt, veniſſe  
 in veſtimentis ouium, ſpeciem Chriſtianæ libertatis obten- Matth. 6.  
 dentes, germanum ſacrarum litterarum ſenſum prætexētes; 2. Tim. 3.  
 ab Eccleſiæ ſanctæ obſervantia diſcedere, à ſanctorum Patrū 1. Tim. 6.  
 ſententia abire, conſtitutam iam inde ab initio Chriſtia- Matth. 2.  
 nam religionem deſerere, ſectari nouitates proſinas perſua- Matth. 14  
 dent, intrinſecus ſunt lupi rapaces: quos notare, deprehende- & 15.  
 re, cauere, ac ne peſtem exitialem importent, providere, im-  
 portatamque abigere ad Eccleſiæ cuſtodes pertinet. Quod  
 denique callidiſſimi, & atrociſſimi dæmones horum omnium  
 malorum auctores, ſuaſoresque, inſidias vbique ponunt, do-  
 los ſemper machinantur, vnde quaque tela comparant, ſua- Pet. epiſt.  
 dent aniles ſuperſtitiones, ingerunt impios ritus, voluptatum  
 lenocinia obijciunt, nouorum dogmatum zizania ſeminant,  
 plantationem Catholicæ, ac Romanæ Eccleſiæ, quam plan-  
 tauit Chriſtus, eradicant. Sane perſpicuum eſt, præſtanti Ec-  
 cleſiæ cuſtodes doctrina inſtructos eſſe oportere, paratolque  
 eſſe (vt D. Petrus docuit, & habetur cap. Qui Episcopos. 23.  
 diſt. c. Omnes pſallentes. 38. diſt.) omni petenti reddere ratio-  
 nem de ea, quæ in nobis eſt fide, ac ſpectetque vt potēs ſit ex- ad Tim.  
 hortari in doctrina ſana, & eos, qui contradicunt paganos, hæ-  
 reticos, dæmones arguere. Sunt enim ſexaginta fortes, qui le- Cant. 3.  
 ctulum Salomonis excubando ambiunt. habētque ſinguli en-  
 ſes ſuos ſuper femur ſuū propter timores nocturnos; eorumq;  
 arma (vt cum Apoſtolo loquar) ſpiritualia ſunt, non carnalia, 2. Cor. 10.  
 ſed potentia Deo ad deſtructionem munitionum, conſilia de-  
 ſtruentes, & omnem alititudinem extollentem ſe aduerſus  
 ſcientiam Dei, & in captiuitatem redigentes omnem intelle-  
 ctum in obſequium Chriſti. Tripartito quoque ſponſa Eccle-  
 ſia decore fulgere debet, morum, functionum, ordinum: hæc  
 enim eſt præſtantiſſima ipſius venuſtas, vt vere de ipſa dici  
 poſſit: Tota pulchra es, & macula nō eſt in te. At ne ſœdetur, Cant. 4.  
 ſponſus magnopere curare ſtudeat, ideoque virtutum, ac vi-  
 tiorum cauſas, differentias, effectus, vim, rationeſque optime  
 cum tenere; functiones purgandi, illuminandi, perficēdi, quæ  
 O 2 ſint,



sint, quorsum spectent, in quos conveniant, à quibus, quomodo præstentur, compertum habere oportet. In hanc rationem incidit exorcismorum catechesum, censurarum, iurium, poenarumque Ecclesiasticarum cognitio. Ordinis autem ratio in Ecclesia latissime patet. Ordo incipientium, proficientium, perfectorum; Ordo coniugatorum, viduarum, virginum; Ordo laicorum, clericorum; Ordo clericorum sacer, non sacer, regularis, non regularis. Ordo laicorum triplex, supremus optimatum, infimus vulgi, medius honorabilium, & qui sunt eiusdem generis. Quos omnes, eorumque discrimina, ac rationes perspectas eidem esse opus est, ut qua se ratione habere, ac gerere debeat, non ignoret; sublata enim horum omnium cognitione, tantum abest, ut sponsæ eximia species elucet, ut turpis potius foeditas horrida cōsequatur. Huc pertinere videntur sacramentorum administrationes, ac potissimum causæ ad matrimonium spectantes. c. 1. de cōsang. & affin. Indulgentiæ, concessionesque, ac iudicia. 16. q. 2. Vis. Pastor. 16. q. 2. Demum tripartita quoque pastione ex eodem egregio Doctor, oves Christi alet, augebitque sacrarum litterarum, factorumque decretorum pascuis, quæ aut prata sunt, aut colles, aut montes. Duri enim homines voluptatique carnis addicti, ex lege vitæ, ac disciplinæ præceptorum tantum cibo, ut in planitie ali debent; imbecilles vero, ac teneri, ut agnuculi, benignitate, ac misericordia ad amœnos dispensationis colles, ut ad tenella pascua ducendi sunt; perfectis autem, ac summo officio, & virtute præditis, vberima consiliorum, ac firma pascua, quæ ex editis sapientiæ montibus innascuntur, proponenda sunt; quemadmodum docet Apostolus: Perfectorum est solidus cibus, eorum, qui exercitatos habent sensus, ad discretionem mali, ac boni. Ex quibus perspicuum est, oportere Ecclesiæ pastores cognita habere præcepta, dispensationes, consilia, eorumque causas, dissimilitudines, effectus, rationesque, quibus hæc ipsa diuersis hominum generibus accommodantur. Quia quidem in re Summus Pontifex excellere ceteris debet. Abbas cum in cunctis de elect. cap. 1. de constitut. in.

ad Heb. 5.

tur. in 6. Alij præfides pro muneris sui varia ratione, plus, minusve. Abbates quoque, ceterosque regularium superiores eatenus callere diuinam legem, ac suæ institutionis regulam par est, vt subiectorum mores ad eam, quam professi sunt, rationem regulæ, institutionisque dirigere, ac moderari queat, ad æternitatisq; cursum ducere. Præclare namque summus religiosorum Pater præscripsit: Oportet doctum esse lege diuina, vt sciat vnde proferat noua, & vetera. Idem est iudiciū de ceteris, qui Abbatis, siue alterius maioris vices pro rata parte sustinent, Præpositi, Priores, Decani, Subpriores, Vicarii, alijque eiusdem generis: ea enim præditi esse scientia debent, quæ ad præclaram sui muneris functionem desideratur, si durissimum iudiciū, quod fiet his, qui præsunt, euadere studebunt. Ac de tota hac tractatione plane, dilucideque (nisi me ipsum fallo) disputatum est. S. Bened.  
in Regula

## CAP. III.

*Varia sententiæ conciliantur.*



ISSERENDVM nobis est contra eos, qui doctrinæ genus in Ecclesiastico pastore constituendo requirèdum esse concedunt, & de qualitate eius dissentiunt. Nam alij in eo diuinarum rerum eruditionem potissimum requirunt, alij Ecclesiasticarum legū doctrinam magnopere desiderant. Atque Offens.  
Abb.

hæc est vulgata illa quæstio, cū de Ecclesiastici præfidis electione agitur: Vter anteponendus sit, Iurisperitus, an Theologus? Ac nonnulli ad temporis rationem controuersiam reuocant, asserentes, eo quidem tempore, quò hæresis perniciosè grassatur, perfidixq; virus serpit, ad Theologum magis Ecclesiasticam præfecturam deferendam, quàm ad Iurisperitum: quippe cum ille quidem valeat his malis sua eruditione occurrere, contradicentesque arguere. Quidam autem idem ad Tim. I.

scn-

*Abb. c. 1.  
de cōs. ang.  
& affm.  
in c. licet.  
de prob.  
nn. 5.  
Calet. ac  
Solus.*

*Matth. 13  
& 3.  
Cant. 3.  
Matth. 23  
& 13.*

*1. ad Cor. 6*

*1. Pet. 10*

sentiunt, nisi quod loci esse habendam rationem censent: vt si eo in loco præfectus constituendus sit, in quo hæresum mala semina succrescunt; aut huic sit proximus, Theologus ibi præponendus est, non iurisperitus. Quod si in eo simus aut tempore, aut loco, in quo (vt aiunt) causæ ventilantur, ac lites, iurisperitum anteponendum astruunt; mixtum vtrique. Alij autem nullam aut temporis, aut loci rationem ducendam esse contendunt; sed Theologum vbique, ac semper esse præferendum: tum quia proprium pastoris munus est diuinam docere legem. Quocirca Apostolus, alios (ait) dedit pastores, & doctores. Itaque amplectentem eum, qui secundum doctrinam est, fidelem sermonem, vt potens sit exhortari in doctrina sana, & eos qui contradicunt, arguere: tum quia primis temporibus, quisquis ad Episcopatum initiabatur, an veteris, nouique Testamenti cognitionem teneret, rogabatur; non autem an Ecclesiasticos canones calleret: tum quod idcirco bicorni mitra ornantur Episcopi, vt vtriusque Testamenti doctrina præditos esse oportere significetur. de cognitione autem canonum nulla ratio subesse videtur. Tum denique, quod nulla temporis, aut loci ratio in terris esse potest, in qua ager sit Christi sine zizanijs; area sine paleis; campus sine spinis; virginum chorus sine fatuis; sagena piscium sine corruptis; has vero dissimilitudines internoscere; bonas tueri, malas reijcere, omninoque vel imminensem prauitatis cauere pestem, vel grassantē auertere, ecquis non Theologus potest? Causarum vero, ac litium cognitio tantum abest, vt meliorem ad discendorum conditionem faciat, vt remouendam potius à sanctissimo Pastoris munere censeant; exemploq; Moyfi, alijs operosam controuersiarum functionem demandandam, quo ipsi tranquillius, ac quietius orationi (vt D. Petri verbis utamur) ministerio verbi instanter vacent. Ac D. Paulus ait: Conemptibiles qui sunt in Ecclesia, constituit ad iudicandum. Enimvero aduersarius noster diabolus semper circuit, quærēs quem deuoret, nulla aut temporis, aut loci ratione exclusus. Quippe qui & in cælo, & inde ab initio præliabatur cum

Michæ-

Michaelē, & focis; & in Paradiso parentes nostros aggressus  
fuit, atque prostravit. Itaque sobrios esse oportet, & fortes in  
fide vigilare, eique resistere, accinctum semper, tenere gla-  
dium spiritus, quod est verbum Dei, ac in omnibus scutum  
fidei sumere, ut possint omnia tela nequissimi ignea extin-  
guere, quæ sane numquam vel per se ipsum intrinsecus,  
vel per suos ministros extrinsecus, diabolus omni & loco, &  
tempore contorquere in Christi gregem desinit. Igitur rerum  
diuinarum scientia semper est cum Pastoris ecclesiastici mu-  
nere per se coniuncta, causarum, ac litium cognitio minimum  
prorsus ad illum pertinet, ut vix, ac ne vix quidem nonnulli  
adduci debuerint, quo ex ea auctorum consensio quære-  
rent. Sed ne refutasse tantum aliena, nostra non constituisse  
videamur: asserimus, non tam loci, ac temporis, quam rei ra-  
tionem potissimum habendam; atque in primis accipiendum  
ab adversariis est, qui sint illorum sententia, iuris periti? qui  
Theologi? Nam si iuris peritos tantummodo eos censent, qui  
causarum anfractus persequi, litiumque cōtrouersias agitare  
sciunt, nimis abiectam, nimisque angustam eorum cogniti-  
onem faciunt, ac propterea non satis idoneos ad Pastoris Ec-  
clesiastici munus egregie obeundum. Si eos etiam Theologos  
vocent, qui certæ cuiusdam scholæ tantum vocabula tractant,  
dogmata profitentur, ignaros solidæ, ac veræ Theologiæ, quæ  
sacrarum litterarum primum; Apostolicarum traditionum,  
deinde, Ecclesiasticarum institutionum postremo cognitione  
nitiuntur; utrosque cenſeo ab Ecclesiæ Magistratu reijciendos.  
Sin autem iuris peritos eos habet, qui cum iuris cognitionem  
teneant, versantur sane in cognitione rerum diuinarum, sacra-  
mentorum ratione, tametsi non exquisita: zizaniaque à tritico  
seligere nouerunt, ut ex titulis multis in iure positis perspi-  
cuum est; ac minimam partem causas, ac lites curant; hos pro-  
be munere pastoris, quocumque loco, ac tempore fungi posse  
reor. Theologi quoque nomen, ac vim eis deferendam cen-  
ſeo, qui sacrarum rerum potissimum cognitione sunt prædi-  
ti, maiorum deinde constitutiones, sacramentorum admini-  
stra-

strationes, ac rationes perspectas habent, utcumque causarum, ac lium accuratam rationem ignorent, quod hæc ad pastoris munus non pertinent; egregie illud quidem obire possunt. Itaque utrosque tanto esse muneri pares decerno.

Nec tamen nego temporis, ac loci, atque adeo prudentiæ, & circumspectionis, tamen si cetera sint paria, præcipuam esse rationem habendam. Ac de

Pastoris cognitione, atque scientia  
hactenus; mox de prudentia.



## Liber Septimus .

## C A P. I.

*Quod necessaria sit prudentia.*

**N** E M I N I quidem dubium est, quin is, qui præfectorum Ecclesiæ rationes describit, eorum prudentiam, & solertiam in primis tradere debeat. Quandoquidem si rei huius cura prætermittitur, aut negligitur, magnum ex eo Christiana Respublica detrimentum capit. Ad quodque enim subiectorum genus Pastoris accommodanda est administratio; præsertim cum sui cuiusque hominis, ac status sint sui mores, certe animi propensiones, propria studia. Non enim eadem res sequuntur, sed aliam alij, magnæque in multis eorum viuendi generibus existunt varietates. In quo præfectorum necessaria est prudentia non vulgaris, quæque suis tantum rationibus consulat, sed heroica, ac proprie diuina; & quæ publice, & cuiusque ceterorum utilitati prospiciat. Ita enim docet Dominus: Fidelis seruus, *Matth. 24* ac prudens, quem constituit Dominus super familiam suam, ut det illis cibum in tempore. Itemque Apostolis, ceterisque *Matth. 10* successoribus præscripsit: Estote prudentes sicut Serpentes. Atque hæc virtus in omnibus magistratibus, ac maxime in Ecclesiasticis tanti est, ut haud sciam, an vel ipsa sola satis sit ad probe præfecti munus obeundum: certe hæc una ceteras continet omnes, ac magnopere in administratione necessaria est. Nam Arist. 3. lib. de Rep. ait: Prudentia una virtutum eius propria est, qui imperat, quoniam reliquæ eis qui præsunt communes sunt cum ijs, qui in eorum sunt imperio: in eo autem, qui paret, non prudentia, sed vera tantum eius opinio desideratur. Quocirca Salomonem regno potitum hæc unam expetiuisse sacræ litteræ narrant, in eaque præclaram administrandi Regnum rationem constitui. Prudentiam hoc loco, voco circumspectionem, cautionem, solertiam, discretionem,

P vsum;

vsus, ceteraq; eiusdem fere generis, quibus valet quis aptas, & idoneas rationes, ac (vt loquuntur) media internoscere, aptare, referre ad subiectorum tranquillum conuietum, rectamque institutionis disciplinam, & æternitatis adeptionem. Hinc D. Pater Benedictus sic ait: Omnia temperet, vt animæ saluentur, & quod faciunt fratres, sine murmuratione faciant.

*in Reg.* 1. *Tim. 2.* Apostolus quoque orandum esse pro magistratibus præscribit, vt tranquillam, & quietam vitam degamus. Et omnino hac vna virtute in omni & re, & actione, & persona Christiani prædis decorum assequemur, eiusdemq; muneris functionem idoneam tuebimur. Siquidem exuperantiam ac defectiorem vitabimus; duo vitia, quibus cuiusq; magistratus officia perturbari solent. Enimvero Patriarcha noster Benedictus (cuius vt testimonio optimum iudico) fuit enim (magno Gregorio teste) omnium iustorum spiritu plenus. is ita docet: In ipsa correctione prudenter agat, vt ne quid nimis. Itemque in ipsis imperijs suis sit prouidus, & consideratus, sine secundum Deum, siue secundum sæculum sint; opera quæ iniungit, discernat, & temperet, cogitans discretionem scilicet Iacob dicentis. Si greges meos plus in ambulando fecero laborare, morientur cuncti vna die. Hæc ergo, aliaque testimonia discretionis matris virtutum sumens, sic omnia temperet, vt sit & quod fortes cupiant, & infirmi non refugiant. Prudentia, igitur potissimum in ijs, qui ad Ecclesiam administrandam, asciscendi sunt, requirenda esse videatur. At sunt qui contra sentiunt, animique simplicitatem maioris esse momenti ad curam contendunt. Nam quis digne pastoris munere fungatur, nisi afflatu instruat diuino? hic autem animi simplicitati tribuitur sapiente teste: Cum simplicibus sermocinatio eius. Eodemque pertinet illud: Voluntas eius in his, qui simpliciter ambulant. Quocirca Christus Dominus simplices, idiotasq; elegit Apostolos. Ideoque D. Paulus, videte (ait) vocationem vestram, quod non multi sapientes secundum carnem, sed quæ stulta sunt, elegit Deus, vt confundat sapientes. siquidem per Vatem dixit: Perdam prudentiam prudentum.

Quasi

*Prov. 3.*  
*Prov. 11.*

2. *Cor. 1.*

Quasi vero eam modo prudentiam in Ecclesiastico Pastore desideremus, quæ simplicitati aduersaria est, quæque ab Apostolo prudentia carnis appellatur, omnia ad se callide referens, non potius eam, de qua D. Hieron. ait: Habes simplicitatem columbæ, ne cuiquam machineris dolos; & astutiam serpentis, ne alicuius supplanteris insidijs, quia non multum distat in vicio, aut decipere, aut decipi posse. Itemque prudentia absque simplicitate malicia est, simplicitas absque ratione stultitia nominatur. Ac D. Greg. explicans id Domini: Estote prudentes sicut Serpentes, & simplices sicut Columbæ, inquit. Vtraque bene in admonitione conuertit, vt simplicitas Columbæ astutiam Serpentis destrueret, & rursus Serpentis astutiam Columbæ simplicitas temperaret. Absit ergo ab eo omnis animi stoliditas, ac sensus hebetudo, quæ ab omni repellit Ecclesiastica præfectura 39. dist. cap. Petrus sit sagax, sit solers, sit perspicax; insidias caueat, machinamenta aduertat, laqueos deprehendat, excubetq; ad luporum rabiem eludendam, ad ouium salutem tuendam. Scriptum namque est. Vbi nõ est gubernator corruet populus. Hæc quoque D. Apostolus stupidam simplicitatem amouendam à fidelibus iubet. Nolite, inquit, pueri effici sensibus, sed malitia paruuli estote, sensibus autem perfecti sitis. Quin & Seneca docet: Prudens, si terminos suos excedit, callidus, & inuestigator latentium, & scrutator qualiumcumque noxarum ostenditur. maledico facto plenus, versipellis, & simplicitatis inimicus, commenerator est culparum, & postremo vnõ nomine a cunctis malus homo vocabitur, & in has ergo maculas prudentia im-mensurata perducet. Itaque ex ijs perspicuum est, quæ simplicitas sit in Pastore, quæ prudentia requirenda, quæque ab eodem vitanda.

Rom. 9.

Super O.  
scam.

PROM. 11.

1. Cor. 14.



## CAP. II.

*In quibus prudentia consistit.*

**P**RUDENTIAE lumen triplici ex causa oriri sapientes docuere, natura, ac potius diuino beneficio, recta institutione, ac disciplina, vsu, & exercitatione. Ac vt singula quæque per se non satis sunt ad prudentiæ absolutum munus obeundum, ita aliud alio extollitur, atque perficitur. Præcipue autem sacrarum precum studium assiduum pastori Ecclesiastico colendum est; quo sibi diuinum numen conciliare possit, illiusque afflatu illustrari, ac dirigi. Omnes enim virtutes à Deo manant, illiusque beneficio, ac munere recta administratio continetur. Disciplina autem, & institutio assidua eorum auctorum lectione, ac studio comparatur, qui de ecclesiarum administratione tractant, quorum numero post sacras litteras, & Conciliorum sanctiones primum locum obtinent duo Gregorij, & sanctissimi, & eruditissimi viri: primus in prima Apologia, alter in pastoralibus. Exercitatio autem functione, & diutina, & assidua continetur munerum, quæ cuique magistratui conueniunt. Huc spectat Apostoli præceptio: Nemini cito manum imposueris. Nā absurdum est vt quam maxime, ceterarum artium tractationem nemini, nisi bene, ac diu exercitato permitti; magistratum autem ecclesiasticum, qui præstat omnibus, in exercitatu committi. Ac illud quidem proprie ad hanc quam tractamus rationem, pertinet declarare, Magistratus Ecclesiastici prudentiam in triplici genere versari; in describendis legibus; in obiurgationibus adhibendis, præmijs, ac poenis constituendis; in varijs officijs distribuendis. Enimvero constitutis diuinis legibus, ac conciliorum Sacrorum sanctionibus, summorum Pontificum decretis, quæ Pastori Ecclesiastico omnino seruanda sunt, Synodum celebrare debet,

debet, in eaque tales ferre leges, vt horum sibi habendam rationem sciat, negotiorum, hominum, temporis, ac regionis. Ac præterea diocesis ei visitatio diligens in primis curanda est, vt negotiorum rationes, hominum mores, temporum varietates, regionis consuetudines dignoscantur, accommodatzq; ijs leges in Synodo describantur, edicta promulgentur, adhibeantur censuræ, adhortationesq; habeantur. Deinde, quod non eadem est ratio vtendum cum illis, qui pie, honeste, obedienterq; se gerunt, atque cum ijs, qui impie, intemperanter, procaciterq; vitam degunt, obiurgationes, exhortationesq; sunt variz adhibendæ, poenæ dissimiles constituendæ, diuersa præmia proponenda. Postremo, quoniam omnem abesse criminationem, ac murmurationem à fidelium coetu par est, Actuum 2. cap. officiorum, & onerum partitio facienda est, ita enim quilibet quieti studebit, immo vero proficiet, cum suum quisque quasi locum, ordinemque tenebitur. Quæ certe omnia, nisi à prudentiæ virtute, & herōica, ac ferme diuina illa quidem proficisci qui possunt? Quapropter de singulis quibusq; accuratam habendam nobis esse rationem oportet, nisi de visitatione, ceterisque eodem pertinentibus præclare admodum à plerisque tractatum esset, & in Concilio sacro Tridētino sanctum sess. 24. c. 2. vt hoc munere supersedendum esse videatur. Itaque de legibus, officijs, & obiurgationibus pauca differamus.

## CAP. III.

*De legibus constituendis*

QVONIAM de legibus accuratius alio, ac suo loco disputatum est, duo dūtaxat modo declarare opus est, quæ ex Aristotele in hanc qua de agimus, commentationem transferimus. Quorum primum est, vt legislator Eccelesiasticus

*lib. Polit.* fasticius non temere, ac leuiter, neque lucri cupiditate ductus, aut dominatus fastu inflatus præscribat leges; sed optime cognitis prius, præclareque perspectis populi sibi commissi rationibus, moribus, institutis, studijs, consuetudinibus, ceterisque eodem pertinentibus, quibus legum ferendarum peritia apta, ac vera ratio continetur, optimæ enim hæ sunt leges, quæ cuique aptæ sunt. Siquidem accommodandæ sunt (ait Philosophus) ad subiectos leges, cum feruntur, non ad leges subiecti, ut æquitatis ratio locum habeat, sine qua lex non sanctio est sancta, sed violatio profana. Ac ita demum præclare constitutas esse leges, quibus pareatur, arbitrandum est, si eorum saluti consulatur, non lucro, non imperio. Non dominantes (ait D. Petrus) in clero, sed forma facti gregis ex animo. Studeat (docet Patriarcha monachorum occidentalis) magis prodesse, quàm præesse. Item D. Paulus: Non turpis lucri cupidum. Ac sanctissimus Pater noster docet præclarissime, ante omnia ne dissimulet peccata, & c. cap. 2. Alterum est, ut legum multitudine abstineat, tum quod lex præclara, quædam descriptio, & ordo est, multitudo autem nimia, nec descriptione vlla, nec ordine apte continetur; tum quod ea, legum descriptio bona habenda est, cum eis pareatur: multitudini vero legum obtemperare admodum difficile est; sibi enim ipsis plerumque impedimento sunt. Iraque recte docet Arist. eam ducendam esse bonarum legum descriptionem, si scriptis legibus pareatur; atque hanc vnam constituendam, legem, ut seruentur leges. Tatum enim abest, ut profit bonas habere, ac salutares leges, neque eis parere, ut nihil fieri possit pestilentius; aditus namque magistratibus non parendi inducitur, & tamen maioribus obtemperare oportet. Obedite (ait D. Paulus) præpositis vestris. Quod quidem tum in omnibus rebus publicis agendum est, tum vel maxime in Christiana, in qua sanctissimæ, ac prudentissimæ leges à maioribus latæ sunt, ut nihil in hoc genere requirendum esse videatur. Probo autem, ut edicta describantur, ac promulgentur, quibus eius de quo legibus cautum est, populi admoneantur; ne aut

in

Incuria, aut obliuio obrepāt. Hæc autem non censeo multis (vt pleriq; solent) ecclesiasticis pœnis inconsiderate sancienda, sed accurata circumspectione, ac diutina consideratione adhibita, vtque subiectorum salus, ac magistratus decus requirit; vt minimum autem fieri potest, pecuniæ multa constituantur, quoniam opum cupiditate eos, non animarum zelo duci, suspicari quis posset. Ac primum ea, quæ ad religionis integritatem pertinent, vt de importandis, & exportandis libris, nouisq; imprimendis, describenda curent. Deinde in publicos blasphemos, vsurarios, concubinarios, festorum dierum violatores, incendiarios, ceterosq; eiusdem generis facinorosos eadem constituent, vt à sceleribus deterreantur, ad virtutis, ac pietatis studia impellantur. Postremo vt eos doceatur, quemadmodum ritus matrimonij ritè celebrentur, ordines conferantur, gradus, ac dignitates distribuantur, munera, & officia committantur, & exequantur. Atq; nunc quidem hæc in transeursu attigimus, quæ alij commorando diutius explicarunt.

## CAP. IV.

## De Correctione.



VONIAM præsentis vitæ ratio ea est, vt integrè officia seruare nemo se posse confidat: in multis (ait D. Ioannes) offendimus omnes: *Epist. 1.* necesse est, vt admonitores, atque adeo correctores multi sint, qui ad virtutem, ac pietatem errantes correctione reducant. Hi verò potissimum debent summopere huic functioni studere, qui Ecclesiastici magistratus munus exercent. Præscribit enim Apostolus: Argue, obsecra, increpa in omni patientia, & doctrina. Itemq; potens sit exhortari in doctrina sana: & eos, qui contradicunt arguere. Quare D. Augustinus: Si neglexeris corrigere; peior factus es, qui peccauit. Quamobrem de correctione, vt agamus oportet.

*Epist. 1.**Ad Tim.**Ad Tit. 1.*

oportet. Ac primum nominis est declaratio afferenda, quod ex eo doctrinæ vberimus fructus colligitur. Duo sunt verba, quæ ad hanc, de qua agimus, rationem pertinent, *corripio*, *corripo*. Vtrumque cordis emendationem significant; nisi quod *corripio*, cor rapere: *corripo* autem, regere cor, declarare videtur. Siquidem reprehensio, & obiurgatio, quæ verbis, & lenibus, & amantissimis fit, ad cor, animumque fratris devium regendum, accommodata ratione correctio nuncupari debet. Quæ vero præceptiva auctoritate, & imperio eundem in vitia prolapsum quasi adhibita vi, ad officium rapit, correctio iure appellanda esse videatur. Atque hinc fit fortasse, ut apta quadam ratione, eiusmodi emendationis duplex esse genus omnes sentiant, fraternæ vnum, iudicialis alterum: quæ inter se multis rationibus differunt. Nam hanc præstare iudicis munus requirit, illam paternus amor adhibere; quæ & idcirco Evangelica appellari solet: propterea quod eius in Evangelio modus describitur. Ac præterea ratio est in utraque dispar. Prima siquidem verba postulat lenia, atque ad præscriptum Evangelij ordinem moderanda est: altera obiurgatorijs verbis indiget, atque ad iuris distinctionem metienda est. Prima ex charitatis impulsu; altera ex iustitiæ munere adhiberi debet: prima peccantis fratris emendatione, ac salutem curat, altera, ne peccatum in aliorum perniciem serpat, providet: hæc ad magistratus tantum pertinet; illa omnes promiscue obstringit. Etenim ut charitatis est munus omnium saluti consulere, ita iustitiæ sunt partes remedia adhibere, ne cuiusquam improbitate, commune, publicumque bonum violetur. Vtriusque ex his definitio colligi apte sic potest. Fraterna correctio est admonitio, charitatis impulsu fratri à socio adhibita, ad Evangelij præscriptum, ut à peccato, quod ipsi exitium importat suscepto dolore resipiscat, officiumque sequatur. Iudicialis autem emendatio est, iustitiæ legibus à magistratibus facta, verbis, aut re cuique subiecto facinoroso, ne publicum bonum detrimentum capiat. Præclare autem D. Benedictus suæ regulæ cap. 23. de ijs agit. Id vero est summopere hoc loco animaduer-

*Matth.*  
*c. 18.*

*in Reg.*

mauertendum, quod hæc diuisio optinie constat, nec in dubium reuocari debet: quoniam magistratus locum patris sustinet, non fratris: ideoque aliud correctionis genus ponendū esse videatur, certe paternū. omnes enim in Christo (sint præfeti, sint subiecti) fratres sumus. Quamquam mihi optime probatur, vt Evangelicæ correctionis eiusmodi fiat diuisio: alia, fraterna: alia filialis: alia paterna: tam enim qui pari sunt iure, debent vicissim eius habere rationem, quam qui impari, modis tantummodo variandus est. Quippe cum pater liberiori cum filiis ratione agat; filij cum patre, modestiori, Apostolo dicente: Seniore[m] ne increpaueris: sed obsecra vt patrem. *1. ad Tim. c. 5.* Ac modo controuersias excutiamus. Ac primum in disceptationem adduci solet, præceptum hoc sit, an ne adhortatio tantū: ac præterea eius violatio lethalis ne sit, an leuis? De primo autem prompta est: ac certa solutio, præcepti vim habere: tum, quod his verbis præscribitur. Corripe &c. tum quod lege naturæ, ac diuina continetur, eadem in alterum à socio beneficia conferenda esse, quæ sibi conferri quisque velit. Atque in eiusmodi decreto omnes fere conueniunt. Siquidem potior est habenda ratio animi, quàm corporis. Eleemosyna autem, quæ ad huius vitæ, & corporis necessitates subleuandas dirigit, præcepto continetur; correctio vero animum curat, ac medetur. De altero accuratior est ratio ineunda. Nam aliter de Prælati[s] iudicandum est, aliter de ceteris, aliter de criminibus, aliter de leuibus, aliter de priuatis, aliter de publicis, & quæ sunt eiusdem generis. Quinimmo diuersa est ratio seruanda in iudiciali correctione, atque in fraterna. Constituendum est autem, quod ab omnibus asseritur, vtriusque præceptum esse affirmans, non negans, id est, iubendi vim habere, non prohibendi, atque idcirco obligationem inducere pro ratione temporis, loci, rerum, ac personarum, quæque sunt eiusdem generis, non autem simpliciter, & omnino. Nam primum incidunt plerumque tempora, vt omittenda esse correctio videatur. Idemque censendum de ceteris. Cum enim aut fratri nocet, aut otiosa manet, omittenda profecto videtur. Enim

Q uero

vero norma Euangelica ad charitatis rationem referri debet. Primum ne cui noceat: deinde vt fraternæ saluti seruiat; quo fit, vt si aut nihil nos profuturos, aut in deterius lapsurum fratrem probabiliter vereamur, correctionis omisso crimini minime detur. His adde, quod si peccantem vt virum probum, ac recti animi habeamus, seque circumspedurum, ac per se emendaturum existimemus, correctionis tunc omisso lethale noxam non affert. Omninoque cum aut necessitatis ratio in correctione præstada probabiliter deest, aut correctionis fructus verisimiliter non speratur, omittere eam iuste quisque potest. Deinde bonorum duo sunt genera, quæ in proximis nostris inueniuntur, cōscientia, atque fama: ex charitatis præcepto vtriusque habenda omnino est ratio. Sed quoniam excellentius est bonum conscientia, quàm fama: maior quoque eius cura suscipienda est. Præterea multo est publicum boni priuato præstabilius, ideoque hoc illi postponi semper oportet. Vt enim boni genus latissime patet, disparique gradu alterum alteri præstat: ita non eadem est ad illud quidem tuendum cura conferenda. Quocirca maximi beneficii loco ponis sponsa, quod in charitatis virtute, quam in ea sponsus potissimum exquiris, ordinem constituerit, dicens: Ordinauit in me charitatem. Cum igitur correctionis ratio omnis ex charitatis fonte dimanat, ad eius profecto ordinem moderanda est. Quibus ita constitutis controuersiar omnes excutiendæ, atque soluendæ sunt. Ac primum de leuioribus is habendus est delectus: vt aliud simpliciter leue sit aliud leue quidem, sed coniunctum discrimini prolabendi in lethale. De primis perspicuum est, nullam subesse necessitatem admonendi: neque vllā nisi leuem prætermissionis culpam. De alijs, quisquis correctionis fraternæ muneri deest, lethale crimen incurrit: seruatis tamen quæ antea constituimus. Et correctio quidem eiusmodi ab omnibus lege charitatis requiritur, quamquā à præfectis maiori quadam ratione: quippe qui præstantiori eius gradu accensi esse debent; immo vt in naturalibus, vicissim & agunt, & patiuntur, propterea quod singula quæque ad alterutrum,

CAN.

rutrum, plerumque re ipsa, plerumque facultate talia sunt: ita quoniam ad rectam rationem, vicissim & parere quidē, & imperare queunt, & corrigi & corrigere, nam simpliciter, & omnino non sunt pares. Quis enim negabit fieri posse, ut ij, qui maiori auctoritate pollent, consilio minus valeant, ideoque corrigi possunt ab ijs, qui potestate minus valent, consilio autem excellunt? Fraternalis igitur correctio ab omnibus, & in omnes exerceri iure & potest, & debet. Iam vero, ut transgressionis huiusmodi accuratius rationem ineamus, verba Christi Domini excutienda sunt: Si peccauerit in te frater tuus, &c. Nam ex ijs colligitur ambiguitatum multarum solutio. Ac primum animaduertenda est notio verbi. Si peccauerit; quæ præteriti est temporis, ut significetur, correctionem tunc quidem euangelica norma astringendam esse, cum peccatum est iam commissum: quoniam si imminet in futurum, delectus habendus est talis: ut si ipse par esse potest, ut sua monitione adhibita, frater peccatum non admittat, tunc non denunciaret, ne existimationi fratris noceat. Sin nihil se profuturum probabiliter credit, neque fratrem ab incepto se reuocaturum speret: tum nulla interposita mora denunciaret. Pluris enim, ut diximus, conscientia, quam fama facienda est. Deinde in te, inquit: hoc est, ut nonnulli exponunt, te sciente, & contra te solum. Nam in publicis criminibus & peccantis conscientia, & ceterorum, qui adsunt, læditur ob scandalum. Quocirca monitione omissa denunciari debet, tamen si correctio speraretur. Siquidem scandalo occurrendum est. Sed in hoc cautio seruanda est huiusmodi, ut si monens tanti esset, qui æque ac Prælati, utrique consulere posset, scilicet conscientia, & famæ: tunc denunciatione abstinendum esset: præterquam si Prælati iure suo utens, ut publicorum iudex, testimonium ab eo exigeret: hoc enim euentu denunciare obstructus esset, ne Prælati ius suum denegare videretur. Præterea si quis ita peccat, ut perniciem non in te, sed in alios machinetur; aut animi, aut corporis: quoniam non in te, sed in alios peccat, monitione prætermissa, denunciationem Prælati faciat. In

Q 2 hanc



hanc rationem cadūt proditio ciuitatis, seminatio schismatū, prædicatio hæresum, & si qua sunt eiusdem generis. Itaque præscriptus à Domino correctionis ordo seruandus quidem est in ijs dumtaxat, quæ & occulta sunt, & in auctoris, siue eius, qui scit, damnum recidunt. Quocirca secreta illa quidem admonitio antecedere denunciationem semper debet: non semel, sed sæpius, ac quamdiu spes est, ex ea peccantem se circumspiciendum, & emendaturum. Quod si ea nihil obtinet, Prælato ut singulari personæ facienda est: ac demum testes inducendi sunt, ut conuincatur se peccare (ut D. Hieronymus docet) vel ut monitorem officio se suo non defuisse ostendat. Quæ est sententia D. Chrysostomi. Quamobrem si ad pauca controuersiam volumus reuocare; is ordo constituendus est. Primo secreto moneatur. Deinde Prælato ut priuatæ personæ denuncietur. Tertio testes inducantur. Postremo si peccatum probari potest, Ecclesiæ, id est, Prælato, ut publicum munus sustinet, denuncietur. Atque hæc omnia præstanda quidem sunt, si correctio speratur. Prælatus autem iustis probationibus adhibitis, peccanti, ut resipiscat, præcipiat: qui si renuerit, & contumaciter se geret: tum excommunicationis gladio à ceterorum consortio separetur, & ut Ethnicus ab omnibus & habendus, & vitandus est. Concludendum est autem cum D. Augustino: Si propterea quisque obiurgandis, & corripiendis male agentibus parcit, quia oportunum tempus inquit, vel eisdem metuit, ne deteriores ex hoc efficiantur, vel ad bonam vitam & piam erudiendos alios impediunt infirmos, & premant, atque auertant à fide; non videtur esse cupiditatis occasio, sed consilium charitatis. Hactenus ille. Etenim corrector agentis est instar, corrigendus patientis; actio vero cuiusque in eo quod vim habet, ait Aristot. & in accommodata materia debet existere. Ac propterea ut oportet correctorem non temere, aut suo arbitrato correctionis officium impendere, sed temporis, loci, personæ, & quæ sunt eiusdem generis, rationes seruare; ita non voluntate, sed consilio, rationisque præscripto, iudicare opus est: An idoneus is omnino sit,

2. de Ani  
ma.

fit, aut tunc fit, ad correctionem suscipiendam. Qua quidem neglecta norma, si correctio aut adhibetur, aut negligitur, criminis noxa contrahitur. Audiamus D. Augustinum: illud culpabile est, quod hi, qui dissimiliter viuunt, & à malorum factis abhorret, parcunt tamen peccatis alienis, quæ dedecorare, & obiurgare deberent: dum eorum offensiones cauent, ne sibi noceant in rebus tēporalibus, dum delectat lingua blandiēs, & humanus dies, & reformatur vulgi iudicium, & carnis excruciatio, vel peremptio: hoc est propter quædam cupiditatis vincula, non propter officia charitatis. Neque vero de-  
 pelli ab hac veritate quisquā debet, quod nec Iosephum Patriarcham fratres peccantes, ante accusationem apud patrē monuisse, legitur: nec diuum Petrum ante illatam mortis poenam Ananiam, & Saphyram, cum tamen vtrorumque peccatum occultum esset. Nisi quod & Iosephum monitionem adhibuisse credi potest, vtrumque non legatur: ac melius respon-  
 detur, eorum peccatum fuisse publicum, quia accusauit D. autem Petrum auctoritate diuina, cui omnia, tametsi occultissima perspecta sunt, id ad sancendam recentis Ecclesiæ disciplinam egisse asseuerandum est. atque hæc satis.

Gen-  
 Atuum.

## C A P. V.

*De modo vtriusque correctionis.*



QVAM difficile sit correctionis studium, sacræ litteræ docent. Nemo potest corrigere quem Deus despexerit. Enimvero sit Pastor ingenio acutus, virtutis studio excultus, bonis artibus eruditus, religione castus, cognitione diuini, & Ecclesiastici iuris instructus, fieri non potest, ut absque diuini numinis ope, animal tam varium, tam multiplex, tã sui iuris tenax à semel suscepto vitio cohibeat, ad virtutis studium traducat. Recte sapiens: Nullum (ait) mo-  
 rosius est animal, maioriq; arte tractandum, quàm homo.

Ecclef. 7.

Seneca.

Quo-

in Regula  
cap. de  
Abb.  
ad Tim.  
4.

Prov. 18.  
Prov. 23.

Quocirca si pro dignitate correctio adhibenda est, Pastor assiduus precibus diuinam clementiam adire debet, & ut sibi tantum prudentiam lumen elucere faciat; flagitare; quo dissimiliam tam varia momenta internoscere, regere, ac moderari queat. Modus autem sapienter (ut omnia) à D. Patriarcha nostro præscriptus est cap. 1. Ldicente: In doctrina sua Abbas apostolicam debet illam semper formam seruare, qua dicit: Argue, obsecra, increpa, id est, miscens temporibus tempora, terroribus blandimenta, durum magistri, pium patris ostendat affectum. Idque explicans subiicit, id est, indisciplinatos, & inquietos debet durius arguere, obediens autem, & mites, & patientes, ut in melius proficiant, obsecrare. Negligentes autem, & contemnentes, ut increpet, & corripiat, admonemus. Neque dissimulet peccata delinquentium, sed mox, ut coeperint oriri vitia, radicitus ea (ut præualeat) amputet, memor periculi Heli Sacerdotis de Silo. Aliam præterea rationem transiens ait: Honestiores quidem atque intelligibiles animos, prima, vel secunda admonitione verbis corripiat; improbos autem, & duros, vel inobedientes, verberum, vel corporis castigatione in ipso initio peccati coerceat, sciens scriptum: Stultus verbis non corripitur. & iterum: Percute filium tuum virga, & liberabis animam eius à morte. Et paulo post: Rem arduam, & difficilem suscepit, regere animas, & multorum seruire moribus, & alium quidem blandimentis, alium vero increpationibus, alium suasionibus; & secundum vniuscuiusque qualitatem, vel intelligentiam ita se omnibus conformet, & aptet, ut non solum detrimenta gregis sibi commissi non patiatur, verumetiam in augmentatione boni gregis gaudeat. Ex quibus perspicuum est, carceris quoque rationem, ac fere triremium duci posse, eorum nominum significatione, verberum, vel corporis castigatione. Ac præterea duplicem habendum esse in correctionis modo delectum, hominum, atque criminum, statuendum est. De primo ex proxime expositis, & ex ijs, quæ in capite 23. 25. & 18. ab eodem sanciantur, doceris: de altero in cap. 24. Quibus locis omnia fere, quæ ad hanc pertinere rationem videantur.

deantur præclarissime tradita inuenies: nos breuitati studentes omittimus. Sed vt concludam, ex eodem habes: In ipsa correctione prudenter agat, vt ne quid nimis, ne dum nimis cupit eradere æruginem, frangatur vas, suamque fragilitatem semper suspectam habeat, memineritque calamus quassatū non conterendum. In quibus non dicimus vt permittat nutriri vitia, sed prudenter, & cum charitate ea amputet, prout cuique videbitur expedire. Prudenter (inquit) quia prudentia moderatrix est cum charitate; quoniam charitas est incitatrix. Hūc vt discipulus magistrū sequutus D. Bernar. docet: Oportet vt primo sibi vendicet compassionis affectus, alioquin in spiritu vehementi conterimus quassatum calamus, extinguimus lignum fumigans. Sed cum vterque aderit, videlicet compassionis affectus, & zelus iustitiæ, necesse est, vt adsit spiritus discretionis, ne forte cum oporteat hunc exhiberi, ille procedat, & indiscretio ipsa confundat vniuersa. Habeat itaque mensuram spiritum discretionis, vt miscens temporibus tempora, oportune æmulari, & nihilo minus ignorare sciat. Samaritanus sit, custodiens, & obseruās, quomodo oleum misericordiæ, quomodo vinum feruoris exhibeat. Eleganter Petrus Rauennas: Exhibe (ait) te Ioannem incestuosus, Matthiam apostatis, fornicantibus Phineem, Eliam idololatris, Petrum mentientibus, blasphemantibus Paulum, negotiantibus Christum; sed meminerint præfecti illud Senecæ: Nō minus turpia sunt Principi multa supplicia, quàm medico multa funera; quin, vt idē docet, obiurgationi semper aliquid blandi admiscendum: facilius penetrant verba quæ mollia vadunt, quàm quæ aspera. Sed ab eo potissimum abhorreere curent, quod sapiens eis grauissime præscribit. Princeps, qui libenter audit verba mendacij, omnes ministros habet impios. Nihil enim est, quo facilius cuiusque magistratus, nedum ecclesiastici rectū munus euetatur, quam hac ipsa audiendi facilitate. Mendacij autem, quod ad præsentem tractationem pertinet, duplex est genus. Crimnatio vnum est, assentatio alterum. Tam enim grauiter offendit rector Ecclesiasticus, si assentatores sint apud eum.

in.

in honore, ac pretio, quàm si criminatores apud eundem faciles habeant aditus. Ab utroque enim genere raro, aut numquam mēdacium abesse solet. Quid enim assentatio est, quam studium, nimia, & plerumque indebita laude alios delectandi, lucri, vel gratiæ aucupandæ causa? Inest igitur semper mēdacium, etsi non rei, certe modi, ac finis. Criminatio autē caldida est, & malitiosa confictorum criminum, aut occultorum in aliquos, quasi per zelum, delatio, causa adducendi eos in invidiam, atque odium. vel pressius. Malitiosa, & mendax infamatio, id est ex peruerso, deprauatoque animo oblocutio, ac famæ læsio, nulla, aut minima veritatis habita ratione. Quoniam autem non modo res sacra, sed diuina, veritas est, merito eius violatores impij hac sententia decernuntur. Si ergo ij, qui rerum summam tenent, aut prauitate naturæ, aut institutionis vitio, aut improbo vsu, aut electione mala, ita se comparant, vt assentatorum blanditijs facile capiantur, ac perditorum criminationibus delectentur, heu quanta rerum perniciēs cōsequitur! Tu, ac enim scelestissimi quique, ac malis his artibus imbuti, officij simulatione sese in illorum gratiam latenter insinuant; & vt venatici canes, quam sagacissime fieri potest, odorantur, quibus rebus, is qui præsidet, maxime delectetur: id autem vbi penitus exploratum habent, naturam suam, vultus, verba, ad illius libidinem effingunt, fictis laudibus vt suum scalpunt, callidis obtestationibus prauæ affectum animum incitant, ac (vt semel dicam) quia his morbis oppressum eundem cernunt, vt eisdem studijs, ac vitijs afines sint, vehementer laborant. Ita enim sunt versipelles, vt in quamcumque faciem velint, se facile conuertant. Hac igitur affinitate homines nefarij præsidis gratiam aucupantur; ac tandem eadem vfi calliditate administrandarum rerum auctoritatem consequuntur, ac de cuiusque apud præsidem gratiosi perniciē assidue impijssima consilia ineunt. Verissima igitur sententia est, quod is, qui ex mendacij verbis, certe assentationibus, & criminationibus voluptatem capir, ministros habet impios, profecto veritatis proditores, ac iustitiæ euer-

tuerfores. Recte Propheta asserit: corripiet me iustus. Ac de  
 altero sapiens Seneca: Difficilem oportet habere aurem ad  
 crimina. Ac tantū abest, vt libenter eos admittere debeat, vt  
 solitum dicere Domitianum potius audiat: Princeps; qui do-  
 latores non castigat, irritat. Nullum igitur esse institutum po-  
 test hoc ipso ad rectam administrationem accommodatus.  
 Administros igitur multos sibi adsciscat, vt cuiusque & meri-  
 tum postulat, & muneris ratio præscribit; assentatores, & ob-  
 tréctatores odio persequatur, pœnis afficiat. Quocirca Dauid  
 vera cuiusque magistratus forma assererat: Detrahentem se-  
 creto proximo suo, hunc persequabar. Declinate à me mali-  
 gni. Hæc ad hominum variam rationem; modo de crimi-  
 nibus. Quæ peccantur coram hominibus, & coram omnibus  
 (D. Augustinus ait) coram omnibus corripienda sunt, vt om-  
 nes timeant. Qui secreto peccant, eos secreto corripe. Nam  
 si solus nosti, & eos vis coram alijs arguere, non es corrector,  
 sed proditor. Eodem pertinet id D. Gregorij: Manifesta pec-  
 cata non sunt occulta correctione purganda, sed palam sunt  
 arguenda quæ palam nocent. Aliter ergo alia ætas, alia pro-  
 pensio, alia conditio, alij mores tractandi sunt, & cuique ho-  
 minum generi, criminum diuersitati, temporis, loci dissimili-  
 tudini accommodatū est; ita cura varia adhibenda est. Aegris  
 (inquit) Cassiodorus non vna causa salutis: alter in his refici-  
 tur, alter per abstinentiæ beneficia tenuatur; hic lauacra mol-  
 lia, ille ferrum querit ad vulnera, & varia poscit remedia di-  
 uersa qualitas passionum: feroces distictione premendi sunt,  
 mansueti ciuilitate admonendi, dolosi caute, simplices sub le-  
 uitate tractandi sunt: & ideo vbique necessaria probatur esse  
 prudentia, quæ rebus omnibus adhiberi debet accommoda.  
 Eo pertinet illud sanctis. Patris nostri Benedicti: Faciat vt sa-  
 piens medicus, si exhibuit fomenta, si vnguenta adhortatio-  
 num, si medicamina scripturarum diuinarum, si ad vltimum,  
 vitionem excommunicationis, vel plagas virgarum, & si vi-  
 derit nihil præualere, industriam suam adhibeat, etiam quod  
 maius est, suam & omnium fratrum pro eo orationem, vt Do-

De verbis  
Domini.In regi-  
stro.

Epist. 9.

R minus

minus, qui omnia potest, operetur salutem circa infirmum, fratre. haecenus ille. Id & Tacitus vidit. Ne corporis (ait) quidem morbos veteres, & diu auctos per dura, & aspera coercere, corruptus simul, & corruptor; æger, & flagrans animus haud leuioribus remedijs restringendus est, quam libidinibus ardeat. Ac tandem, vt semel concludam, omnis & correctio, & animaduersio, & castigatio vacare ira, odio, vacare contumelia debet, arque ad eius, qui punitur, aut verbis castigatur, salutem, ac potissimum ad Christianæ Reip. vtilitatem referre oportet, vt ex canonicis sanctionibus § 6. distin. cauetur. Nec aliud.

## C A P. VI.

### *De distributione munerum.*



Vnde varia sint in Ecclesiastica administratione munera, non satis perspectum est, vni, an ne multis eorum sit functio committenda. Nam quo magis est imperium ad vnitatem redactum, eo & melius est, & diuturnius, ideoque ad vnum omnia esse munera referenda videatur. Ob eam enim causam in

multis Christianæ Reip. familijs religiosis vnus tantum aut Guardianus, aut Præpositus, aut Prior (vt loquuntur) constituitur, vniue ipse imperandi ratio conceditur, ceteris parendi; ita enim putat omnem seditionum, discordiarumque adiutum omnino præcludi. contra Aristoteles ait: Vitiosum est eundem multos magistratus gerere, quod apud Carthaginenses gloriæ ducitur; vnus enim vnum munus, & officium optime exequitur. Absurdum namque censetur, vt idem tibicen sit, & futor: à pluribus ergo & melius, & celerius muneris administratio conficitur. Quod in bellicis, nauticisque muneribus perspicui licet, in quibus per omnes diffusa est imperandi, parendique ratio. Ecclesiæ autem administratio proxime ad bellicam,

*Politic.*

*lib. 2. c. 10*

bellicam, nauticamq; rationem accedit. Estote (dicitur Apostolis) fortes in bello. Itemque D. Paulus: Non est nobis colluctatio aduersus carnem, & sanguinem, sed aduersus potestates c. Nulla quoque est eiusdem accommodatior figura, quam nauis. Etenim ut omnis Reip. interitus in munerum perturbatione consistit; ita eius salus in eorum apta distributione continetur. Quo nomine familiaris nostrae institutionis ratio merito commendatur, in qua non modo Praepositurae, ac Decanatus munus sanctissimus legislator ad Abbatis subsidium constituit, sed etiam minimas quasque administrationis functiones miro & modo, & ordine distribuit, omnesque ex vnius Abbatis arbitrio pendere sancit; in quo & monarchiae, & optimatum, & populi administrationis praecleara admixtio cernitur, quod pluribus ad honores aditus patet; eoque fit ut praeclearissime cum illa agatur. Si ergo cuiusque muneris administratio ab vno, eodemque exerceri praescribatur, magna rerum perturbatio, & confusio consequatur necesse est: siquidem qui plura onera subit, & oneribus ipse succumbit, aliosque aptos, atque idoneos cum magna publici boni perniciem repellit. Quamobrem hic sensus explodendus est, iste ad auctorum conciliationem complendendus; ut ad vnum quidem rerum summa referatur, pluribus earum functio, & administratio demandetur. Hanc rationem Moyse inuendam esse Iethio sacer suus hortatus est, dicens: Non rem bonam facis, stulto labore consumeris & tu, & populus iste, qui tecum est: ultra vires tuas est negotium, solus illud non poteris sustinere, constitue tribunos, ceterutiones, quinquagenarios, & decanos, &c. Atque in hac re longus esse non debeo, quoniam iure ipso pontificio de singulorum munere eorum, qui Episcopis subsidio esse debent, sancitum est; De Archidiacono, de Archipresbytero, de Custode, de Vicariis, & Generalibus, & Foraneis, ceterisque alijs; ac praesertim quod ipsi lustrare omnia proprijs oculis nequeunt, in singulis parochijs deligunt certos, ac probatos viros, qui inuestigent, an populus vitam cum vera & pietate, & honestate ducat, an aliquid sit, quod ipsorum cogni-

ad Eph. 4

Exod. 18



tionem, & medicinam desideret: an aliquid, quod corrigi, & emendari debeat; quæque compererint, fideliter ad eos deferant, ut opportune ijs valeant occurrere. Qui, ut ea, quæ de De-

*in Regula* canis sanctis, noster Patriarcha sapientissime constituit, omnibus accommodet: Tales eligantur, inquit, in quibus securus Ecclesiasticus præses partiatur onera sua, & non eligantur per ordinem, sed secundum vitæ meritum, & sapientiæ doctrinā. Nulla autem ex re & maiorem, & tutiorem sui egregie muneris fungendi rationem constare nouerint, quàm ut conuentus fiant proborum, & eruditorum virorum cuiusque ordinis: regularium quoque in eis exquisita ratio habeatur, accurata deliberatio suscipiatur de singulis, & malis, & bonis, ut de sancta inquisitione, de rudibus Christiana doctrina instruendis, de visitationibus, de ritibus, & cærimonijs, de sodalitatibus, de confessoribus, de promouendis ad ordines, deque ceteris, quæ ad pietatis, honestatisque studium excitandum, amplificandum, tuendumque pertinent. Sacra enim oracula docent: Salus, ubi multa consilia.

PRON. 11.

F I N I S.

INDEX

# INDEX RERVM. ET VERBORVM.



**A**RON & filij sacer-  
dotes & quando sol. 16  
Abbas quid sit. 13  
Abbas Cauensis potest  
congregare synodum. 56

Abbas Cauensis liber Diocesanus, &  
ordinarius 54  
Abbas Casinensis, & Cauensis habent  
proprium territorium. 33  
Abbas Casinensis, & Cauensis habent  
omnimodam iurisdictionem Episco-  
palem. Ibid.  
Abbas Cauensis potest exequi litteras  
apostolicas, & gratia, & iustitia,  
etiam in matrimonialibus. 56  
Abbas Cauensis potest Chrisma confer-  
re. Ibid.  
Abbas Casinensis omnium orbis, et Vr-  
bis Abbatum praeipuus. Ibid.  
Abbates quando excusantur à residen-  
tia. 89  
Abbates liberi non possunt dici exem-  
pti. 54  
Abbates liberi, & proprium territorij  
habentes Diocesani debent censeri. 52  
Abbatis officium in gubernandis mo-  
nachis quod nam & quale esse de-

beat. 61  
Abbatum multiplex differentia. 31.  
& 52  
Abbatum diuersa auctoritas. Ibid.  
Abbatia quid sit. 18  
Absolutio à peccatis à quo, & quare. 49  
Absolutio sine Sacramento cui compe-  
tat. 17. & 18  
Absolutio ministrum à quo sit. 18  
Abusus rerum Ecclesiasticarum quis,  
& qualis. 91. & 92  
Abusus Praelatorum in aedificijs & su-  
pellestilijs. 65. & 66  
Actio an sit melior contemplatione. 73  
Administratio Reip. triplex. 32  
Administratio non dominium rerum.  
Ecclesiasticarum Episcopis & ceteris  
clericis concessa. 90. & 91  
Ambitio quam pestiferum sit malum,  
eiusq; descriptio. 62  
Ambitosus quis dicatur. 47. & 62  
Angeli praepositi hominibus. 13  
Angelorum tres hierarchia, & qua-  
re. 9  
Anuli, Mitra, & Baculi Episcopalis  
mystica interpretatio. 42  
Appetentia dignitatum quam mala. 67  
Aqua, & sanguis cur ex Christi latere  
effluxerint. 18  
Archiepiscopi auctoritas qualis, &  
quid



# I N D E X.

mittendi collationem Chrismatis, & minorum ordinum.	50. & 51	Correctio unde dicatur.	119
Conciliatio quaestionis an Apostoli fuerint pares.	34. & 35	Correctio quid sit.	120
Conciliatio quaestionis de relinquendo Episcopatu.	82	Correctio duplex.	ibid.
Conciliatio quaestionis de potestate Papae, & aliorum principum.	39. & 40	Correctio fraterna quid sit.	ibid.
Conciliatio quaestionis, an auctoritas Episcopi sit de iure divino.	46	Correctio iudicialis quid sit.	ibid.
Conciliatio quaestionis de virtutibus superiorum, & inferiorum.	58	Correctio euangetica quoduplex.	121
Conciliatio quaestionis in quo signo datur Episcopo potestas.	59	Correctio hominum quare difficilis.	125
Conciliatio quaestionis de differentia sacerdotis, & Episcopi.	56	Correctionis praeceptum est affirmativum, & quare.	121
Conciliatio quaestionis de residentia.	88	Correctionis fraterna, & iudicialis differentia.	120
Conciliatio quaestionis de dominio rerum ecclesiasticarum, & fructuum.	92	Correctionis modus quis est.	122
Conciliatio quaestionis de usu rerum ecclesiasticarum.	91	Corrigere alios quam difficile.	127
Conciliatio quaestionis de laico imperio an conveniat clericis.	97	Corruptio unde dicatur.	119
Conciliatio quaestionis an scientia magis quam probitas requiratur in prelato.	103	Corruptio quid sit.	120
Conciliatio quaestionis de quantitate doctrinae in Ecclesiastico Magistratu.	106	Criminatio quid sit.	128
Conciliatio quaestionis quis praefertendus Theologus an Iurista.	110	Cura animarum quam difficillima.	64
Conciliatio quaestionis an prudentia sit necessaria praelatis.	115		
Conciliatio quaestionis de correctione.	122		
Conditio personae quando excusat à residentia.	89		
Conscientia potior quam fama.	113		
Corpus Christi duplex.	12		

## D

Definitio cuiusque superioris.	58
Definitio domini.	8
Definitio servitutis.	ibid.
Definitio subiectionis.	ibid.
Definitio legis.	4
Definitio potestatis.	11
Definitio potestatis ecclesiasticae.	14
Definitio sacerdotis.	22
Definitio Episcopi.	28
Definitio Papae.	51
Definitio cuiusque magistratus.	58
Definitio Fidei.	13
Definitio iurisdictionis Episcopalis.	57
Definitio magistratus.	8
Definitio sanctitatis.	62
Definitio correctionis fraternae.	120
Definitio assentionis.	128
Definitio criminationis.	ibid.
Definitio heroearum virtutum.	10
Definitio divinarum virtutum.	61

Defi.

# I N D E X.

Definitio deuotionis, & orationis.	63	Electus qualis debet esse.	ibid.
Delinquentes, varie pro varietate criminum puniendi.	129	Eleemosyna de quibus, & quibus fieri debeat.	91
Deuotio, & oratio filia sanctitatis.	63	Episcopi nouem ornamenta.	28
Deus omnium dominus, & quare.	11	Episcopi nouem functiones.	ibid.
Differentia inter simplicem sacerdotē, & Episcopum.	28	Episcopi auctoritas duplex.	48
Differentia inter correctionem fraternam, & iudicalem.	110	Episcopi doctrina quanta & qualis.	105
Dignitas Episcopalis in quibus elucet.	26	Episcoporum & Archiepiscoporum discrimen.	52. & 57
Dioecesis quid sit.	54	Episcoporum potestas indelebilis quo signo datur.	30
Diuisio potestatis ecclesiastica varia.	18	Episcoporum varia nomina.	41
Diuisio potestatis diuersi generis Abbatum.	51. & 52	Episcoporum tria potissimum nomina.	43
Diuisio triplex correctionis euangelicæ.	111	Episcoporum, & Patriarcharum differentia.	52. & 57
Diuisiones variæ potestatis ecclesiasticæ sub euangelio.	17	Episcoporum quanta solertia esse debet circa oues.	106
Dominium quid sit.	8	Episcoporum functio triplex.	83
Dominium quotuplex sit.	4	Episcoporum solertia circa pauperes.	83
Dominium rerum ecclesiasticarum cuius sit.	90	Episcoporum leges quales.	18
Druidæ Gallorum sacerdotes.	16	Episcopus quid sit.	28
		Episcopus unde dicatur.	42
		Episcopus quare accipit mitram, baculum, & anulum.	42
		Episcopus qualis esse debeat.	38. 59. 62
		Episcopus quomodo potest abesse à suo Episcopatu.	86
		Episcopus debet esse prudens, & quare.	113
		Episcopus curam animarum variis modis exercere debet.	117
		Episcopus debet diligenter correctioni morum intendere.	119
		Episcopus potest vicarios & alios sibi substituere.	121
		Episcopus quam charitatem debet habere.	75
		Episcopatus quid sit.	28

Fp̃i.

<b>E</b> cclēsia quid sit.	3
Ecclesia quotuplex sit.	Ibid.
Ecclesia est vna, & quomodo.	32
Ecclesia Dei triplici decore fulgere debet.	107
Ecclesia porta quomodo aperiuntur, & clauduntur.	36
Ecclesiæ duplex caput, & quomodo.	33
Ecclesiæ duplex fundamentum.	38
Effectus legis non potest habere locum ubi verba legis non conueniunt.	53
Electio quomodo fieri debet.	73
Electio quid sit.	77

# I N D E X.

<i>Episcopatus dimittendi tres causa.</i>	81	<i>Hominum duo precipua officia.</i>	13
<i>Eus quare ex latere Adami.</i>	2	<i>Hominum genus duplex quoad mores.</i>	64

## F

**F**acultates ecclesiarum cuius sunt. 91

*Fama proximi in correctione ratio habenda est.* 122

*Finis cuiusq; magistratus.* 2

*Finis ecclesiastica potestatis quid sit.* 21

*Finis ecclesiastica potestatis quotuplex.* ibid.

*Flamines sacerdotes Romanorum.* 16

*Fructus, & redditus ecclesiarum cuius sunt.* 91

*Functio praelatorum qua.* 77

*Functiones Episcoporum tres.* 83

## G

**G**enus vnus cuiusq; quid sit & agat. 9

*Genus regnandi triplex.* 32

*Gradus Episcoporum quatuor.* 30

*Gradus quadruplex auctoritatis Christi.* 18

*Gymnosophista, & Brachmanes sacerdotes Indorum.* 16

## H

**H**eresis quid facit. 40

*Heresis etiam suspicio in praelatis cauenda.* 62

*Heretici vitandi, & quare.* 42

*Heretici quibus vijs soleant simplices seducere.* 106

*Hominum alij serui, alij domini, et quare.* 5

*Hominum officia qua sint.* 13

*Hominum ad praelaturam accedentium genus quadruplex.* 69

*Homo obstinatissimus in admittenda correctione.* 125

*Hofles Ecclesia tres.* 106

*Humilitas quid sit.* 64

*Humilitas decet Episcopum.* 63

## I

**I**etro Moyse praelatum dat consiliu, vti munera Reipublica distribuunt. 131

*Impedimentum Praelatorum a residentia quotuplex.* 81

*Impedimentum ad praelaturam quotuplex.* 8

*Impedimentum ad residendum quotuplex & quid sit.* 88

*Imperium mente, & consilio regitur.* 12

*Imperium summum Deus habet.* 11

*Imperatoris Constantini largitas laudatur.* 97

*Inimicitia quales excusant a residentia.* 81

*Innocentia quid sit.* 62

*Insidia varia contra ecclesiam.* 112

*Interitus Reipublica in perturbatione munerum consilii.* 131

*Iurisdictionis potestas quid sit.* 17

*Iurisdictionis potestas quotuplex sit.* ibid.

*Ius seruile a peccato.* 4

*Ius civile a natura.* ibid.

*Ius seruile, & civile quomodo differunt.* ibid.

*Ius diuinum quid sit.* 46

## S

## IN

# I N D E X.

<i>Iurisdictio laica ad quem spectat.</i>	96
<i>Iurisditionis laicae usus ad quem spectat.</i>	30
<i>Ius Divinum declarare quis potest.</i>	87
<i>Iuris peritus quis sit.</i>	111

## L

<b>L</b> <i>aica potestas ad quem spectat.</i>	96
<i>Laica potestas quid sit.</i>	14
<i>Leges quomodo tradenda.</i>	118
<i>Leges pravae quae sunt.</i>	40
<i>Leges ecclesiasticae de quibus debent esse.</i>	119
<i>Legis finis quis est.</i>	74
<i>Legis definitio.</i>	2
<i>Legis ferenda vera ratio quae sit.</i>	118
<i>Legislator ecclesiasticus qualis esse debeat.</i>	ibid.
<i>Legum multitudo non est bona.</i>	ibid.
<i>Lex mutus est magistratus.</i>	2
<i>Lex nova generaliter emendans, non transferitur ad res, aut personas à veteri lege definitas.</i>	73
<i>Lex quid sit.</i>	118
<i>Lex qua continere debet.</i>	ibid.
<i>Lex vera quae sit.</i>	ibid.
<i>Liber naturaliter quis sit.</i>	2
<i>Loci vicinitas an excuset à residentia.</i>	89
<i>Locus Dni Pauli explicatur de auroritate ecclesiastica.</i>	14
<i>Locus scripturae si peccaveris in te frater tuus quomodo intelligendus.</i>	123
<i>Lupi contra Ecclesiam qui sunt.</i>	107
<i>Lutherus refellitur de differentia Episcoporum, &amp; sacerdotum.</i>	24

## M

<b>M</b> <i>agi Persarum sacerdotes.</i>	16
<i>Magistratus ecclesiastico licere</i>	

<i>vi gladio saculari quomodo intelligitur.</i>	98
<i>Magistratus ecclesiasticus in exercitiis non est committendus.</i>	117
<i>Magistratus quid sit.</i>	2
<i>Magistratus vita quae.</i>	39
<i>Magistratus quando, &amp; quo iure.</i>	314
<i>Magistratus quatuorplex.</i>	6. 7
<i>Magistratus officium quod est.</i>	1
<i>Magistratus ecclesiastici multa nomina.</i>	42
<i>Magistratus tria observare debet.</i>	75
<i>Magistratus ecclesiasticus quatuor habere debet.</i>	24
<i>Magistratus est lex loquens.</i>	2
<i>Magistratus ecclesiasticus quando, &amp; quo auctoritate instituitur.</i>	117 seq.
<i>Magistratus officium duplex.</i>	90
<i>Magistratus plures an vni imponendi.</i>	130
<i>Mercenarius quis, &amp; quomodo.</i>	47
<i>Modus verus acquirendi Episcopatum.</i>	47
<i>Modus correctionis qualis.</i>	126
<i>Modus regendi homines duplex.</i>	64
<i>Monasterii Cavenensis praestantissima dignitas.</i>	55
<i>Monasterium Cavenense singularibus praerogativis insignitum.</i>	55
<i>Monasterium Cavenense liberum, &amp; in proprio territorio.</i>	ibid.
<i>Mulieres nec servae nec dominae esse debent virorum.</i>	2
<i>Munera ecclesiastici ministri duo.</i>	22
<i>Munera sacerdotum duo.</i>	101
<i>Munera episcopalia in triplici consistunt ordine.</i>	77

## N

<b>N</b> <i>ecessitas residentiae ex tribus.</i>	84
--	----

Negotio

# I N D E X

Negatio Petri qualis.	33	in omnes homines.	97
Negotiorum qualitas quæ excuset a residendo.	88	Papa potest tribus de causis Principes regno privare.	40
Nomina ornamentorum Episcopatum.	28	Papa, & sacerdos simplex in quo sunt æquales.	49
Nomina varia Episcoporum.	41	Papa potest simplici sacerdoti conferre auctoritatem chrismandi, & ordi- nandi.	50
Nomina sacerdotum diversarum na- tionum.	16	Papæ auctoritas quid sit.	37
Nubes sunt pastores.	74	Papæ est approbare, vel reprobare ra- tionem non residendi.	89
O		Papæ eminentia super alios quadruplex 35 & 36	
Officia Episcoporum sunt tria: 77		Papæ auctoritas qualis, & quantæ. 39. & 40	
Officiorum distributio necessaria est prelato, & quare.	57	Pastor dicuntur pastores, sed nō spon- si.	43
Officium cuiusque magistratus quor- sum, & quid.	17	Pastor quis est.	85
Opinio de Episcopi auctoritate triplex.	43	Pastoris officium.	84. & 85
Opinio de seruo, & domino triplex.	4	Patriarchæ quid sint.	32. & 37
Oratio quid sit.	63	Patriarcharum auctoritas quid sit. 32 & 37	
Oratio continua est necessaria Episco- pis.	116	Patrimonia pauperum sunt facultates Ecclesiarum.	91
Ordo dupliciter dicitur.	26	Peccans publice statim debet denun- ciari, & quare.	123
Ordo natura, & gratiæ differunt.	28	Peccata quamvis statim denunciari debeant.	124
Ordo in Ecclesia multiplex.	108	Peccatum veniale dupliciter:	122
Ordinatio quare dicatur gratia.	30	Perfectio cuiusque rei in quo est.	59
Ordinis potestas quid sit.	17. & 18	Pericula gravissima imminent omnibus Christi.	106
Ordinis ratio est multiplex.	108	Petra duplex.	38
Ordinis potestas in quo versatur.	20	Petro maior quam alijs Apostolis au- thoritas data est.	33
Ornamenta Episcopalia quot sunt.	28	Petrus & ceteri Apostoli pares, & di- spares quomodo.	34
Ornamentum Ecclesiæ triplex.	107	Petrus etiam Apostolorum caput, & quomodo.	ibid.
Ornamentorum sacerdotalium veteris legis, & Episcoporum comparatio.	28	Petrus quomodo negaverit Christum.	39
Ornamentum ad dignitates quid sit.	47		
Oves pascendi in Ecclesia ratio triplex.	108		
P			
Papa quid sit.	57		
Papa habet summum imperium.			



# I N D E X.

Petrus Canensis cur reliqueris Episcopatum.	28	tia exercebat.	15. & 16
Perturbatio munerum causatur Reipublica interitum.	121	Princeps duo potissimum vitare debet.	127
Philosophi apud Græcos sacerdotia administrabant.	16	Principes olim cur tot bona præmia, & terras donauerint ecclesiis.	28
Potestas quid est.	13	Principis virtus quid sit.	69
Potestas quotuplex est.	ibid.	Principum multatudo præmi regiminis est causa.	10
Potestas ecclesiastica quid est.	14	Privilegia Canensis monasterij non pugnant cum decretis Conc. Trid.	56
Potestas ecclesiastica quotuplex.	15. & 16	Privilegium conferendi chrisma, & ordines à quo, & quibus concedi potest.	12
Potestas ecclesiastica a quo tempore.	17	Prudentia in quibus versatur.	116
Potestas ecclesiastica evangelica quotuplex.	16	Prudentia cuius est potissimum virtus.	113
Potestas excellentia quid sit.	17. & 18	Prudentia quid sit.	113
Potestas auctoritatis quid sit.	18. et 19	Prudentia tripliciter acquiritur.	116
Potestas ministrorum quid sit.	ibid.	Prudentia triplex genus, civile, heroicum, & diuinum.	119
Potestas ordinis quid sit, & quam faciat.	20		
Potestas laica quæ sit, eiusque officium	13		
Potestas ecclesiastica quorsum spectat.	15		

## Q.

Potestas omnis à summo Pontifice, & quomodo.	37	Quæstio an liceat episcopatum relinquere.	79
Potestas Regum, & aliorum Principum qualis.	39	Quæstio de appetitu Episcopatus.	66
Potestatis ecclesiastica differentia.	16	Quæstio an liceat episcopatum recusare.	71
Praelatus viatur severitate, & clementia.	65	Quæstio de auctoritate episcopi.	45. & 46
Praelatus elemosynam tribuas, & quibus.	ibid.	Quæstio de domino, & seruo.	3
Praelatus magnopere vigilare debet, & quare.	105	Quæstio de servitute, & domino.	2
Propositus regularis quisque quid sit.	18	Quæstio de bonitate superioris, & inferioris.	18
Presbyteri, & sacerdotis eadem significatio diuersa ratione.	22	Quæstio an sacerdos, & episcopus sint idem.	23. & 24
Primatus Petri ad successores transit, & quare.	34	Quæstio de causis seruendi, & imperandi.	8. & 9
Primogenitus sub lege natura in ceteros imperium habebat, & sacerdos		Quæstio de electione ad Episcopatum.	75. & 76
		Quæstio de potestate Papa & aliorum Principum.	51. & 52
		Quæ-	

# I N D E X.

*Quaestio an Petrus & Apostoli fuerūt pater.* 36. & 37

*Quaestio an sit mortale appetere episcopatum.* 69

*Quaestio de generibus Episcoporum.* 30. & 31

*Quaestio de primatu Petri.* 33

*Quaestio an Episcopatus sit ordo.* 26

*Quaestio in quo signo confertur potestas Episcopo.* 29. & 30

*Quaestio an chrismatis collatio, & ordinum minorum, possit fieri ab alio quam ab Episcopo.* 50. & 51

*Quaestio an episcopatus sit de iure diuino.* 45

*Quaestio de Episcopis, & religiosis in quo differunt.* 18. & 19

*Quaestio, in Ecclesiastico Magistratu, qua potior, vita an doctrina.* 102

*Quaestio de quantitate doctrinae Ecclesiastici Magistratus.* 103

*Quaestio quis preferendus ad Episcopatum Theologus, an Iurista.* 110

*Quaestio an prudentia sit necessaria in praelatis.* 114

*Quaestio de residentia 81. & deinceps.*

*Quaestio de dominio rerum ecclesiasticarum, & fructuum.* 90. & 91

*Quaestio de usu rerum ecclesiasticarum.* 92

*Quaestio an laicum imperium clericis conveniat. 94. & deinceps.*

*Quaestio an correctio sit in praecepto.* 111

*Quaestio de correctionis omissione.* 122

## R

**R**atio gubernandi homines duplex. 64

*Ratio ordinis multiplex in Ecclesia.*

103

*Ratio pascendi oues in Ecclesia triplex.*

103

*Regere animas quam difficile.* 21

*Reges & Principes, tres ob causas regno primari possunt a summo Pontifice.* 40

*Regimen animarū nobilius, & dignius contemplatione regularium.* 82

*Regnum calorū tripliciter dicitur.* 36

*Reipublica interitus consilii in perturbatione munerum.* 131

*Religio est schola perfectionis.* 40

*Religiosi, & Episcopi in quo differunt.*

50. & 51

*Rerum summa vni demandanda, functiones vero eius pluribus.* 131

*Residentia unde dicitur.* 83

*Residentia quid sit.* 81. & 84

*Residentia propter quid est.* 81

*Residentia quo iure est.* 87

*Residentia necessitas ex tribus.* 84. 85

*Residentia causa spectant ad summum Pontificem.* 89

*Rex, & Sacerdos quando idem.* 16

## S

**S**acerdos quid sit. 22

*Sacerdos unde dicitur.* 21

*Sacerdos & Episcopus an differant. ibi.*

*Sacerdos in lege naturali quis.* 16

*Sacerdos in lege scripta quis.* ibid.

*Sacerdos apud Gallos, apud Indos, Graecos, & Romanos quis.* 16. & 17

*Sacerdotes triplices lege, natura, legis*

*Mosaica, & Evangelica.* 16

*Sacerdotis quae officia.* 22

*Sacerdotium duplex.* 23

*Sacrificia in lege naturali, scripta, &*

*evangelica quae sint.* 16

84.

# I N D E X.

<i>Sacrificium duplex.</i>	23	<b>V</b>	<i>V</i>
<i>Sanctitas quid sit.</i>	62	<i>V</i>	<i>Aletudo grauis an excuset a re-</i>
<i>Scientia ecclesiasticis maximi necessa-</i>		<i>sidendo.</i>	88
<i>ria.</i>	103	<i>Versutia quid sit.</i>	115
<i>Seruus, &amp; domini discrimen unde.</i>	8	<i>Vester Episcoporum quales.</i>	65
<i>Seruitus quid sit.</i>	2	<i>Vicarij Episcoporum quales esse de-</i>	
<i>Seruitus duplex.</i>	2 & 3	<i>beant.</i>	132
<i>Seruitutis genera quot sint.</i>	11	<i>Vicarius idoneus an satis sit ad exclu-</i>	
<i>Seueritas duplex.</i>	66	<i>sandam residentiam.</i>	84
<i>Seueritas est necessario praelato, &amp; qua-</i>		<i>Vicarius an sit vere pastor.</i>	85
<i>re.</i>	64	<i>Virtutum quot genera.</i>	60
<i>Simplicitas est necessaria praelatis.</i>	114	<i>Visitatio quando, quomodo, &amp; quare est</i>	
<i>Societas prima humani generis qua.</i>	2	<i>facienda.</i>	117
<i>Sponsa ecclesie triplex ornamentum.</i>		<i>Vita actiua an sit melior contemplati-</i>	
	107	<i>ua.</i>	73
<i>Status primi hominis, &amp; innocentia</i>		<i>Vnctio in Episcopis qualis.</i>	29 & 30
<i>qualis.</i>	2	<i>Vnitas Ecclesie qualis.</i>	32
<i>Stellarum positio quid possit.</i>	10 & 11	<i>Vsus iurisdictionis temporalis cuius</i>	
<i>Subiectio quid sit.</i>	4	<i>sit.</i>	30
<i>Synodus Episcopalis quid continere</i>		<i>Vsus rerum ecclesiasticarum ad decus</i>	
<i>debes.</i>	117	<i>persona, &amp; dignitatis, non modo ad</i>	
		<i>necessitatem est bonus.</i>	66 & 92
		<i>Vsus rerum non abusus spectandus est.</i>	
			98
<b>T</b>		<i>Vuicleph in Concilio Constantiensi</i>	
<i>Theologus quis verus.</i>	111	<i>damnatus.</i>	97
<i>Tria in ordinandis considerata</i>			
<i>natalis scientia, &amp; probitas.</i>	53		
<i>Tyrannica seueritas qua.</i>	66		
<i>Tyrannorum duplex esse potest perse-</i>			
<i>cutio.</i>	88		
<i>Tyrannorum persecutio personalis ex-</i>			
<i>cusat a residentia.</i>	88		
<i>Tyrannorum persecutio ecclesie non</i>			
<i>excusat.</i>	ibid.		
<i>Tyrannus quis est.</i>	47		

Auctoritates Aristotelis sunt ex versione Ioachini Perionij.



# Errata

# Emendationes

fol. j. nec	ne
libid. cuiq;	quique
11 præcipiendi tripartitum	præcipiendi & exequendi tri- partitum
17 diuulgandi	diuulgandæ
19 Apostolus	Apostolis
21 Christianissimam	Christianissimus
24 sacerdos	sacerdotum
25 autem	aut
27 sanctoris	admonis
28 ex	est
29 adhibentur	adhibentur
30 fundatur	funditur
30 suam agentes	suam agentes causam
31 mysterium	mysticum
32 ea quæ	eique
38 corpora	corporea
44 agricolis	agricolis
51 quantum	quoniam
54 vigore	vigore.
54 hoc	Hoc
55 de Abbatibus	Abbatibus.
61 sanæ	sanctæ
61 effecit	efficit
61 fulgure	fulgore
64 parcant	parcant
65 prius	pius
70 iuxta	iusta
72 aut	autem
72 imperij	imperio
73 meretur	meretur
74 vltra	cenfura
75 libri	libro
77 quæ requiritur	quæ requiritur
79 tam est	& tam est
81 restituendo	restituenda
96 repugnantis	regnantis
96 iuribus	viribus
103 Hieronymum	Leonem
110 itaque	itemque
113 vindicatorem	vindictorem
116 conficit	confutasse
117 certe	cetera
117 eandem rem sequatur,	eandem rem omnes sequantur
117 publice	publicum
117 cum sui cuiusq;	cum cuiusq;
117 petrus	Petrus.
116 extollitur	extollitur
117 eos	eis
117 astringendam,	adhibendam
117 & cuiq;	& ut cuiq;











